




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.77



HIF



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.77







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.77




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.7.77











HIERONYMI  
**B O S S I I**  
TICINENSIS.

Artis Oratoriæ apud Mediolanenses  
in Palatina Academia  
Interpretis,

**CENTVRIA**  
**SELECTARVM**

EPISTOLARVM;

Excellentissimo

**SENATVI MEDIOLANENSI**

Dicata C. Q.



TICINI REGII;  
Iacobus Ardizzonius Excudebat Ann. clc cl c x x!





## APPROBATIO.

Ego D. Augustinus Valerius Papiensis Congregationis Somaſchæ Clericus Regularis, Theologus, Conſultorq; ſancti Officij Papiæ, de mandato Reuerendiſſimi Patris Inquiſitoris hanc *Sceleſtarum* *Epistolarum* Centuriam Doctiſſimi, Clariſſimiq; Viri HIERONYMI BOSSII TICINENSIS, In Palatina Academia Artjs Oratoriæ Interpretis Regij accuratiſſimè legi, attentaq; mente ponderavi, & diligentiffime recognoui, nihilq; in ea deprehendi, quod aut moribus bonis, aut Catholicæ veritati aduerſetur; imò dignam Typis eſſe iudico, cum ex ea non ſolum Philoſophi iuuenes vtilitatem, ſed ipſi etiam PHILOLOGI homines delectationem ſint habituri, hauſturiq; maximam.

IMPRIMATUR.

Fr. Michael Sax. de Tabia Vic. Inquiſitionis Papiæ.

ILLVSTRISSIMO  
PRÆSIDI IVLIO ARESIO,  
AMPLISSIMISQ. VIRIS,

EVDOVICO MADIO,  
PAPYRIO GATTANEO,  
TRVSSO TRVSSIO,  
HIERONYMO PARAVICINO,  
NICOLAO LEYZALDO,  
IO. BAPTISTAE TROTTO,  
IO. BAPTISTAE VICECOMITI,

ALOYSIO MELTIO COMITI,  
MATTHÆO CAYR. MALDONATO,  
VALERIO CONFALLONERIO,  
PAVLO BELLONIO,  
DON. FERDIN. QVINTANADVEGNAS;  
PETRO FRANCISCO CORIO,  
PRINCIVALLI MONTIO,

Excellentissimi Senatus Mediolani

PATRIBVS CONSCRIPTIS

HIERONYMVS BOSSIVS

Felix, Faustum, Fortunatumq; Precatur Imperium.



Estum beneficium est, PATRES amplissimi, quod  
in Palatina Academia Rhetoricum munus fuerim  
ego abhinc annum auspicatus. Id quod mihi pro-  
fecto multis, ac iisdem magnis nominibus accidit  
non iucundum minus, quam honorificum. Etenim cum meo  
quodam Genio ad MVSAS ferar mansuetiores, atque ad ip-  
sam in-primis ducar PHILOLOGIAM, nunc me me pror-  
sus, ut cum poeta loquar,

— — — *sequi natura semina letor;*

& ita quidem letor, ut & quā ingenij, & quā animi cultus spe-  
ctatur, verē possim cum Plautino dicere Periplectomeno:

*Nunc bene vivo, & fortunatē, atque ut volo, atque ut lubet.*

Præsertim cum vos sperem hoc alterum mihi propediem hu-  
manitate, benignitateq; vestra præstituros, ut quā etiam rei fa-  
miliaris ratio habetur, meū istud gaudiū integrum sit. **N** m-  
que, ut ait Symmachus, *Specimen est florentis Reipub. ut Discipuli;*

† 2

*nam*



narum *PROFESSORIBVS* premia opulenta pendantur: vestra gloria, vt Respub floreat. Sed vt ad propositum reuertar, non exiguam laudem esse vñquam putavi, earum quamlibet artium, quæ liberales appellantur, de publico, & superiore loco interpretari. Præter quam quod summam in eo semper gloriam positam arbitratus sum, quod eadem omnino prouincia mihi decreta fuerit, quam *Parraſius*, *Maſoragius*, *Marcheſonius*, *CICEREIVS*, *PVTEANVS*, *COPPINIVS*, & alij quàm plurimi inuidia maiores viri, Virtute, Fama, & Factis clarissimi, tanta cum dignitate ſuſtinuerunt, vt eorūdem

————— *hæc via ſola ſuperbum  
Ad decus, & ſummas laudum perduxerit arces*

Cui quidem rei nō vulgare ab eo accedit ornamentum, quod *Mediolani* hoc munere perfungar, vbi *Facunda Virorum Ingenia* cuiſcemodi florent *ELOQVENTIÆ* laude, vt difficillimum quiddam ſit in hac Ciuitate dicere, ſed ipſam in primis docere artem benè dicendi longè ſit difficilior. Quamquam, vt numero dicam, quod res eſt, illud à me tantum præter cætera præcipuum cenſetur, quod veſtra approbatione, veſtroq; *Senatus Conſulto* exiſtimatus ego fuerim non indignus, qui in publico *SVADÆ* theatro verſarer. Vos me in lucem ex vmbra euocaſtis: vos hominem è *lare ſecreto* in publicum educaſtis, vtq; viam Publicæ *FAMÆ* ingrederer, effeciſtis. Itaque quidquid vtilitatis, & commodi: quidquid ſplendoris, & gloriæ hæc mihi *Palatina prouincia* ſit olim vñquam allatura, id vobis omne acceptum referre mihi eſt planè conſtitutum. Adeò quidem me ampliſſimo iſti *Ordini* non honore ſolùm præſentis beneficij, ſed ſpè etiam futurorum, deuiaſtis, vt quæcunque à gratiſſimo proficiſci animo poſſunt, me debere conſitear ſimul, & profitear. Quamobrem, Sapientiſſimi *PATRES*, hanc vobis *Selectarum Epistoſtarum Centuriam* mente, & manu dicatum, conſecratumq; venio, vt quæ  
à vobis



à vobis accepi recordari; quæque ab ijsdem sperare possum,  
non tam intelligere, quam plurimi facere videar. Interim  
autem epistolam votis claudor, &

*Deum O. M. Veneror,*

*Vti Sapiens Vos, Incolumesque Præset,*

*Quia Vos Rempub. Ex Cōmuni Omnium Utilitate Geritis:*

*Vt Eosdem Florentes Seruet,*

*Quia Per Vos Florent Ingenia:*

*Vt Denique Ad Multos Annos Conseruet,*

*Quia Publica Salus Vestra Continetur Incolumitate.*

Annuet, annuet meis præcibus, votumque meum ille Rex  
Regum firmabit, à quo omnis HONOR, & POTESTAS;  
quique SALVS, ac VITA est mortalium. Ex Musæo.

Ad Clarissimum Virum,  
**HIERONYMVM BOSSIVM**  
**TICINENSEM.**

IN PALATINA ACADEMIA  
Artis Oratoriae apud Mediolanenses REGIVM INTERPRETEM,

O D E

Augustini Gorrinij Iriensis, eximij I.C. & Theologi.

**Q**uod te Pierides bonae  
Pauerunt dulci nectare, & ambrosia,  
Quod vatum pater aureus  
Te docuit culta psallere Apollo Lyra,  
Quod Pallas quoque; & adala  
Ingenij larga messe valere dedit,  
Quod gratas Veneres pede  
Aeterno terram dum quatit ipsa Charis,  
Iecirco superas chely  
Vatem, cui licuit flectere iura Stygae:  
Et quae Romuleos patres  
Detinuit latij fama superba fori.  
Vates barbite de iugis  
Si quercus altis eruit aérias  
Atque; vrsos, Tigrides, leas  
Mulcendo placida reddidit instar ouis,  
Deduxitque polo genus  
Quod penna aetherias verberat omnes plagas,  
Moti Hebrivapidos nimis  
Cursus, & tenuit flamina saeva Noti  
Ditis praeterea canem  
L'enijt, amissam dum petit Euridicen;  
Romanum iecero forum  
Dum superas Pylum voce tonante senem:  
Tu omnes attonitos facis  
Dum prona Aonium spargis in aure melos:  
Tu pelus rapis omnium  
Dum fluit ingenij vena benigna tui.  
Tu praecordia pessides  
Pieriam docta dum feris arte lyram,  
Succo Cecropio madens  
Et Latio, latinum sustinuisse potis.

Felix ergo ter, & quater,  
Qui numeros apto promocat ore tuos,  
Qui cultum eloquium bibit  
Quod pluit, et magni fluminis instar agis;  
Nam si concinis, illico  
Mulcendo, carterum sidera celsa graui  
Votiuo ore superbiens  
Pegased nimum messe beatus abie  
Nam si fulgura detonas  
Bellaque, compescis fulmine vocis abie  
Votiuo ore superbiens  
Palladij pleno pectore diuitijs.  
Felix verum ego maxime,  
Si quisquam felix vixit in orbe magis;  
Plena qui aure bibo melos  
Palladium, quod me nocte dieque; beat:  
Cui semper molicis modis,  
Et datur Aonijs me recreare sonis,  
Necnon in latio foro.  
Voce sonante frui, voce tonante frui.  
Nostro stichudias lare  
Deuoro non segnis nocte dieque; tuas;  
Praefertim Aonijs rosam  
Quae dicat affigens culta tabella tholis;  
Musa ut stichidys modò  
Ex BOSSI, nec lent floride ferta sibi.  
Sed praefiscine, pallidam  
diuaso pellunt quae mihi melle famam.  
Ipso & nectare perpluunt  
Quid siccam arenti detrahant ore sitina.  
Sic pascor bene quod mihi  
Invidet Etus, inuidet Hesperius.



In Centuriam Epistolatum  
CLARISSIMI VIRI  
HIERONYMI BOSSII TICINENSIS,  
IN PALATINA ACADEMIA  
Apud Mediolanenses ELOQVENTIÆ PROFESSORIS,  
EPIGRAMMA  
BENEDICTI SOCIACI,

Poetæ, ac Theologi Præstantissimi.

**C**ENTURIAM nouus ecce nouam conscribit, agitque.  
CENTURIO, iriſtem vincat di inuidiam.  
Nec luce armorum, verborum at fulgure doctos  
Perstringit viſum, Vertit & ora virum:  
Non cadem, aut furias ſpirat, ſed vbique lepores,  
Non Mars enſe tonat, ridei vbique Venus.  
Eſt telum calamus bellator, pagina campus,  
Pagina pro multo ſanguine melle mader.  
Nec quærentur opes, aut regnum, at fama ſuperſtes:  
Non hoſtes victor, ſed fera ſcila domat.

TYPOGRAPHVS LECTORI.

Rogo, & obſecrote, QVISQVIS ES, vt ne prius hanc Epistolatum Centuriam legas, quàm expungenda deleueris, & ſuo iſta quæque loco repoſueris, quæ hic ego ſubijcio, indicatis ERRORVM pagellis.

Pag. 5. ac veriùs. 19. quia in te illa. 20. dandum putauit: litteris ſuis. 26. Cornelij. 30. in eis libra-  
rij 35. Solon: Roſci: ad imaginem. 44. propius acceſſiſſe. eruditiffime 48. proficiſcatur: 51. cum his  
ad te 61. ſartas teſtas: percuſſi. 63. ad vnum. 68. ait. 72. hetruſca lingua: nox dirimeret. 81. Rha-  
mnufia 83. certè diligètia: tua efficies. 84. e ſelectorum iudicum: muſas frequentiùs. 85. rus me-  
rum: liber animus: nemo poterat 86. regit patrijs: exemplo ciues ad; ſed eoſdem. 81. humanum  
præditus; ſpe non dubia. 89. pictorium cimerialcium 90. quò feſtos; ſenatus excudat. 91. pal-  
liatæ; compendij. 94. Roma miſſas. 95. noxa erit. 96. digitum porrigeret 97. ſaulij.

Hoc AMPLIUS animaduerte, & ignoſce A manu ſi quòd litterarū is geminauerit ex-  
emplum quæ paginis 58. & 91. bis excuſæ perleguntur, omiſſa alia epiſtola, quæ pag. 91.  
erat alioqui typis imprimenda.



# Syllabus eorum, ad quos sunt missæ Epistolæ.

Alexander Grassus QUÆSTOR epist. 55	10. Baptista Costa I. C.	31
Alexan. Lodouisius CARDINALIS. 34 64	10. Baptista Prouera' Bellingerius Senat.	
Aloysius Bologninus 100	Mediolan. à SECRETIS	92
Aloysius Cognolius 74	10. Baptista Resia	73
Aloysius Melius Com. SENATOR. 70 89	10. Baptista Saccus Senat. à SECRETIS. 11	
Annibal Guasus 26	10. Bapt. Solarius, Agens Polon. REGIS 16	
Antonius Fridericius I. C. 23	10. Baptista Sormanus I. C.	30
Antonius Olgiatus 20	10. Baptista Trotius SENATOR	65
Ant. Querægus utr. signat. REFEREN. 40	10. Baptista Vicecomes SENATOR	67
Antonius Serbellonus Comes 79	10. Caualcchini I. C.	82
Aquilinus Coppinus 36	10. Francis Landria Sen. à SECRETIS 78	
Augustinus Guasus 44	10. Thomas Gallaratus SENATOR	18
Aurelius Insolus 84	Iulius Aresius PRÆSES 5. 27. 37. 69	
Bartholomæus Maluetius 35	Iulius Cæsar Reginus I. C.	95
Bartholomæus Pisonus I. C. 81	Iulius Negronius	43
Bartholomæus Zucchi I. C. 90	Iulius Turrianus Scal. Tem. Prapostus 15	
Bassianus Catenagus 88	Lælius Bisciola	49
Benedictus Sociacus 25	Ludouicus Acerbus SENATOR, nunc	
Cæsar Vbertus 41	Ord. Magist. PRÆSES	53
Carolus Antonius Belcredius I. C. 97	Ludouicus Madius SENATOR	47
Carolus Madrucius CARDINALIS 66	Ludouicus Sephalus	52
Claudius Achillinus I. C. 21	M. Ant. Bonciarius	46
Cosmus Alemannus 33	Matthæ. Cayra, Maldonat' SENATOR 72	
Didacus Milianus I. C. 63	Matthæus Valerius	96
Erycius Puteanus 19	Nicolaus Leyzaldus SENATOR 62. 93	
Fabritius Landrianus EPISCOPVS 59	Octavianus Vicenardus I. C.	58
Federicus Borromæus CARDIN. 2. 54 94	Papyrius Cattaneus SENATOR	50
Ferdinã. Quintanaduegnas SENATOR 85	Paulus Belloinus SENATOR	12. 80
Flaminius Platus CARDINALIS 7	Paulus Sfondratus CARDINALIS	6
Franciscus Cognolius I. C. 13. 34	Petrus Cantonius I. C.	29
Franciscus Vossius 32	Petrus Franciscus Corius SENATOR 83	
Gaspar Saluianus 71	Philippus Massinius I. C.	10
Gaspar Scioppius 75	Pius Mutius ABBAS	9
Henricus Arfagus I. C. 86	Placidus Carminatus Brambilla	22
Hercules Tassus 14	Pompeius Cornazzanus EPISCOPVS 61	
Hieronymus Carandinus 24	Princiualis Montius SENATOR. 68. 87	
Hieronymus Paravicinus SENATOR 60	Rebertus Titius	42
Hieronymus Prætus I. C. 56	Scipio Bargalins	45
Hierony. Xauerius CARDINALIS. 4 51	Scipio Borgbesius CARDINALIS 1. 48	
HYMORISTI Academici 17	Thomas Stiglianus	28
INSENATI Academici 3	Trussus Trussius SENATOR	57. 91
Io. Angelus Cornazzanus I. C. 77	Valerius Confallonerius SENATOR	76
Io. Baptista Bigonius 98	Vincentius Gallus	29
Io. Baptista Bilus EPISCOPVS 8	Vitalianus Vicecomes ARCHIEPISC. 39	



HIERONYMI  
BOSSII TICINENSIS  
CENTVRIA  
SELECTARVM  
EPISTOLARVM.

HIERONIMVS BOSSIVS  
SCIPIONI BVRGHESIO.

Sanctæ Romanæ Ecclesiæ CARDINALI,

S. P. D.

Epist. 1. Roman.



Ere Ciuitas Romana nunc temporis digna est, Cardina-  
lis Amplissime, SCIPIO BVRGHESI, ut Mar-  
cellini Verbis Virtutum omnium domicilium appel-  
letur. Etenim his præcipue temporibus, PAULO U.  
omnium Optimo, omnium Maximo Pontifice, Auunculo tuo, sic  
emittitur, quod ait Poeta,

..... sola virtute potestas,  
nihil ut opus sit, aut ad largitiones tellendas, aut ad ambitum coer-  
cendum, lege Calpurnia. Quandoquidem viris probis tantum, &  
ijs, qui prudentia, & ceteris id genus animi dotibus conspicui sunt,  
Dignitates, & Sacerdotia deferuntur. Id quod exemplis, ut in-  
quit ille meus, præsentibus, viuisque, fieri quotidie magis sua cum  
voluptate perspiciunt, quotquot in ista Vrbe, in ista luce versantur  
orbis terrarum. Neque verò nos hoc ipsum, quantumlibet magno lo-  
corum intervallo disuncti, ignorare possumus, cum vir sine exce-  
ptione probatissimus, Urbis nostræ Episcopus, coire, quo qui  
optimo, fuerit nunc nuper creatus. Quoniam honore isto auctus non  
antea fuit, quàm in Varys Prouinciariû gubernationibus ita se gesserit, ut

A

lices



2 HIERONYMI BOSSII TICINENSIS

licet magnum quiddam sit, quod consecutus est, ab hominibus tamen plus mereri, enucleato suffragio, iudicetur. Itaque, si dignitas, dum ad incognitum venit, donum est, cum ad expertum, compensatio meritorum; populares mei Summi Pontificis Iudicio, & testimonio freti, liberè possunt, ac potius debent, prisco ritu adclamare: hunc Præsulem, hunc imitari omnes volumus, qui nobilis est sanguine, emendatus vita, doctrina clarus, moribus singularis, exemplum antiquitatis. Ea re ab optimi civis officio, quem suæ patriæ siue ornamenta, siue augmenta delectent, discedere mihi viderer, nisi maximas, & immortales haberem tibi gratias, qui ore tuo, quasi Delphico Apollinis Oraculo, non hominem solum apud Aun- culum commendare, sed ad Episcopatum etiam promovere, hoc est, ut ego interpretor, nos summo bono afficere, voluisti. Neque satis profectò verbis indicare possem, ne dum aperiùs declarare, quantum ego ob eiusmodi beneficium, publicè acceptum, priuatim debeam. Cui cum alterum illud accedat, quod auctor fueris eidem Antistiti, ut Fratrem in suis Cancellarijs habere velit, totis te animi sensibus amare, & observare compellor, si modo is compellitur, qui libenter aliquid, & studiosè facit. Et ne homo essem mente viduus omnino, illud si non intelligerem, quale, & quantum sit, quod tua apud me humanitate posuisti: & cum intelligam, si meum libens merito nomen in tuis Censualibus libris non adscribe rem. Quid igitur? iam mea sponte, nulla prætoris intercedente autoritate, me tibi do, dico, addico. Præsertim cum non ignorem, quòd non minùs propter amplitudinem dignitatis, quàm propter magnitudinem animi tui, quæ, in dando, mutuum nec respicit, nec recipit umquam, nulla aut industria tibi, aut officio meo possim redhostire. Hoc potius Fratrem curatum affirmatè promitto. Ut, liceat mihi hoc verbo, vii, nec te Favoris, nec ipsum Episcopum pæniteat Obsequij. Quòd si, cum Plinio dicam, sollicitiùs custodiendus est Honor, in quo etiam beneficium amici tuendum est, multò magis, in quo Principis tui similis: cui vel de nomine tantum innotescere, laus est non vulgaris. Fide certe, quæ in Ingenio est, & Sedulitate, quæ in Manu, afficiet, quoad



quoad eius poterit, ut sua opera in isto munere Graphico nec desiderari, nec accusari ullo modo possit. Interim autem Bonas Preces Te Precor, atque per Summi Pontificis Avunculi tui Genium rogo venerabilundus, ut, iterata apud hominem opera, Tuo isti Beneficio, siue mihi, siue Fratri delato, Solidam Addas Perpetuitatem. Ticino Regio, Prid. Nonas Augustas

HIERONYMVS BOSSIVS

FEDERICO BORROMÆO

Archiepiscopo Mediol. &amp; S. R. E. CARDINALI.

S. P. D.

Epist. 2. Mediolanum.



Recordatio singularis illius benignitatis, quam ex eruditissimis sermonibus tuis perspexi, me quotidie, fateor, ex quo Mediolano profectus sum, admonuit officij mei. Sed mihi plane accidit quod Æschino Terentiano, cuius dum nimis sacras nuptias

Student facere, in apparando consumunt diem.

Ecce tibi, Cardinalis Amplissime, dum expecto, ut in mentem aliquid veniat, quod in eam epistolam, quam ad te cum opusculo meo recepi me daturum, confirmata, si minus aucta, de me opinione, conijcerem, duo ipsi menses abierunt. Ne me igitur, quod iam tempore lapsa fides sit, referas in parum idoneis nominibus, has cum libro ad te mitto litteras, ut ut licuit scriptas in multis, ac magnis occupationibus meis. Quas tamen, ut tamquam indices observationis erga te mea libens accipias, rogo te per eorum lucubrationes hominum, quorum ingenia, ut Plinius ait, rem publicam fecisti in Ambrosiana Bibliotheca. De qua profecto, si quando mihi Deus otium fecerit, aliquod conari animus est, ex quo facile intelligas me fortasse non indignum esse omnino, quem in tuam clientelam recipias. Vale splendidiissime litterarum, ac litteratorum in Italia. Mæcenas, &

De nostris annis tibi Iuppiter augeat annos.

Ticino Regio. XVI. Kalendas Septembreis.

A 2

HIE-



HIERONIMVS BOSSIVS

## ACADEMICIS INSENSATIS

S. P. D. Epist. 3. Perusiam Augustam.

**C**ommuni profecto sensu, nobilissimi INSENSATI, carere mihi ipse viderer, illud si minus intelligerem, quanti sit, quod in vestram me familiam cooptastis. Etenim, quantum ceteris animantibus homo ratione præstat, tantum ij ceteros antecellunt homines, quorum vitam, ut Poeta inquit summa prudentia Prudentius,

----- sibi temperat, atque gubernat.  
Viuida Mens.

Vos autem ita Platonium animi Tetrachordum temperatis, ut rationis nervus cum nervo concordans intellectus, Homophonum creet, nec ulla plane sensuum Emmeles in vobis exaudiat: adeo vitam, & mores, vestrorum nemo.

----- ficto componere tentat  
Memborum Genio.

Cum itaque sitis non re ipsa minus, quam appellatione, ut hoc verbum dicar, INSENSATI, maxima certe laus, ac potius gloria est, eiusmodi nomine vobiscum nominari. Quamobrem gratias & ago, & habeo immortales, quod me vestra Academia donatum ab illecebris sensus, deliciisque, isto nomine reuocetis: qui quidem, vere dicam, dum INSENSATIVS vocor, impositam mihi video necessitatem, ut prorsus effugiens corporis sensus, animi tantum, & ingenij sensa, Menti, ac Musis operando, & sequar, & amplectar. Valete Apollinis Corculi. Ticino Regio.

HIERONYMVS BOSSIVS

## HIERONYMO XAVIERO.

Sanctæ Romanæ Ecclesiæ CARDINALI,

S. P. D.

Epist. 4. Madritum.

**I**psius Seruatoris nostri Palmalibus, Cardinalis Amplissime, litteras tuas accepimus. Quæ quidem, si vera dicenda sunt, non mihi magis



# SELECTARVM EPIST. CENTVRIA 5

magis honorifica ab ista purpura, quam ab tua ipsius humanitate iuncta  
de acciderunt. Etenim non prater solum expectationem, sed contra  
potius omnem opinionem fuit, ut protantula tot tantas gratias ageres,  
haberesque: ac verus etiam referres, proluxa adeo pollicitatione clien-  
tele tue ad mea omnia paratissima. Atqui maximas ego tibi potius  
debeo gratias, quod nec Vir Amplissimus humilitatem nostram fueris  
aspernatus, & mea tamen, quae paucula, & parua dedi, exceperis li-  
bentissime. Quo facto, vix, certe credas quanti studij quantus cu-  
mulus accesserit voluntati, & observantiae erga te mea. In-  
terim Deus te seruet Hispanae genti, ac eundem in primis orbi conser-  
uet Christiano.

HIERONYMVS BOSSIUS

IVLIO ARESIO

Senatus. PRÆSIDI, & Regio à Secretis CONSILIARIO.

S. P. D. Epist. s. Mediolanum.

Vere possum de te, sapientissime Praeses, IVLI ARESI, cum  
lyrico poeta dicere.

..... micat inter omnes

IVLIVM sydus, velut inter ignes

Luna minores.

Non tantum enim, quod vulgus hominum solet, pulchrum esse existi-  
mas ceteros aut dignitatibus, aut divitijs superare, quantum singulari-  
bus, ac ingenuis animi dotibus esse, quod de Atride inquit Homerus.

Valde præstantem inter multos, & eximium heroas.

Ego quidem, ut prudens sciens reliquas multam virtutes tuas, admi-  
rabilem quamdam in te vno suspicio erga omnes humanitatem, & er-  
ga bonarum artium studiosos liberalitatem: duo scilicet animi orna-  
menta, quae te faciunt. Ea re nec facile tibi dicere,  
neque mecum vlllo statuere modo possum, Virum gratius mihi accide-  
rit aureumne numisma, quod ad me dono misisti, an epistola, quam  
illi adiunxisti, amantissime, & honorificentissime scriptam. Altera

A 3 ad



ad eximiam spem erigis cogitationes meas: altero vero tantum me or-  
nas, ut nisi in eodem tuam potius humanitatem, & prolixam natu-  
ram, quam meritum ullum erga te meum agnoscerem, homo essem  
aut omnino expers iudicii, aut omnium superbissimus. Quo vitio si  
laborarem, ne me ipse, qui modestie amantiissimus es, ex tuorum albo  
eximeres, in quibus cum me numerari & antea multis, ac magnis be-  
neficijs significaveris, & nunc maxime istoc munere declaraveris, non  
possum, præter quidem ingenium, ac genium meum, qui homo sum  
Aphilodoxos, non incumbere ad ambitionem. Namque ab ijs omnibus,  
qui in tuam me fidem receptum esse non ignorant, aliquis habeor tua  
causa, qui nullus pene mea haberet humilitate. Et quidem.

Totum muneris hoc tui est,

Quod monstror digito prætereuntium.

Quare tibi gratias ago maximas, & habeo immortales, de aureo isto  
numismate, quod medius fidijs longè mihi fuit gratius, quam Her-  
mathena Asiici M. Tullio. Ut autem ista etiam in re imiter homi-  
nem, quem pro Virili auctorem sequor, Solis donum hoc tuum di-  
cam, cum in ipso numismate imago sit expressa magni Marchionis  
IOANNIS MENDOTIÆ. Quippe non minus Rempublicam  
bonus Gubernator suo exhilarat, ornat, & constituit ad spectu, atque  
exemplo, quam Sol mundum radijs illustrat suis. Quod aut nun-  
quam verè de quopiam fuit prolatum, aut verissime nunc possumus,  
& debemus affirmare de Principe isto prudentissimo, optimo, fortissi-  
mo. Quem Virius Bellica Aneam facit sæculi nostri, & ciuica  
Augustum, ac Musagetam. Belle adeo, quod tu omnium ma-  
xime nosti,

vacuum duellis

Ianum Quirini clausit, & ordinem

Rectum, & vaganti frenâ licentis

Iniecit, amouitque culpas,

Et veteres reuocauit artes.

Quem cum mihi non liceat, ut ardentissime cupio, cominus venerari ef-  
fectum isto in numismate perpetuo contemplanor. Atque omnem vo-  
luptatem



cupatam, quam in eo contemplando percipiam, cum tui ipsius coniun-  
gam recordatione. Tu interim, Amplissime ARESI, fac Valeas, & me  
sic ames amore illo tuo singulari, ut omnia tibi fausta, felicia Fratri,  
ac Filij suis fortunata, precor. Ticino Regio.

HIERONIMUS BOSSIVS

PAVLO SFONDRATO

Sanctæ Romanæ Ecclesiæ CARDINALI,

S. P. D.

Epist. 6. Fulginium.

**N**unc primum, Cardinalis Amplissime, ego tibi de facie  
homo ignotus minino, ac de nomine etiam vix notus, litteris  
te meis appello. Sed neque tamen opus esse arbitror longo  
tecum apparatu verborum in ipso scribendi principio vii, quo tua mi-  
hi benevolentia concilietur. Illa profecto singulari benignitate, qua tu  
quidam mihi videris esse Humanitatis Genius, sine emulo, sine  
exemplo effecisti, ut prius tibi Gratias Merito Magnas deberem,  
quam ut me, ac Fratrem, in tuam ipsius gratiam, & clientelam, rece-  
ptum esse intelligerem. Præoccupasti inquam, ac potius præuertisti,  
beneficis tuis officium meum. Porro nobilissimus, & præstantissimus  
Vir, IO. BAPTISTA SOLARIVS, Agens POLONIÆ RE-  
GIS. in Insubria, ab hinc mensem significavit, quanto opere Fratri tua  
authoritate in eo commodare volueris, ad quod unum discupit  
votis omnibus peruenire. Atque adeo cum epistolam, ad hominem  
nunc temporis per publicum tabellariū à te missam, oculis arbitrarer,  
in certam spem veni futurum, ut ductu, & auspicio tuo, ad Can-  
cellarij munus, in Ticinensis Episcopi foro, inuitaretur is potius,  
quam administeretur. Hancque meam perbellè opinionem litteræ con-  
firmarunt, quas sapientissimus, idemque optimus nostræ Urbis Episco-  
pus, ad te Roma dedit, ac mox in Fulginio Mediolanum, ut à no-  
bis legerentur, ad SOLARIVM perferendas tradidisti. Ex ijs  
certe patet, quantum nos illi in suspensa manu commendaueris: in  
quo tuam amo singulariter humanitatem, & quantum apud eundem

Fratri



8 HIERONYMI BOSSII TICINENSIS

*Fratri ipsi ornamento simul, atque adiumento fueris: in quo amplitudinem agnosco, & veneror istius dignitatis iue. Ut enim Cardinalis Felicitatis est, in orbe Christiano, quantum velis posse, sic magnitudinis, velle quantum possis. Tua igitur fretus clientela hoc iam non amplius spero, sed mihi certo polliceor de Episcopo nostro, ut statim, atque fuerit ex Aeterna Urbe Roma, ad nos profectus, hanc homini scriptoriam provinciam decernat: modòne tamen*

*..... eius oculi sententiam mutent, ubi istum viderint.*

*Causas quidem de hac re dubitandi nec pauciores, & fortasse maiores habeo, quam de suo amatore Plautina Acroteleutium. Sed illa me casu magis, ac magis commouent, quæ in non-nulorum perfidia maleuolorum posita sunt. Atqui Nostræ Urbis Pontifici ad inuidiam hoc insurrabunt, quod Musis nunc tantum operetur Mansuetioribus, quasi nihil Astrea cum Phæbo commune sit: & illud alterum, scientes ne-scientes, silentio præteribunt, quod ab ineunte adolescentia in pulvere isto forensi fuerit per septem ipsos annos versatus. Nec dubium est, quin suum sermonem fingant ad Antiphonis illius Terentiani imitationem, qui*  
*..... quod boni est excerpit: dicit quod mali est.*

*Sed neque propterea animis cadam, fore sperans, ut omnia facile vincantur, ac superentur autoritate patrocini tui. De quo se eas tibi agere gratias velim, quas semper, dum viuam, sum maximas habiturus, plus omnino, quam ferre possit, ingenio imperarem meo. Multò autem minùs cogitabo de referenda gratia, cum æqua ratio mihi nunc tecum sit, atque olim Ausonio poeta fuit cum optimo Romanorum Cæsarum, Traiano. Quippe nec tua fortuna desiderat remunerandi vicem: nec nostra suggerit restituendi facultatem. Itaque ne omnibus partibus videar ingratus, me totum, ac Fratrem in ære tuo esse non profiteamur solum, sed gaudemus etiam quàm maxime. In quo fortasse tuis istis erga nos meritis, satis pro virium nostrarum tenuitate, respondisse existimabimur. Reddit enim, ut ait Seneca, beneficiū qui libenter debet. Cæterum ego iugiter à Deo precibus contendam, ut det tibi, SFONDRATE Amplissime, ætatem, quam mereris, seruetque animum, quem dedit, ad omnium scilicet commoda promptissimum, paratissimum. Ticino Regio, Prid. Nonas Septembris*



HIERONYMVS BOSSIVS

## FLAMINIO PLATO.

Sanctæ Romanæ Ecclesiæ CARDINALI,

S. P. D.

Epist. 7. *Ferrariam.*

**N**on vulgare illud profecto est, quod CÆSAR frater patruelis meus in causa Laumelensis Sacerdotij à Summo Pontifice obtinuit deprecatione tua. Ut igitur intelligas, Cardinalis Amplissime, FLAMINI PLATONIS; quod eiusmodi facto non hominem solum tibi obligaueris, sed gentem BOSSIAM uniuersam deuinxeris, me tibi etiam istius beneficii debitorem constituo, profiteorque. Cum præsertim illud mihi CÆSAR narrauerit, quod ipsi auctoritate, ac gratia tua in eius petitione, mea præcipue causa, fueris adiumento. Sed eo tamen nexu tantum abest, ut velim dissolui, ut contra nimium quantum gaudeam, quod apud te in expensi tabulis meum nomen descriptum iaceat. Qui enim in tuis illo merito meo haberi, aut esse, non possum; saltem haberi debitione cupio. Interim autem Ferrariensis Cæli Genius in isto tibi secessu sit adeo salutaris, ut, qui es B. R. P. N. Christiane,

Serus in cælum redeas: diuque

Latus intersis populo Quirini.

Ticino Regio propriis Kalendas Quintilicis.

HIERONYMVS BOSSIVS

## IO. BAPTISTÆ BILIO.

Ticinensium EPISCOPO,

S. P. D.

Epist. 8.

Romam.

**A**ccepimus hebdomada superiore nuntium, ut diu expectatum, ita expectatione ipsa iucundiores, feliciores. Diem autem, quo iste ad nos perlatus est, debita omnino religione celebrauimus. Atque publicè nuncupatis votis, & indicta supplicatione pro tua ipsius Salute, in qua nostræ præcipue Urbis tranquillitatem, felicitatemque

B

temq;



semq; non immerito positam existimamus, sumus authorem illum, ac datorem Salutis, Deum Optimum Maximum obnixè venerari. Intelleximus enim eum esse te, præstantissime B I L L I, in quo partes omnes, infulato siue Principe, siue Præsule dignæ, pereximie & vigeant, & ad aliorum floreat exemplum. Sed hæc tantum audiuimus: præsentia videre, habereq; desideramus. Itaq; ut tuum matures aduentum, quo nihil magis est apud nos in expectatione, te nimium quantum rogamus: te precamur. Quod si tu vicissim ad nos, si Ticinum cogitas, iam libo, & poma tua causa, ex prisco ritu, Vibilia facio. Vale. Ticino Regio.

---

HIERONYMUS BOSSIUS

P I O M V T I O A B B A T I.

& ad Galliarum Regem NVNTIO,

S.T.D.

Epist. 9.

Patavinum.

Vitulam, PIE optime Herculi paro, qui te in itinere comitetur: Suadæ autem bibentem Vouco, ut tibi adsit in legatione. Audiui enim te unum fuisse à Generali Cassinensis familia Præsule oratorem designatum, qui ad Regem in Galliam eas. Maxime quidem lætitiæ mihi fuit hic nuntius: illud præsertim consideranti, quod ea & eloquentia, & prudentia floreas, qua facile possis legationem cum Perfica renuntiare. Quamobrem in munere isto, quod alioqui eximium est, non tibi positum honorem puto; sed gradum potius ad honores, & dignitates. Quas quidem iam auguror ab amplissimo isto Præsule parari, ac decerni, ut cum redieris, Respub. Cassinensis exornatum te illo maxime delit in præmium, & præmium siue opera, siue virtutis tue. Eia igitur

I tua te virtus quò nunc vocat, i pede fausto.

Vade inquam orator, & exorator redi, ac Vale. Ticino Regio.

HIE.



## PHILIPPO MASSINIO.

I. C. Equiti, Poetæ, &amp; Primario ANTECESSORI,

S. P. D.

Epiſt. 10. Piſas.

**A** Manter facis, quòd elegantiffima epiſtola tua me ad officium ſcribendi reuocas: iucundè, quòd de ijs rebus omnibus, quas ad te **HYPPOLITVS MONTIVS**, vir certè

Antiqua probitate, moribusq;

Dignis Pythagora,

de me antea perſcripſit, à me ipſo vis iſerum certior fieri. Quasi vero in eius tuiſſeris, quas fide optima & exarauit, & dedit, acquieſcere non potueris. In quo te, **MASSINI**, U. C. libenter excuſo, quòd amoris hoc proprium eſſe non ignorem, ut amicorum voluptates, licet ſint iucundiſſimæ, ſi quid de ijs ab alijs intelligamus, multo tamen videantur eſſe iucundiores, ſi ab ipſis admoneamur. Nunc igitur tibi, quando ita rogas, ac potiùs iubes, ea narrare haud verebor, quæ antea dix potuiſſem ſignificare, quin grauiter illam modèſtiam offendiſſem, quam ipſe, tua utar formula, in me dicis peculatum facere: omnia inquam, ut ut acta ſunt, recenſebo, fore ſperans, ut imperium tuum me ab omni ſuperbiæ liberet ſuſpicionè. Quamquam, ut Princeps ait Academicorum, Nihil quod modèſtè, & legitime fit, vituperare decet. Hortantibus amicis aliquot, ac in primis **PAULO BELLONIO**, I. C. eloquentiſſimo, **IACOBO RESTA**, **HYPPOLITO CERBONIO**, & **AVRELIO VALERIO**, doctiſſimis viris, collegi, non enim dicam ſelegi, non nullas epiſtolas meas, partim in ipſa adoleſcentia, partim conſcriptas hac mea ineunte iuuentute. Illas autem, quæ (ut latiùs hoc verbum, quàm Tulliani volunt, cum Lipſio transferam) ultra centuriam excurrebant, in V. Libros diſpartiui, atque in vnum volumen congeſſi. Octobris itaque Florentialibus vnà cum **PLACIDO CARMINATO BRAMBILLA** proſectus ſum Mediolanum, ut illud ipſe mea manu darem, cui dicatum erat, **PRÆSIDI** Ampliſſimo,

B2ac



ac sapientissimo PHILIPPI REGIS CONSILIARIO, IV-  
LIO ARESIO; viro scilicet ea virtute, ac prudentia exornato,  
ut verissime de Agellij sententia possemus cum poetis Iouis filium ap-  
pellare. Sed vide quàm omnia cecidere mihi feliciter, & fortunatè. Vix  
eò perueni, cum Generalis IESUATORVM Præfectus IO. AN-  
DREAS QUAGLIINVS à DRV BACCHIO monitus de ad-  
uentu meo in Diui Hieronymi cænobium ad se vocari me iussit. Neq;  
ad amicos, quos illic habeo non paucos, quamdiù Mediolani fui, fui au-  
tem ipsum iriduū, me vnquam diuertere passus est. Tantaq; mecum  
vsus est humanitate, ut præ illo Megareses, Corinthios, & Lucanos,  
qui aduersus inhospitales actionē dabāt Cacozeniz, ius omne hospi-  
tij existimē contēpisse. Ipsius verò Præfecti humanitatē mirificè subse-  
cuta sunt eorum adolescentiū officia, qui ad B. IOANNIS COLUM-  
BINI præscriptum illic summa viuunt cum religione, ac pietate. Alij  
me abeuntem prosequébantur: alij domū redeuntē excipiebant: alij in  
canaculo, ut suauius pranderē, mecum colloquebantur: nonnulli in hortis  
disputabant, ut amēniūs deambulare. Itaq; mihi ipse videbar esse  
modò in conuiuiō cū Platone, modò ad Platonis statuam cum Bruto  
in hortis M. Tullij mei: Tantum illi,

Pierijs pollent studijs, multoq; redundant  
Eloquio.

Sed quoniam, ut Petronianus dicit Ascyrtos, tardum est differre,  
quod placet, non te diutius suspensum tenebo, quin fideliter nar-  
rem, quæ me PRÆSES ARESIVS, complexus sit & beni-  
gnitate, & liberalitate. Cum is igitur ex Vernula quodam suo in-  
tellexisset, quòd ego pro adium foribus adessẽ, in aulam, vbi  
cum BARTHOLOMÆO fratre, prudentissimo, humanissi-  
moque viro, atque cū BARTHOLOMÆO, & CARO-  
LO, filiolijs, & animulis suis, tunc temporis prandeat, rectā  
me duci voluit: introductum ea fronte, eoque vultu excepit, ut il-  
lum agere potius cum homine Urbis primario, quàm cum Bosso, tu-  
mi PHILIPPE, dixisses. Rogauit etiam, nec quidem, ut fieri  
solet temporibus nostris, vix exeuntibus verbis, rogauit inquam per  
sum.



SELECTARVM EPIST. CENTVRIA. 13

summam contentionem, ut apud se diuerem illud triduum, sed hac illi in re morem gerere, quod iam Generali IESVATORVM Pæfecto condixerem, non potui. De volumine autem mearum epistolarum, quod libens merito illi ego dicaui, tantas gratias egit, quantas sine rubore nec tunc audire, nec nunc tibi (quamquam litteræ non erubescant) perscribere possum. Nec solum verbosa illius fuit humanitas, tanta me muneris affecit largitate, ut non minus verè, quàm de Therone Pindarus, ego de ARESIO meo Proferam iureiurando firmatum verbum veraci mente, peperisse nullam intra centum annos Ciuitatem beneuolo virum magis beneficium petere largioremque manu. Atque ut aliquid singulare audias de illius erga me liberalitate, non reticebo, quod ab eo donatus fuerim aureo numismate, siue, ut me dicere fortasse mallet, toreumate, in quo arte nescio cuius Alcimedonitis efficta probè fuit effigies Magni Marchionis, Magnique Principis, IOANNIS MENDOZAE, Mediolani Gubernatoris. In cuius orbe numismatis idem PRAESES ARESIVS, vir, ut optimè nosti, ingenio, & iudicio præstantissimus, ad veram tanti PRINCIPIS commendationem hoc imprimi dictum curauit quadratis litteris: VIRTVS BELLICA, ET CIVICA. Nulla enim est aut in pace optimi Gubernatoris laus, aut fortissimi Ducis in bello gloria, quæ Magno MENDOZÆ non debeatur. Nam is viroque Reipublicæ tempore, quasi Asteropæus aliter Homericus, Peridexios semper fuit; siue contra hostes Bellona; siue cum ciuibus Palladis hastam tractauerit. Enituit aliquis in bello, (cum Plinio dicam,) sed obsoleuit in pace: alium toga, sed non & arma honestarunt: reuerentiam ille terrore, alius amorem humanitate captauit. Ille quæsitam domi gloriam in publico; hic in publico partam domi perdidit. AT PRINCIPi NOSTRO quanta concordia, quantumque concentus omnium laudum, omnisque gloriæ contigit, ut nihil seueritatis eius hilaritate, nihil grauitati simplicitate, nihil maiestati humanitate detrahitur. Itaque, & olim, ut illud Claudiani vsurpem.

Diuer-



... diuersus erat fauor: æquior ille  
 Partibus inuisus plebi; popularibus illi  
 Munito studijs languebat gratia patrum:  
 Omnis in HOC VNO varijs discordia cessit  
 Ordinibus: lætatur æques, plauditq; Senator,  
 Votàque patritio certant plebea faueri.

*Et quidem, ut ad rem redeam, istud numisma mihi, qui auri splendore non capior, præterquam quòd aureum sit, tribus nominibus gratissimum esse debet: quòd signum sit PRINCIPIS: quòd ab ARESIO datum: quòd denique (absit verbo inuidia) argumentum afferat non improbatum puseuli mei. Cuius causa cum Mediolanum, ut supra dixi, profectus essem, & omnia prout narraui, feliciter succederent, tum cælum mihi visus sum attingere, cum BENEDICTVS SOSSAGVS, Poeta ingeniosissimus, & cum antiquis facile comparandus, aditum mihi aperuit ad Illustrissimum, Amplissimumq; Cardinalem, magnum Heroem: FEDERICVM BORROMÆVM. Non facile dixerim, mi PHILIPPE, maiorine in primo illo congressu mihi fuerit voluptati eius comitas, & benignitas, an admirationi eiusdem eruditio, ac Principe digna sapientia. Quæ potissimum in causa fuit, verè dicam, ut tunc mirari desierim, quòd scriptorum in omni genere, ac lingua selectorum libris, tanquam arcem Minervæ, atque, ut Boethius diceret, certissimam Philosophiæ sedem, BIBLIOTHECAM constituerit: quòdque literatos homines tantum honoribus, ac pecunia ornauerit, ut non magis definitè, distinctèq; designet, qui CARDINALEM BORROMÆVM, quàm qui MVSARVM PATREM appellat. Quippè bonarum artium studia, quæ antea, sublato virtutis præmio, peribant veriùs, quàm languebant, spiritum, ac sanguinem, quod olim sub Traiano, nunc sub illo recipiunt. Cuius indicium rei, ac testimonium nunc faciunt, in diesque magis facient, volumina plane aurea, ac cedro dignissima, quorum non pauca, nec parua à RIPAMONTIO, SOSSAGO, SALMATIA, FERRARIO, GIGLIO, & ab alijs ex illius Ambrosiano Collegio felicitis ingenij*



SELECTARVM EPIST. CENTVRIA. 15

genij hominibus, in publicum emissæ fuerunt, & ad paucos annos  
emitterent. Sed ut alia persequar, quæ à me petis (petis enim totam  
rationem perfectionis meæ) ab Archiepiscopo ad ipsam me contuli  
BIBLIOTHECAM, in cuius limine inscriptionem, cum AM-  
BROSIANAM potius, quam BORROMÆANAM voca-  
uerit, legere non potui, quin etiam atque etiam suspicerem tanti He-  
rois animi magnitudinem, qui nihil ad ostentationem, omnia  
ad conscientiam refert: rectèque facti non ex populi sermo-  
ne mercedem, sed ex facto petit. Mox Verò Bibliotheca Prae-  
fectus, vir humanitate præditus incredibili, ANTONIVS OL-  
GLATVS, singula me voluit propius intueri: forulos egregie do-  
latos perspicere: Clarorum Virorum imagines contemplari: libros  
cum in charta, tum in arborum folijs manuscriptos euoluere: ac de-  
nique volumina ab omnium gentium typographis excusa peruoluta-  
re. Per horæ spatium integrè illo spectaculo delectatus in implu-  
uiolum, ac potius peristylum exij, quod in aulam ducit, tantis cer-  
tè refertam pictorum tabulis, ut locus mihi visus sit omnino dignus,  
in quo Bonarotus aliquis, aut Raphael Urbinas, de arte sua Acade-  
miam instituât. Ascendi etiam per scalas marmoreas in quasdam  
cellas, quæ sedibus, mensis, & Sanctorum imaginibus ornatae, ijs pa-  
tere solent, qui Auditorum causa cum libris ex Bibliotheca petitis il-  
luc secedunt, ut ab arbitris concedant, & ne ab aliquo interpellentur.  
Sunt & alia, mi PHILIPPE, quæ si oculis tuis scribendo subij-  
cerem, non minùs tibi fortasse gratum esset perlegere, quàm mihi  
perlustrare iucundum fuit. Verùm quia epistolam, non Topogra-  
phiam, scribere propositum mihi est, cæteris in aliud tempus reie-  
ctis, illud tantùm dicam, quòd IO. BAPTISTA SACCVS,  
Vir certè doctissimus, eruditissimus, & si quis alius, in litera-  
torum Republica Clarissimus, cuius amicitiam, ac beneuolentiam  
non te fugit quàm ardentè desiderauerim; nunc ita me cum pau-  
cis amat, fouetq; nihil ut amplius desiderare possim. Etenim, ut ne  
tibi concedere videretur in me diligendo, paucis abhinc diebus con-  
ditionem, optimam sanè, atque ab ea, in quam annum iam ipsum

ut



Ut vocarer operam omnem tuam, ac diligentiam intendebas, non valde dissimilem, ipse mihi detulit, & per litteras, ut acciperem, adhortatus est. Quam tamen non accepi, eadem pænè causa commotus, qua olim, mi MASSINI suauissime, recusavi tuam. Sed hac hætenus. Quod rogas, ut aliquid nouæ scripturæ ad te mittā, cum de meo in presentia, qui per dies aliquot otiosus fui, obsequi non possim, de alieno satis facere non verebor. Quod, more quidem meo, apertè, ac liberè profiteor, ne Plautinam Phronesium imitari videar, quæ alienam prolem, alienosq; sibi dolores supposebat. Ecce tibi huic epistolæ adiungo lepidissimam, elegantissimam, & ut verbo dicā, à SACCO factam, sclopuli rotati descriptionem. In qua, licet sit admodum brevis, scio tamen te longè maiorem voluptatem percipiturum, quàm si mearum Iliadum, ac nugarum potius myriadas lectitares. Vale. AQUILINVS COPPINIVS meus, cruditiſſimus vir, & IO. BAPTISTA RESTA, adolescens moribus, ac ingenio præstantissimus te saluere iubent quamplurimum. Ticino. Pridie Nonas Iunij.

HIERONYMVS BOSSIVS  
IO. BAPTISTÆ SACCO.

C. V. Mediolani SENATVI A SECRETIS,

S P. D. Epist. 11. Mediolanum.

**I**psæ iam annus abiit, & quidem Arcadicus, non Solaris, ex quo nihil datum est aut à me tibi, aut à te mihi litterarum. Atque ita gratiam mihi tuam conferues CL. SACCE, ut nostrum uterque Trium mensium silentio numerum Gratiarum impleuimus. Quod ne Sympliciaca lege ad Musarum enneaða excurrat, prior ego ad offitium redeo scribendi, & salutandi tui. Sed neq; tamen ullam meam occupationem causor, ut tu prorsus fileas omnes excusationes. Non enim me fugit, quæ tibi Curia adferat quotidie curas: quam, quæ innumeros tibi ubique gentium cum Philanthropia, tum Philologia, amicos paraueris, ad quos, litteris provocatus, litteris quoque debes



debes respondere. Id quod sanè facis tuo quodam Epistolico genio nō eleganter minus, quā promptè: atque ita, ut id, quod ingenij impetus est, industria cultura esse videatur. A nemine itaque certior rem mihi, quā à te vno scriptoris vicissitudinem polliceor, à quo quidem certissimam habeo beneuolentiæ. Nec verò ad hasce meas rescribes, ut de iūo statu, de salute, de Musis tuis nuncies, quin idem apertè declares, amorem erga me tuum non potuisse

per longa silentia solui.

Qui ut in nostra omni vita sit æternus non magis libet exoptare ad meum ornamentum, quā licet ab humanitate tua certissimè expectare. Interim vale Rosci litteratorum. Ticino Regio.

HIERONYMVS BOSSIVS

PAVLO BELLONIO.

A. C. Primario Antecessori, nunc Reg. Mediol. SENATORI,  
S. P. D. Epist. 12. ad Arcem.

Cæue putes, me ante coronam capere voluisse ut cænaturus discumberè, quā operis tui caput LXVIII. semel iterum, ac tertio percurrerim. Haud enim ignoro scriptiones tuas esse eiusmodi, ut sobrijs tantum liceat cum fructu illas perlegere, quæ non madi- da memoria sunt ad verbum perpetuò cum retinenda, tum repetenda. Porro autem pro Quinctio locus, quem præcipuè hoc præcipuo capite illustrandum suscepisti, germano a te suo sensu explicatur: in quo exponendo non valde miror, quòd Syluius interpres pro luce tenebras dare, ac nus merum loqui tibi videatur, cum Syluius ille sit, tu verò Paulus, hoc est Iurisconsultorum eloquentissimus. Itaque libens adeò tuam ego sententiam amplector, ut si quisquam obsignare, vellet Aram tenens iurarem, non aliter omnino Ciceronem scripsisse, atque tu rescribendū arbitraris: videtur interuenire appellatio tribunorum, nō MORÆ, sed auxilij causa. Nec me quidem ab hac opinione Adrianus Turnebus umquam reuocabit, qui Aduers. lib. XLIX. cap. XXII. non MORE, sed auxilij causa legit. Quod ego tamen

C

non



non improbo, sed maximè potius laudo acumen hominis, qui pri-  
mus hunc locum animadvertit mendosum esse, cum vulgo ita olim con-  
ciperetur, ut nullam omninò haberet negationem. Sed hæc hæcenus.  
Tu folium hoc interim accipe, quod legi, & alterum fac mihi quam-  
primùm cures. In quo cum argumentum huic non dissimile tractes,  
facile futurum credo, ut non minùs in eo, quàm in isto, tu mihi ora-  
tor æquè, ac Iureconsultus esse videaris, qui tam bellè, & erudite  
Ciceronem ipsum ex oratore iureconsultum facis. Vale hæc raptim  
scripsi ante lucem in Aresiano meo.

HIERONIMVS BOSSIVS  
FRANCISCO CAGNOLIO.

I. C. & in S. Ambrosij CANONICO,

S. P. D. Epist. 13. Mediolanum.

**T**V, puto, Furniusque tuus, in eorum me adscribitis centuriam, apud  
quos, ut ait Plinius, ita natura comparatum est, ut anti-  
quiora beneficia subvertas, nisi illa posterioribus cumules.  
Etenim liberalitas erga me vestra ad instar est Virgiliana Quercus,  
in qua ramus,

Primo auulso, non deficit alter,

Aureus, & simili frondescit virga metallo.

Tantis me certè ornatis, ac oneratis potius quotidie muneribus, vix  
ut ea sufferam, cum pro eisdem vel agendis, vel referendis gratijs  
nullo modo sufficiam. Quamquam CAGNOLI optime, suavif-  
sime, in meum, te locum sufficio, ut facundia illa tua Manutiana  
homini persuadeas efficaciter me perpetuas, & maximas habiturum  
gratias de hisce humanitatis, & liberalitatis fructibus, quibus me  
prolixè adeò muneratus est. Ad hæc tu illi significabis Gasparem fi-  
lium ad paucos dies unum contra Auditores omnes pro suggesto esse  
de politioribus litteris in Academia disputaturum. Qui propterea,  
cum nunc, quam qui maximè sit occupatus, nihil ad ALOYSIVM  
PIRCIVM rescribit. Quare non eum solùm excusabis apud istum  
adole-



SELECTARVM EPIST. CENTVRIA. 19

adolefcentem, sed à me etiam litteras expectabis nuntiantes, quod fuerit tamquam Periodo Victor contra omnes coronatus. Vale. Hec exaravi in Museo ad pulcherrimam PRÆSIDIS ARESII effigiem, quam longè pluris facio, quàm sexcenta Megarica signa, & totidem siue Tullij Hermathenas, siue Antici Hermeraclos. Ticino.

HIERONYMVS BOSSIVS

HERCVLI TASSO

Poetæ, ac PHILOLOGO,

S. P. D. Epist. 14. Bergomum.

**F**acilitatem, ac felicitatem potiùs in scribendo tuam elegantissime TASSE de sum inter legendû admiratus, iâ respondendo laudarem, se argumentum de quo scripsisti, scripsisti enim de me, non fidem abrogaret laudationi tuæ. Et quidem in tuis litteris ea mihi tribuis quæ cum singularia sint, & maxima, solùm affirmanda sunt de tui similibus; Viris scilicet ingenio, & doctrina præstantissimis. Verùm quia in illa non à me possunt reflecti, quin pro tua quadam potiùs officij compensatione, quàm pro veritate prolata videantur; nihil de te in præsentia dicam, quem tamen ijs laudibus, quibus me onerasti, & ijs longè maioribus, ornandum esse iudico. Itaque ad id veniâ, quod me in ore, in oculis, in animo tibi esse scribendo narras: ardens quidem ab amore, eleganter ab ingenio. Quorum in altero cum tibi respondere possim, in altero non possim, hoc scias volo, nunquam me passurum, ut plus diligar, quàm diligam. Namque vinci in amore turpissimum est, Quod si tibi ut debes persuaferis, nihil omninò eris, in quo meam operam, ac industriam, si usus aliquando ferat, atque vinam sepius ferat, paratissimam fore non pollicearis. Vale.

C 2

HIERO-



HIERONYMVS BOSSIVS  
IVLIO TVRRIANO.

Scalensis Templi PRÆPOSITO,

S. P. D. Epist. 15. Mediolanum.

**E** Pistolas omnes, quas ad CL. SACCVMI per intervalla dedi  
argumentis diuersis, in vnum libellum coegi. In quo multi qui-  
dem honoris causa nominantur: amoris quam plurimi: tu cum paucis  
vriusque; & amoris, & honoris. Itaque eius exemplum ab optimo,  
& elegantissimo CAGNOLLO, isto inquā in amicitia altero me, tibi  
dendum putavi. Nec verò, ut libens excipias librum, te rogo, cum  
non ignorem quanta cum humanitate me, ac mea omnia solitus sis tua  
sponte complecti. Vale, & faxit Deus, ut quod inquit Ausonius, sit  
Talis vita tibi, qualia vota mihi.

Raptim Ticino Regio 12. Kal. Nouembreis.

HIERONIMVS BOSSIVS  
IO. BAPTISTÆ SOLARIO.

Poloniæ Regis, ut dicitur, AGENTI,

S. P. D. Epist. 17. Mediolanum.

**O** Maud epistole meæ, mi SOLARI, ad amplissimos Viros il-  
los R. mea causa scriptæ, hanc ipsam anni inferant atatem  
qua mixta leonis  
Sydera sunt Cancro, rabidos qua Syrius ignes  
Exerit.

Namque ut me Heroibus illis de meliore nota commendes, ita scribis  
cum amoris abundantia, ut ardentius nihil fieri posse videatur. Mi-  
rum ni idem ipsi tuarum absorbeantur litterarum astu, ac toi-  
tissim ad mea commodum sua delincunt incumbere auctoritate. Rarum  
certe, pæn. q. dixerim singulare hoc est, quod tantas adhibeas fœces  
vnius amicali causa. His præsertim temporibus, quibus ferè omnes, si  
paucos exceperis tui similes, in eiusmodi officio, sic nugantur, ut lit-  
teris tuis Neronianas thermas refrigerarent. Tantum abest, ut quæ-  
piam



SELECTARVM EPIST. CENTVRIA. 27

piam aut excitent, aut inflamment, ad ferendam illis opem, quos *stbi* commendandos suscipiunt. Itaque eo tibi maior à me gratia debetur, quò rarius exemplum est hominum amicis suis tanto studio cupientium commodare. Vale RADAELIO, & CAGNOLIO nostris P. Ticino pridie Eidus Iulias.

HIERONYMVS BOSSIVS  
ACADEMICIS HVMORISTIS,

S. P. D. Epist. 14. Romam

VT alia nulla re agri, qui nimia calorum vi exaruerent, ad suam facilius reuocantur viriditate, quàm si nubila vetis rarefcentia, & Solis superiecta calore,

Mittant HVMOREM PLVVIVM;

sic ego diuturna admodum valetudinis, ac rerum gravitate labefactatus, & plane Scelepos, nec suavius exhilarari, nec vehementius excitari potui, quàm nuncio de eo proximè accepto, quòd in Vestra me Academiam, tanquam in Apollinis, & Musarum chorum, humanissime cooptastis. Etenim HVMORIS istius Vestri, qui acerrima Urbis, atque adeo vniuersi Orbis, ingenia quotidie magis, ac magis fecundat; non minus inquam HVMORISTÆ Academici cõmunicatione iam sentio ingenium meum, quod est per se tardum, & agreste, mirabilem in modum, praefiscini hoc dixero, omnem ferme vernaculam suam deponere tarditatem. Atque vobiscum vinam in isto doctrinarum omnium, & bonarum artium theatro versarer, vobiscum essem aliquando, vobiscum loquerer, vos ego differenter audirem: id profecto longe pluri à me fieret, quàm triumphancem Consulem videre, quàm in Auentino, aut Quirinali colle signa omnia, quibus alioqui tamen maximè delector, ROMANÆ recognoscere Antiquitatis. Sperare vique me euasurum consuetudine, & usu vestro, si minus citharadum, quod de Graecis dictum est artificibus, saltem aulædum, hoc est

Man-



12 HIERONYMI BOSSII TICINENSIS

*Manfuetiorum Musarum cultorem aliqua ex parte tolerabilem. Tā sedula, & diligens (latine hoc, & fortiter dicam, quia verè) mea esset ratio in ijs obseruandis, quæ vos Reipublicæ literariæ Consulares Viri diceretis. Verùm cum istud, PRINCEPS Illustrissime, nobilissimi AC ADEMICI, quod me facturum, si isthic essem, polliceri possum, exequi rerum mearum conditio non quiescit; eo fructu contentus viam, quem ex HUMORISTÆ à vobis mihi dato nomine iam nunc, quamlibet absens, abundè satis percipio. Itaque ne longum faciam, non minùs commodi, & utilitatis, quòd fama, & exemplo vestro, ad præclara studia inuitabor, & erudiar, quàm laudis, & ornamenti, quòd eorumdem doctissimorum virorum cognominis dicar, & habebor; isto in beneficio mihi posuit existimo. De quo tantas vobis gratiarum res debeo, quantas, eius magnitudine perterritus, referre me posse despero, ac ne quidem, mea dicendi inopia impeditus, agere possum: habere verò, ut animo sum non ita foras angusto, certissime possum. Quamquam in isto genere, ut iam occupata sunt omnia, nihil dici non à me solùm, sed ne à disertissimo quoque, potest, quod non pertritum, non vulgare, nonque sexcenties in gratiarum actionibus repetitum sit. Illud tamen votis omnibus opto, & cupio, ut mihi siue publicè scribenti, siue priuatim disputanti, liceat officijs meis istud vobis beneficium vestrum iucundius facere, ne malè posuisse videamini. Interim bene valete, & curate, obsecro vos pro singulari illa, quæ me complecti cœpistis, humanitate, ut sterilem Bossij*

---- ne deserat HUMOR arenam.

Ticino. xjv. Kalendas Augustas.

HIERONYMVS BOSSIVS  
IO. THOMÆ GALLARATO.

Regio Mediolani SENATORI,

S. P. D. Epist. 18. Mediolanum.

[A]mpla quidem Mediolani, sed parum expedita negotia habet  
ASCANIUS meus. Pro quorum procuratione virum  
isthuc



SELECTARVM EPIST. CENTVRIA. 13

isthuc nunc temporis allegat pragmaticum. Huic autem ego oblatum magis, quàm rogatus deprecator litteras ad te dedi commendatitias. At qui res omnes, & causas, ad hominem pertinentes, sic velim tua suscipias autoritate tuendas, ut ex ipsa rerum difficultate, quæ tua sit erga me voluntas, & in ipso Senatu gratia, facile ASCANIVS perspiciat. Non enim exigua laudi mihi duco futurum, si vulgò sciatur, quòd patronos habeam tui Similes: viros scilicet qui ad mea, & amicorum commoda, sint ad instar Herculis, ut ait Euripides, potius rebus scrijs, quàm leuibus idonei. Tu fac valeas.

HIERONYMVS BOSSIVS

ERYCIO PVTEANO.

AA.PP. Consiliario, & Regio Artis Orat. INTERPRETI,  
S. P. D. Epist. 19. Louanium

AUDIO te in Italiam reuocari, & quidem Bononiam; in ipsam scilicet Academiæ Academiæ. Nobile sanè, ac honorificum postliminium: præcipuè cum illud accedas, quòd magnum adeò stipendium sit tibi dictum, ut par numquam fuerit datum, aut Louanij LIPSI O tuo, aut Bononiæ TITIO meo. Agnosce, præstantissime PVTEANE, agnosce iudicia Italorum de te Qui enim cuiusquam secundò operam vtuntur, eo ipso, quod vtantur, eiusdem certè studium, officia, ac industriam probant, & sibi olim testantur perplacuisse. Nos quidem eiusmodi vocationem primum tibi gratulamur; mox verò ut eadem benè, ac feliciter eueniat Reip. suæ Bononiensi, suæ litterariæ, auguramur, vouemus. Sed illud in primis nobis ipsimet plaudimus, quod eò sis profecturus, unde alternis facillè quatridentis mutua scriptione poterimus fructum capere suauissima colloquutionis tuæ, ac singularis etiam eruditionis. Interim fac valeas. Hæc scripsi in Musæo ad tuam ipsius imaginem sedens, quæ inter CL. SACCI, & DS. BONCIARI tabulas perbellè posita est. Ticino Regio.

HIE



HIERONYMVS BOSSIVS

ANTONIO OLGIATO.

Ambrosianæ Bibliothecæ PRÆFECTO.

S. P. D. Epist. 20. Mediolanum.

PRimum salutem tibi tuam per eruditissimum Arsagum à te mihi delatam, mi OLGIATE, reddo; ac gratias etiam maximas ago de honorifica, quam tu de me apud hominem fecisti, commemoratione. Mox verò per ego te Musas istas Borromæianas rogo, ut unum atque alterum versiculum, qui in Bayphio legitur de Tunica Lati clavi, bona fide in Chirographo descriptum mittas. Cum enim sub prelo sint meæ de Senatorum Latoclaui Novæ antiquæ observationes, nollem in his temerè Bayphij testimonium laudare, quod in Commentariolo quodam meo M. S. & littera, & littera etiam vacillantes, suspectum mihi reddiderunt. Tu tamen si commodare hac in re amico mihi volueris, curabis, ut eiusmodi Bayphij scheda, cum loci, libri, & capitis adnotatione crastino die, aut summum perendie ad nos veniat. Nos certè vicissim operam dabimus, ut ipse ad te propediem mittantur observationes, in quibus tu quidem singulariter, & cum laudatione nominaris. Vale. SALMATIÆ, FERRARIO, & GIGIO, corculis istis Aonidum, Apollinisq; S. P. adscribo. Raptim Ticino Regio.

HIERONYMVS BOSSIVS

CLAUDIO ACHILLINIO.

I. C. Poetæ, Philosopho, &amp; Primario ANTECESSOR.

S. P. D. Epist. 21. Ferrariam.

ME tibi valere significo, præstantissime CLAVDI: non tamen omnino rectè, sed quantum finit afflictus animus, ac pœnè fractus à curis. Cuius tu profectò ægritudinem lenabis maxima

ex



SELECTARVM EPIST. CENTVRIA. 25

ex parte, filata, qualia scilicet speramus, vouemus, auguramur, de te, tuoque statu nuntiaueris. Id quod te amica facturum tua sponte mihi ipse persuaferam in tuo discessu. Scitum enim Symmachi est, ijs, qui peregrè proficiscuntur, priores partes scribendi relinqui. Sed quando nimis longum files, literas ego auspico ad te dare, ut te prouocem: ut eliciam tuas. Vale, Ticino Regio.

HIERONYMVS ROSSIVS

PLACIDO CARMINATO

BRAMBILLÆ, Iesuato, & S. Bartholamæi PRÆSIDI,  
S. P. D. Epist. 22. Vercellæ.

**O**Mnium sanè maximum amoris argumentum damus, cum eorum, quos viuos dileximus, famam, ac facta Posteritati studemus, & conamur propagare. Quæ enim officia amicis adhuc viucentibus præstamus, negotiationis speciem habere possunt; quæ mortuis, non possunt. Itaque tuum mihi etiam atque etiã probatur consilium de statua PAVLO MORIGIO, qui te vnus adolescentem præclare incensum pietatis studio, ac religionis, in Iesuatorum familiam cooprauit, honorificentissime collocanda: laudandus verò summopere mihi videris, quod eandem elogio exornare velis. Namque scio, quod de Capitone ait Plinius, ipsum plurimis virtutibus abundare, qui alienas sic amat. Illud tamen non mihi probatur, quod tanti viri elogium me iusseris conscribere, qui ab ingenio parum, & ab arte minimum in hoc genere valeo. Quamquam inscriptionem istam, quam, me dictante, Cæsar noster excepit, ad te, mi BRAMBILLA hac conditione mitto, ut si quid delendum, addendum, immutandumue anis aduerteris, me libere moneas: nec de eo solum, quod ad exprimendos tuos sensus pertinet; sed de hoc etiam, quod spectat ad tuendam contra pseudo-criticos dignitatem meam. Vale. Elegantissimum adolescentem, ANGELUM MARIAM, CALVUM à me saluere vides quamplurimum.

D

HIE.



## ANTONIO FRIDERICIO.

I. C. Theologo, ac PHILOSOPHO,

S. P. D. Epist. 23.

**N**on ante hunc diem, quod tu fortasse desiderasses, & ego cer-  
te voluissem, ad eam quaestionem, quam mihi in Viani Biblio-  
theca dissoluendam posuisti, verbum aliquod scripsi per triduum ip-  
sum dolore affectus dentium intollerabili, Et quidem si illus dolor  
natura hominis dimouet à suo statu, hic certe, qui vel de CO-  
NELII CELSI, medicorum Ciceronis sententia, maximis tor-  
mentis annumerari potest, sic dimouet, ut qui eo premitur, se pene  
deportatum existimet in sceleratam illam sedem, quam circum

----- flumina nigra fonant,

Tisiphoneq; impexa feros procrinibus angues.

Sæuit, & huc, illuc impia turba fugit.

Itaque excusationem attuli cunctationis meae longe iustiore, quam  
vولي. Nunc vero cum mihi aliquantum bene à dentibus esse incipiat,  
in eo, quod me facturum promisi ingenij potius causa exercendi mei,  
quam alterius cuiusquam erudiendi, fidem meam liberabo. Publi-  
ca opera plurima extruxit E quibus vel præcipua forum cum  
æde Martis vltoris, templum Apollinis in palatio, ædem ro-  
nantis Iouis in Capitolio. Fori extruendi causa fuit, homi-  
num, & iudiciorum multitudo, quæ videbatur non sufficien-  
tibus duobus, etiam tertio indigere. Locus est, quod te non præte-  
rit, Suetonij e lib. 11. de Vita D. Octau. Caf. Aug. cap. 19 de operibus  
publicis per eum instructis. Quem doctissimus Beroaldus sic explicat:  
tertio indigere) Romæ antiquitus fuerat forum Romanum,  
de quo Martialis

Romanum propius, diuitiusque forum est.

Quod olim totum Cæsar dictator intexit velis: quod Cato  
Censorius sternendum muricibus censuerat, ut ita litigantes  
ei jcerentur. Hæc autem extrema Beroaldi verba non leuem tibi

reli-



reliquere dubitationem, quidnam illud esse posset, quamobrem strato muricibus foro, id genus hominum inde abigeretur. Quod cum apud Vianum ex me tu quareret, id ego quod in mentem, ac potius in buccam venit, respondi ex tempore; atque id factum arbitrari me dixi, ut reuerentia muricis, hoc est, ut tunc verbum interpretabar, purpura, litigantes non tam ab alijs prohiberentur, quam sua ipsi sponte procul abfisterent. Sed cum in hac tu mea responsione non valde acquiesceres, rogasti, ac contendisti, ut tua causa Antiquariorum libros peruolutarem, donec aliquid inuenirem, quod apud Romanos id in usu fuisse comprobaret. In quam quidem curam libenter admodum, & maxima incubui cum voluptate. Quamquam nihil omnino apud maiorum, minorumue gentium scriptores legerim, quod opinioni responderet mea. Illud tamen asequutus sum, aut certe me asequutum puto, ut facile hunc nodum, qui mihi, addo etiam tibi homini ingeniosissimo, Gordianus videbatur, explicare possim. Cum igitur Beoraldus Muricibus sternendum forum dixit, non murices posuit pro aliquo opere serico eius coloris, qui ex Muricis marini piscis humore; & de quo Virg. lib. 4. Aeneidos,

----- Tyrioque ardebat muricè lana  
Demissa ex humeris;

sed per murices acutos lapides intellexit, de quibus sic idem poetarum princeps lib. 3.

Concussæ cautes, & acuto in murice remi  
Obnixi crepuere, illisæque prora pependit.

Quare non possum non laudare Catonis Censorij ingenium, qui eiuscemodi fuerit usus artificio ad arcendos à Romano foro litigatores. Fit enim natura, ut quisque ab eis locis libenter absit, in quibus cum faxis strati sint, ut cum Plinio dicam, muricatis, facile pedes offendant. Responsum habes, mi FRIDERICI, ad ea, quæ petisti, si minus pro expectatione tua, pro mea quidē certe intelligendi, & de his rebus iudicandi facultate. Quam tamen nisi tu homo probaueris in hoc genere præstantissimus, nec ratâ esse apud me, nec firmâ volo. Interim cura quâ potes diligentissimè, ut valeas ANTONIVM BIAGVAZZONVM mihi salutabis quam poteris officiosissimè.

D 2 HIE



HIERONYMVS BOSSIVS  
HIERONYMO CARANDINO,

Poetae, Theologo, & Lateranensi CANONICO,

S. P. D.

Epist. 24. Mutinam.

**V**ersus tuos, CARANDINE praestantissime, quos mihi Theodosius dedit, nec semel, nec sine cura perlegi. Digni planè visi sunt & ingenio tuo, quod à me plurimum suauitate sua exosculatur; & argumento, quod totum de viro est laudatione, quantumvis maxima, exornando. Itaque mea hac erit de te, tuisq; carminibus censura, ut non ipsum magis qui laudatur. BASILIVM SERENIVM, Vocem, quàm te, qui laudas Sirenem dicam. Vale raptim ex Arcifiano meo.

HIERONIMVS BOSSIVS  
BENEDICTO SOCIACO.

Theologo, & POETÆ,

S. P. D.

Epist. 25. Mediolanum.

**P**roperante ad finē typographo, qui CL. V. BELLONI nostri librū excudit, monere te omnino debeo, ut carmen tuum siue confectum mittas, siue promissum facias. Etenim cum promissorum certa debicio sit, Vereor ne optimus iste Iuris Consultorum, ubi primum venerit dies, qui cepit ab hinc mensem cedere, aut tibi dicam scribat, qui stipulanti spondidisti, aut mihi, qui præs datus sum, iudicium denuntiet. Quippe tanti facit scriptiones tuas, ut librum, aliqui suis ornamentis ornatissimum, mordicus nolit, præcisè neget, in vulgus emitte, nisi si prius tuo adscripto nomine, tuoque adiuncto carmine, quasi censura adprobationis, in ipso limine, & vestibulo, suum istud volumen commendetur. Porro autem mi SOCIACE elegan-



SELECTARVM EPIST. CENTVRIA. 27

gantisſime id laudi nō minus tibi, quā ipſi **BELLONIO** futurum  
perſuadebis. Cuius rei cauſa, ut verbo viar **Plautino**, in mundo eſt.  
Namque cū nemo neſciat **Anteceſſorem** hunc noſtrum aſque **Philo-**  
**logia**, atque iuris prudentia eum eſſe, ut facile cum **Briffonijs**, **Cuia-**  
**cijſ**, **Ræuardiſ**, **Prataiſ**, **Alciatiſ**, magnis illi nominibus, conferri poſſet.  
multas iam habet multorum, ac illuſtrium quidem, virorum lauda-  
tiones, quas homini ſua ipſi ſponte obſulerunt nouo operi præfigendas.  
Sed tuam tamen imprimis **Muſam**, qua laudantium **Poetarum** fa-  
miliam ducat, operiri mihi videtur. Videtur autem? Tanta po-  
tius cupiditate cupis, ut omnino ſeruitate **Catonis** depoſita ambiret, niſi  
ambitum tolleret promiſſio tua, ac potiùs noſtra. Cuius nexu ut fidem  
actutum liberes, te iterum moneo: te primum rogo: tantum certè non  
urgeo. Quamquam **Auſonianum** illud libet tibi occinere:

Si bene quid facias, facias citò, nam citò factum

Gratum erit, ingratum gratia tarda facit.

Cætera tuic noſti. Præterquam quod ipſa operis inſcriptio, proxima,  
& continenti quadam ratione hortatur, ut ne id **Spillius** à te fiat,  
quod celeriter homini præſertim cupido, & amanti, præſtandum eſt.  
Vale. **GASPERI SCIOPIO V.** quidem ingenio, ac iudicio  
ſupra humanum prædito, ſalutem plurimam. **Ticino Regio.**

**HIERONIMVS BOSSIUS**

**ANNIBALI GVASCO**

Oratori, Poetæ, & PHILOSOPHO,

S. P. D. Epist. 26. Alexandriam

**L**ongè ſum occupatior, quā anima **Pythagoricæ**, quas  
vbi mille rotam voluere per annos;  
**Læthæum** ad fluuium **Deus** euocat agmine magno,  
ſcilicet immemores ſupera ut conuexa reuiſant  
Rurſus, & incipiant in corpora velle reuerti;

hoc



hoc est nullum ut unquam habeant tempus, aut locum requiescendi. Sed volo tamen mea potius abjicere, quam in eo tibi, studio omni, ac diligentia non satisfacere, in quo quidem, quod mea opera uti volueris, singulare mihi ornamentum positum existimo. Itaque hoc tibi per sanctissima nostrae amicitiae iura, polliceor, quod ancis characteribus nullum planè verbum, ne dum versiculum, libellitui patiar ante excudi, quam optimè fuerint omnia cum archetypo rencesita. Et si quae in eis brarij, aut opera peccauerint suo nitore restituta. Neque verò

Lucina, dolentibus

Tuno dicta puerperis

Terentiana Glycerio magis maiorem dum eniteretur, opem tulit, quam ipse adero praestò typographis opusculum istud quasi ingenij tui factum, edentibus, parturientibus. Quod si in meis descriptionibus recognoscendis, dum proferentur in apertum, errores aliquando me legentem fugerunt; id certè accidit, quia recentiorum scriptarum memoria falsus, ea mihi videbar in charta oculis usurpare, quae erant in animo. In tuis autem euenire nihil tale potest, cum eas, non antea unquam lectas, nunc primum videam. Adde his quod summa erga te mea beneuolentia Argum me faciet ex Talpa: ex cochleae oculos. Amor certe, quo te unice diligo unice ornatum virtutibus, non aliam ob causam caecus poterit appellari, quam quod oculos ab eo accipiam ipse commodatò, ut uniuersa obseruem, et notem acutius: certius corrigam, et emendem. Tu interim vale. Ticino Regio.

HIERONYMVS BOSSIVS

I V L I O A R E S I O

Regio Consiliario, & Senatu Mediolani PRÆSIDI,

S. P. D.

Epiſt. 27. Mediolanum.

EX ijs litteris, quas ad me non ita pridem dedisti, Praeses amplissime, nonnullas tibi cum chiragra, si minus cum podagra, inducias esse cognoui. Tuam enim ipsius manum agnoui in subscriptione. Id quod sanè fuit non exiguae mihi voluptati. Sed nos tamen cupientes in-

tegro



SELECTARVM EPIST. CENTVRIA. 31

tegro gaudio perfrui de integra valetudine tua certiore nuntium de-  
sideramus. Cum igitur ALOYSIVS CAGNOLIVS meus  
Mediolanum proficiscatur Epistolam homini ad te trado perferendā,  
qua te sic volo salutarum, ut vel ipsa Higeia sanior fias. Spero  
autem de te in CAGNOLII reditu ea intelligere, pro quibus Soteria  
sum ego facile debiturus. Quae quidem iam paro ex Musarum, &  
Themidis penu. Tu interim fac, quod facis, ut me diligas, teque  
amari à me tibi persuadeas vehementissimè. Ticino.

HIERONIMVS BOSSIVS

THOMÆ STIGLIANO.

Equiti, & POETÆ,

S. P. D. Epist. 28. Parmam.

NOuā tibi de nouo Mundo tui poematis editionē, STIGLIANE  
optime, praestantissime, non possum non etiam atque etiam vehe-  
menter gratulari. Etenim hoc vno praecipue opere non minore ingenio,  
& vena, quàm studio, & arte, à te conscripto, admodum praeclare  
& eximie tuum nomen ab omni adseruisti Mortalitate. Porro au-  
tem, si praeter scriptoris doctrinam, & eruditionem,

Victurus genium debet habere liber;  
in tuo isto poemate nihil eorum profectò,

quae donant saecula chartis.

omnino desideratur. Itaque tu facile vitabis Libitiam, & legeris  
laudaberisq; donec erunt in terra homines, qui studia colant bonarum  
artium: qui musis operentur. Mihi, quidem, qui, licet plurimum non  
videam in litteris, Plautimi tamen ad instar Sceledri

Meos oculos habeo, nec rogo vtendos foris.

omnia visa sunt prudenter excogitata, ingeniosè disposita, elegan-  
ter expressa, atque inter se, quod primum est in omni scriptionis  
genere, mirabiliter connexa. Quandoquidem nullum centonem ad-  
suisisti praeter rem: nihilq; ob eam tantum causam, ut rimas ex-  
pleret, posuisti. Id quod familiare est quibusdam nostri aui carmi-

uum



num factoribus potius, quam poetis: quibusdam inquam Musarum  
 Eetromasi. Demum nihil fabula tua ista, nihil episodica habent,  
 quo stare non possent pulcherrime. Ego certe de ea re ita censeo, at-  
 que ita inter legendum de tuo libro indicaui. Neque enim, ut ait  
 Plinius, soli iudicant, qui malignè legunt. Tu interim vale,  
 & vive, ac eam in primis fac mihi benevolentiam conserues, quam  
 verbis mihi tuis VALERIANUS CASTILLIONÆVS  
 in suo reditu Parmensi denuntiavit. Hæc scripsi, ac verius exa-  
 rani, in Museo ad imaginem sedens magni LIPSI. Ticino Re-  
 gio ipse Nonis Septembribus.

HIERONYMVS BOSSIVS

PETRO CANTONIO.

Antiquario, Philologo, & IVRECONSULTO.

S. P. D. Epist. 29. Mediolanum.

SEPULCHRO-  
 S Epulchrorum elogia, quæ mihi æneis typis descripta, cum isthic  
 essem Mediolani, dedisti, tantum certe habent antiquitatis, siue  
 ratio Orthographiæ, siue animi cogitata, siue voces denique ipse auen-  
 dantur, ut facile possent quemlibet fallere Antiquarium. Et quidem  
 si in eis pro I. ANT. ZERBIO Ti. Sempronius Ti. F. Ti. N. aut pro  
 Callent. C. Sulpitius aliquis reponeretur, nemo esset omnium, qui priscis  
 illis temporibus facta esse non existimaret. Sed non ego tamen in eis  
 perlegendis, quod nonnulli cæca ducti quadam superstitione de epita-  
 phijs arbitrabantur, memoriam perdidi: & hoc illud est, CANTO-  
 NE V. CL. quod me monere aliqui potuisset, elogia esse recentio-  
 ra; quamquam temporibus Ciceronianis, & ijs longè antiquioribus,  
 litteris consignata viderentur. Tantum abest, ut eorum lectio meam  
 mihi memoriam extinxerit, ut magis ac magis renovarit. Quippe  
 cum illa repeterem legendo, mihi venit in mentem binas illas inscri-  
 ptiones à te petere, de quibus mecum fecisti in Museo tuo comme-  
 morationem: alteram festam: funestam alteram. Itaque rogo te,  
 id modo



id modò tua patitur humanitas, exemplū des mihi inscriptionis, quā  
 tu nomine S. P. Q. Mediolanensis ad festa porta exornationem confe-  
 cisti, quo tempore sanctorum corpora, ita iubente FEDERICO BOR-  
 ROMEO Cardinali amplissimo, per Urbem circumlata fuerunt in  
 pompa, & supplicatione. Cui etiam adiungas velim BENEDICTI  
 SOCCIACI nostri inscriptionem (cum de poeta loquar verba ut ar-  
 poeta) sepulchralem, quam sibi ipse parauit, ut in sepulchro (sed Di-  
 meliora ferant) incidatur. Illam enim ut cupiam videre, atque etiā  
 cum sāctioribus quibusque scriptis habere in Hermathena mea, si cau-  
 sam quaris, facit, prāter religionem, ac pietatem, doctrina, & eruditio  
 tua: hanc verò desidero, tum quia mea singularis, ac planē fraterna  
 in SOCIACVM beneuolentia ita postulat, tum quia hominis lepores  
 in ea perlegenda non vulgarem scio mihi allaturas voluptatem: exce-  
 pro, quòd in ipsa de morte amici agatur, qui ut annos Nestoreos viuat,  
 si quis aliis, dignissimus est. Interim vale, & IOSEPHVM RIPA-  
 MONTIVM Mediolanensem Thucydidem, fac, quaeso te, mihi sa-  
 lutes. Ticino

HIERONYMVS BOSSIVS  
 IO. BAPTISTÆ SORMANO.  
 I. C. & apud Ticinē. Criminum Iudici, ac PROPRIETORI,  
 S. P. D. Epist. 30. Ticinum.

HÆc mea gratiarum actio, quamuis admodum sera, reprehendi  
 nullo modo aut potest, aut debet, cum tu beneficiū in me contuleris  
 absentem, non petentem, non cogitantem. Hodie primum, SORMA-  
 NE prāstantissime, ex fratris epistola cognoui, quanta cum humani-  
 tate illum semper audieris, quoties pro me in G. B. de spertilionem  
 diceret: quantaque cum liberalitate honorariam mercedem, quæ tibi  
 pro iudicato, ac iudicati subscriptione, debebatur, mihi fueris elargitus.  
 Cum nunc itaque statim, accepto hac de re nuntio, litteras mittam,  
 quibus eiuscemodi officium persequor, omnis tamen ut arbitror, pe-

E riji



nisi culpa tarditatis. Quamquam huic affinis crimini apud te nemo esse potest, qui illud unum spectas, ut beneficium bene ponas, non autem, ut gratiae tibi augerantur, quod homines vani desiderant: aut referantur, quod auari, et faeneratores volunt: aut habeantur, quod superbi, et alienae tyranni libertatis, exoptant. Ita est neminem iuvas, quamquam iuues quā plurimos, aut quaestus, aut dicis causa. Sed illud tamen admonet me, ut gratias agā tibi singulares, quod cum ex illorum tu numero haud sis, qui sine dolo beneficium, ut morem suo morbo gerant, proiciunt; mei dignum censueris iudicio tuo, de quo vel absente, ac nesciente quidem, bene merearis. Quod cum raro admodum accidat, id mihi vel in seipso longe grātius fuisse, quam ut verbis declarare possem. Neque tu propterea ignorabis, me, qui beneficium dare, quā accipere, malo, nulli mortalium, quā mihi tibi, libentius debere, qui mihi omnium commodasti libentissime. Eodem enim animo, ut ait Seneca, beneficium debetur, quo datur. vale. Mediolano.

HIERONYMVS BOSSIVS

IO. BAPTISTÆ COSTÆ.

I. C. &amp; Primario Ticini ANTECESSORI.

S. P. D.

Epist. 31.

Ticinum.

**V**ox est Astræi Valis, COSTA iuris ac legum peritissime, ut ne quis mutilum si quando larem struit, inue politum  
Deserat

Quæ me vox quidem ipso meridie noctis superioris legentem monuit, ut qui Museolum meum instrui CL. VV. imaginibus exornare signa omnia, quæ huius loci esse possent, multo posthac diligentius anquirem: quamquam id fecerim diligentissime. Non cerè ita pridem  
LIPSIUS PVTEANVM Laconica

virtus cui contigit omnis,  
atque MANVTIO, & MVRETO SACCVM

Quem



SELECTARVM EPIST. CENTVRIA. 38

Quem pluris faciunt nouem sorores  
 Quam cunctos alios  
 Adiunxi: quare mihi **ANDREAS ALGIATVS**, atque etiam  
**PHILIPPVS MASSINVS** meus, delictum Astræ Apollinisq;  
 te vnum videntur desiderare, qui ius pontificum veterum, quid scira Quiritum  
 Quæ consulta patrum, quid, Draco quidue Solori  
 Sanxeit  
 melius, quam sua quisquam somnia, noſtis. Mites igitur ſi me amas  
 me exemplum effigiei, in æs prokè à **GALLO** incife, quam mox colo-  
 ribus, me indicante, ab aliquo Mediolanenſi **APELLE** in tabula  
 linea expreſſam figere poſſim. Mitteſ autem repeto ſi me amas, ac quia  
 potius amas nec me viſ ea voluptate priuare, quam ſingularẽ, &  
 maximam percipio, cum aliquo huius generis ornamento facultas mi-  
 hi datur Muſeolum meum locupletandi. Vale Roſei iure conſultorum  
 Hæc ſcripſi in Hermathena mea ad indagineſ ſedens DSS. Maiora-  
 gy.

HIERONYMVS BOSSIVS  
**FRANCISCO BOSSIO.**

e Ticinenſi Collegio, & Caſareo Scribẽ, FRATRIS VO,  
 S. P. D. Epift. 32. Ticinum.

**M**agnam mihi voluptatem narras, quod domeſtici omnes va-  
 leant. Sed illud imprimis iucundum fuit intelligere, quod **LVDO**  
**VICA** vxor, ſi minus omnem ex patris ſoceri mei obitu ſuſceptum  
 mœrorem abiecerit, aliqua ſaltem ex parte dolorẽ ſuũ conſolata  
 Verbar enim maxime ne in morbum, ac in aliquam præcipue atriã  
 bilem incideret, quod luctui, ac lachrymæ nullus ab ea modus ponerẽ-  
 tur. Sed verba ſolantium apud ſe frigere voluit, vt intelligeremus,  
 quàm pulchrè ſciat prudentia illa ſua ſingulari (praſcisci hoc dixerim  
 de coniuge) qua ſexum facile ſuperas, animi ægritudines mitigare.

E 2 Itaque



Itaque maximas tibi gratias ago, habeoque, suauissime frater, quod illam mihi suspensionem, qua percussus nullam requiem animo inuenire poteram, isto nuntio depuleris. De G. B. autem, quod scribis pecunie reliquum, mihi abhinc annos duos debita, nondum patri numerasse, seque illi propterea dicam scripsisse, agere admodum fero. Pecuniarias enim causas, ut inquit Symmachus, usque, ad detrimentum amicitiarum non oportet extendi. Itaque, verè dicam, si abundarem, profectò ut retinerem amicum, nummulos istos, quos homini mutuo dedi, gratis dono remitterem. Sed ego tamen in posterum isto facto cautiore factus curabo, ut ne, o tempora? o mores? beneficij inimicos parem. Vale. Mediolano.

HIERONYMVS BOSSIVS

COSMO ALAMANNIO.

Theologo è Societate IESV,

S. P. D.

Epist. 33. Ticinum.

GRate, ac iucunda adeò mihi acciderunt litteræ tuæ, ut inter legendum oscula eis dederim Catulliana. Et quidem Marianus, cuius causa ad me scripsisti, opera cuiusquam vi non poterat, qui me vel autoritate, vel testimonio suo, magis commoueret. Sed cum Marinus in cuius locum Marianus, affabrè una littera litteratior, sufficere vellet, dix ipsum quatrimum è nostro Collegio per honesta missione abierit, non adhuc integrum mihi est, in eo tibi, quod petis, morem gerere. Præsertim cum numerus conuictorum non ita magnus sit, ut vade Præfectum desideret. Unus quippe ad eorum curam sufficit Hippodidasclus. Illud tamen me ceriò facturum polliceor, ut quo primò tempore III. Viri mecum de Præfecto renuntiando communicauerint, adolescens iste intelligat tuam commendationem non vulgarem, sed sibi maximo adiumento fuisse. Curabo inquam, ut in comitijs huiusmodi, reiectis cæteris competitoribus, qui iam pensare ceperunt, provin-

c. a.



cia ista deferatur. Interim vale, & saluta mihi TANIVM iuvm,  
& AQUILINVM meum. Ex Mediolanensi Calchorum collegio.

HIERONYMVS BOSSIVS

FRANCISCO CAGNOLIO.

I. C. & in S. Ambrosij CANONICO,

S. P. D.

Epist. 34. Mediolanum.

Vide, obsecro te, mi CAGNOLI, quàm bellè, & opportunè  
ceciderit, ut COLLEGIUM CALCHII ADMINISTRATO-  
RES IUVIRI, nonnullis amicis deprecantibus, missionem mi-  
hi, siue honestam, siue causariam, exeunte Augusto dederint, quàm  
summa contentione antea petitam, semel, ac iterum præcisè denegarant.  
Etenim meam nunc operam illis, quod anno superiøre feci pro Virili  
sedulo, ac diligenter, vel si maxime vellem, præstare tamen minime  
possem. Quid ita rogas? malè narro: aira bili correpius in eam fe-  
brim, quam Medicorum Cicero Saturni filiam vocat, incidi, atque  
ipso bimestris spatio quarto quoque die iacui: & quod tibi, puto, ZER-  
BIUS noster dixit, adhuc iaceo. Nec tantulum quidem auxilia-  
ria, quod ait ille Græcus, Asclepij medicamenta, esse auxilia sen-  
tio. Quare, ut cum Homero loquar, in genua cor mihi decidit, peris-  
mescenti, ne me fonticus iste morbus vertente hanc hyemem lecto me  
defixum teneat. Hoc autem, ut Deus idem optimus, idem maximus  
auertat, tu, qui me oculis amas, pura mente sacrificabis, ut mea caus-  
sa lites, ut valeam, ut viuam. Sed ad rem quaeso reuertamur. Facul-  
tatem profecto in urbem patriam redeundi, quàm partim difficili re-  
rum mearum statu coactum, partim celi MEDIOLANENSIS, qui  
cum mihi æstivo tempore non benè conueniebat, temperatione commotum,  
petij, si minus ego obtinuisssem, aut ipsa facile impetrasset agrotatio, aut  
Collegium ab Academicis, & litterarijs exercitationibus, me mei of-  
ficij munus non obeunte, omnino refrixisset cum non vulgari incom-  
modo iuuentutis. Quod vellem primum nobilissimis, ac præstantissimis  
viris,

Viris,



Viris, ROMULO SOLÆ, & PAULO AMBROSIO GERARDINO, atque etiam, si lubet, & vacat, Romanæ probitatis sen, BIVMIO significes, ne diutius eos pigeat, quod sapius rogati nuncium remiserint, ut res mihi meas haberem. Deinde verò cuperem, ut meo nomine eisdem gratuleris, & bonum factum dicas, quod hominem in mea provincia succedere voluerint, qui maxime omnium, aut quidem certe quam qui maxime, eorum ingenijs, ac genijs satisfaciet. Quod sibi cum certò futurum polliceantur, nec temerè profectò, & scien-  
ter admodum faciunt, illum passim in cælum ferentes omnibus laudibus doctrinæ, & eruditionis: vite, ac morum integritatis. Quæ laudes quam veræ sint, encomia facile declarant, quibus eundem ab ipsis-  
met i i i i i Viris, cum eandem Spuriham relinqueret, affectum, & ornatum fuisse intellexi: nec quidem aut per nebulam, aut in strepitum, quod ait ille tuus. Ex quo sine ulla dubitatione fiet, ut ADMINI-  
STRATORIBUS cum Augusto, ac clamantibus: contenti sumus hoc Catone, undique confluant, & concurrant, qui filios suos  
Artito isti viro operam dare velint. Quare cum propius absint, ac iam potius adsint, Calendæ Novembres, quibus de more Conuictores, tanquam Musarum exercitus ad arma, & signa, ad politiorum literarum studia repetenda, is oratione aliqua est adhortaturus, ut in concionem mea causa eas, rogo te, si modo harum rerum cupidissimus rogandus es. Sed fortasse tibi per Claustritimum cognominem incum, qui nunquam ita libenter est Admissionalis, ite agere licebit. Quod si contra accidet, ut à sua discedens consuetudine, fores tibi recludat,  
HOC AGE: hominiqu; de superiore loco diserenti aures attentissimas præbe, quò mihi aliquid, cum huc veneris Ticinum una cum GASPARE oculissimo iuo, bona fide, ac memoria narrare possis. Namque si is, tantusque orator est, qui, & quantum apud i i i viros audit, audit autem sine controuersia eloquentissimus; neque tamen, arbitror, ut apud Agellij Iulianum adulescens ille; argumentum sibi, de quo agat, proponet doctorum, hoc est tui similium, auribus, & confesso dignum: ac verba decemuiralia, duodecim tabulas, & latinitatē puram puram loquatur. Præ quibus cum verear, ne sensus, & formula  
dicendi



dicendi Orationis mea, quam ut in manibus hominum esse patiar, quotidie magis vrget, mortuaria glossaria, ruta caesa, & vitrea fracta videantur, de illa vel ad te danda, vel in apertum proferenda, nihil admodum libet mihi in praesentia deliberare: Atque adeo, verè dicam, cum legis illius, quae apud Romanos tumultuaria theatra esse non perpetua iubebat, in mentem venerit; ad instar cunei, & orchestrae spectaculorum scripturam istam meam, quam ut inseruirem scenae tunc praesenti, stylo feci plane tumultuario, quasi indicta si reus mihi lex sit, obliuioni dari omnino deliberatum est. Vale CAGNO-  
LI suauissime,

omnibus è meis amicis,  
Antistes mihi millibus trecentis.  
Vale inquam, & C. V. IO. BAPTISTAM SACCVM, Senatus à secretis, vrbes vestrae decus, ac seculi, & Musarum delictum, mihi saluta quam potes officiosissime. Hec prima facie scripti in Museo nostro ad Illustrissimi, Amplissimique Praesidis ALESSII imaginem, cuius mihi gratiam, ut conseruet repetita identidem testificatione voluntatis erga illum meae, rogabis MALVETIVM tuum. Ticino 4. Kal. Nouemb.

HIERONYMVS BOSSIVS  
BARTHOLOMÆO MALVETIO,

V. Amiciss. & PHILOMVS O,

S. P. D. Epist. 35. Mediolanum.

Pace dictum sit tuae gentis: non te amplius MALVETIVM, sed Euangelum nominabo. Non debet enim inauspicato nomine vocari, qui auspiciatissima nunciat. Porro autem magnam rem voluptatum, magnum gaudium narraſti in epistola tua. Cum ego quidem ex illa intellexerim, quod filiolum nuperrius Maccenas meus suscepit, latinis incessu maximis, incredibilibus. Quas tu tam  
men



*Men non leuiter cumularis, si minus patieris à me ignorari, qui dies Nominalium fuerit: quod nomen puello infanti impositum. Adde etiam, si libet, quæ lustratrice: quolustratore. Interim vale.*

HIERONYMVS BOSSIVS

**AQVILINO COPPINIO.**

Regio Artis Oratoriz INTERPRETI,

S. P. D.

Epist. 31.

Ticini.

**E**Cce tibi quæ legere desideras BONCIARII Apologiam ad Aeneam Spennactium, ac potius in Spennactium, scriptam. Mississem citius ex promisso, si nocte superiori adeo me animi perturbationes non affecissent, ut nec somnum de more tunc videre potuerim, & ad hanc usque horam, præter quidem consuetudinem meam, obdormiuerim, eo ipso temporis momento consopitus, quo

Pellebat somnos Tithoni roscida coniux.

Itaque tibi eò citius perlegenda, ac deuoranda est, quo seriùs hanc ego tradidi perferendam. Etenim vix exspectus sum, cum in lecto mihi iacenti, & adhuc somniculoso, tabellarius litteras pertulit CL. S. AC. CL, à quo librum commodato accepi, & Apologiam repetentis. Quas quidem litteras ad te mitto cum meis complicatas, ut postquæ BONCIARIVM legeris, homo tu mirè cupidus in hisce tuis vacationibus res novas intelligendi, aliquid habeas etiam, quod legas. Vale ex adibus.

HIERONYMVS BOSSIVS

**IVLIO ARESIO.**

Regio a Secretis CONSILIARIO, & Senatus PRÆSIDI,

S. P. D.

Epist. 37. Mediolanum.

**E**T tibi gratulor, & verò etiam ex prisco ritum gratias ago, Præses Amplissime, quod tibi natus sit filius, mihi patronus. Sed illud in primis



SELECTARVM EPIST. CENTVRIA. 41

primis, quòd is regia sit forma pradiu, quodque integra sanitate,  
ac valetudine. Quamobrem ex lege Seruia nec tu pater pro filio,  
nec ipse cliens pro patrono Iunoni Lucinae numum dependere  
recusabimus. Quem tu tamen ex Pluticenso depromis aureum: ego  
ex Apollinis & Musarum, chartaeum; qualis scilicet harum, eiusque se-  
ctatoribus census est fere omnis, & suppellex. Accipies igitur cum  
hisce litteris carmen, quo non magis puero nasceti nos plaudimus, quam  
ipsam MARGARITAM uxorem tuam nobilissimam, optimam, le-  
tissimam laudamus. Cui quidem, cum scitulum adeo puerum in lucem  
ediderit, tanquam Lucinae, est persoluum quicquid hoc est, quod  
ad te mitto carminis. Vale, & vive cum Vituno propitio eta-  
tem Nestoris. BELLONIVS, & PICENARDVS Scribi  
P. adscribunt. Ticino Regio.

HIERONYMVS BOSSIVS  
ALEXANDRO LODOVISIO

Archiepiscopo Bononiensi, & S. R. E. CARDINALI,  
S. P. D. Epist. 38. Bononiam.

Oportune omnino, ac cum Rhamnusia propitia hesterno ego die red-  
didi Praefidi SQUARCIAFICO, Cardinalis Amplissime,  
litteras tuas. Etenim & hodie Senatus habendus est, & omnia se-  
iste facturum ostendit, ut contra omnes copellitores unus ego victoria  
potiar: dicam prisco, & scenico ritu, ut coroner. Quoniam vero non  
me fugit, quanto opere me ornatum cupias, nunc has ad te mitto, eius epi-  
stole praeunias, quam propediem, nisi fallor, ac populus ut spero, ab  
homine accipies laureatam. Nec certe minoris iucunditatis, volupta-  
tisque tibi, quam mihi dignitatis & commodi, praepersuadeo, si ea conse-  
quar, quae tua mihi procurantur commendatione. Interim Vale, Prin-  
ceps immortalitate dignissime, ac me ut cepisti ama, & conserva in-  
tuis. Mediolano.

F HIE



HIERONYMVS BOSSIVS

## VITALIANO VICECOMITI

BORROMÆO, Adrianopolit. Archiep & Pontificio  
ad Cæsarem NVNTIO,

S. P. D. Epist. 39. Pragm.

**E**X voto, & vero loquar. Legatio tua ita ista, Amplissime VICE  
COMES, maximum quiddam certè habet in se dignitatis  
quòd à summo Pontifice sit, quòd ad Cæsarem. Horum enim viroq;  
in terris

Minor est quisquis maximus est hominum:

Sed eam tibi tamen, quòd alij, puto, faciunt omnes, vni ego non gra-  
tulator. Tantum quidem iudicio meo, iusta gratulationis causa offertur,  
cum premia, & dignitates, quæ virtuti cuiusquam deferuntur, hanc  
sua æquant magnitudine. Tu verò quamvis Adrianopolitani Archie-  
piscopi thiara, & pontificio isto legationis munere fueris exornatus, lon-  
ge maiora tamen mereri ut videris, ita iudicaris, addo etiam predica-  
ris. Ex eo ipso igitur, quod tibi reliqui gratulantur, auspiciis ip-  
se non vitio factum eius dignitatis capio, quæ maximis meritis tuis  
inter illos S. R. E. purpuratos patres maxima debetur. Cuius causa,  
uti auis addixit, tum incredibile gaudium me gausum ire certissime  
spero, cum legationem renunciaueris. Quo quidem tempore fiet, ut ego  
non vltimus aut ab officio scribendi, aut ab obseruantia, meam tibi of-  
feram gratulationem. Interim te ihs Deus conseruet, quæ tibi vouemus  
cupimusq;. Ticino Regio.

HIERONYMVS BOSSIVS

## ANTONIO QVERENGO.

Vtriusq; Signaturæ, ut dicitur, REFERENDARIO,

S. P. D. Epist. 40. Romam.

**M**Aior numquam temporis fuit, QVERENGHE præstantissi-  
me, quam nostra hac ætate poetarum copia, qui versu suæ Ita-  
licæ,



lice, siue *Heiruscè* conscribant. Vix cerè quisquam adolescens, ut *Eumolpus* inquit, versum pedibus instruxit, cum fonte statim *Caballino* labra sibi proluisse, atque in monte *Aonio* se somniasse arbitratur.

----- ut repente sic poeta prodiret

Eamque ob rem quotidie magis tot, ac tanta eiusmodi carminum volumina in vulgus emittuntur, ut iam ipsa mihi poesis non minus, quam *Emilio* iuris prudentia, multorum *Camelorum* onus esse videbatur. Verum in hac poetarum turba pauci admodum sunt, qui vni *Petrarcham* sibi imitandum proponant. Quemadmodum enim, *Atticis* maximum sibi decus facundia comparantibus, *Lacones* metu collationis in diuersum studia destinarunt, ita bona pars neotericorum, qui præclaram istam, ac planè masculam carminum conficiendorum rationem, à *Florentino* vate propositam, se assequi posse desperarunt, versum sine sensu cæperunt contexere epithetis, antithetis, sinonismisq; : ac verbis etiam in eisdem ludere lasciuientibus, luxuriantibus. Quamquam horum poemata ab ijs tantum leguntur, qui in formosa mulierem nihil præter vestem & tunicam : aut folium in arbore, aut pampinum in vite amant : hoc est, ut ego interpretor, qui in poesim aliud nihil querunt, quam puerilia quedam, & ludicra verborum scitamenta. Contra verò ij, qui versus cum *Petrarcha* scribunt, amatores, ac laudatores habent optimè catos, & cordatos viros, quibus maxime omnium ius est in *Mularum* Senatu pronuntiandi, Si quis autem nostræ ætatis homo in suis scriptionibus eum exprimet poetam, quem supra honoris causa nominavi, id tu certè facis, adeò, ut, quod *Sceledrus* inquit *Plautinus*,

è summo puteo similior nunquam possit.

Aquæ aquæ fumi,

quàm tui sunt eius versibus similes. Tua enim carmina venusta sunt cum gravitate, & sunt cum venustate grauiæ : nec suis carè leporibus, & amœnitatibus : liberalibus quidè illis, & ingenuis, non *Ciclicis*, & iocularibus, quales ferè sunt omnium tēporibus nostris suum nomen in lyricis vatibus profitentium delirationes. Atqui in tuo isto *Heirusco*.

F 2 ium



44 HIERONYMI BOSSII TICINENSIS

*rum poematum volumine, quod mihi GASPAR SALVI-  
ANVS. Vir planè Romanæ probitatis, humanitatisq; istinc dono misit,  
Vel de suo ere soluto tabelarijs portorio, propè adeò mihi videris ad  
Petrarcham accedere, ut ipsum IOHANNEM CASAM, bo-  
ne Deus qualem, ac quantum virum propius accessisset non putem. Sed  
tamen laudem mereris, DSS. ac eruditissimo QUERENGHE  
magis maiorem, quòd hoc genere studij, tamquam secundæ mense  
bellarijs, ac potius tamquam condimento, non cibo, usus fueris, ad ma-  
iora scilicet & grauiora destinans, & conferens curas, & cogitationes  
tuas. Præter quàm quòd operam cum versibus dares, eos interdum ma-  
luisti, quàm Italicos, Latinos facere. In quibus tantum te cum pau-  
cis excellere significatum mihi est, ut sæculi instar singula monumen-  
ta futura sint, cum istos videam. Ea re cum FLAVIVS QUE-  
RENGHVS tuus, præclarum illud Patauine Academiæ lumen,  
& Gratiarum ocellus, in ipsa epistola, qua magno heroi, RANV-  
TIO FARNESIO, Parmensium Duci, Hetrusca tua poemata  
dicatum it, ea omnia, quæ tu latinis coniuncta numeris elucubraſti, sub  
prælo Germani Typographi esse iam profitearur, non potui non vehemē-  
tissime SALVIANVM meum per litteras rogare, ut eorum mihi  
exemplum, quàm fieri citius, potest, curare velit. Tu interim fac Va-  
leas, Ticino.*

HIERONYMVS BOSSIVS

CÆSARI VBERTO

Humaniorum Litterarum DOCTORI,

S. P. D.

Epist. 41. Taurinum.

*C*um hesterno die animi causa, quod sæpè facio, ad S. Lafranchi  
solus proficiscer extra Urbem, forte fortuna obuius factus sum  
BAR.



BARTHOLOMÆO iuo., qui se mihi postea comitem in via præbuit. Is post longam de re litteraria disputationem, cepit nonnulla de suo statu recensere. Atque illud in primis dolebat, quod à suis omnibus, qui isthic viuunt Taurini, & à te præcipue, sit omnino desertus. Abierunt namq; anni, ex quo nec à te, nec de te à quopiam litteras accepit: ex quo vestrum neminem vidit. Vnde fit, ut mallet, quod inquit Iuuenalis,

--- fraterculus esse gigantum;

quàm consanguineos, & affines habere, qui non magis sint memores sui, quàm Calpurnius ille Sabinus apud Senecam Achilles, & Priamus, quorum nomina sepius obliuisceretur. Ego tamen, mi CÆSAR, à te vno dicebam, & homini persuadere totis viribus conabar, quod si minus venires, aut scriberes, id non fiebat, vel quia immutatus animus, vel quia amor tuus erga istum esset imminutus, sed quia te tui muneris impedirent occupationes. Quam excusationem tantum abest, ut acceperis, ut ne quidem audire voluerit. Atque ut omnia tibi pro ea, qua te semper complexus sum, beneuolentia verissime narrem, quantum ex eiusdem sermonibus colligere, ac subodorari potui, nouas nuptias hæc vna de causa cogitat, quod suorum nemo præsens adsit, quem habeat secundis rebus lætitiæ socium: à quo solatium pariter aduersis reportet: quem consiliorum participem faciat, & in cuius denique senum cogitata effundat animi sui. Homini certe, qui in suis est numeris, neque sine censu, hoc vnum deest, præterea nihil. Ne itaq; tua culpa poscit dicere cum de mea Terentiano:

Duxi Vxorem: quam ibi miseriam vidi?

rogò te, ut, statim acceptis hisce litterulis meis, ad hominem scribas: huc te ostendas profecturum; atque etiam, si vacat, re ipsa proficiscaris. Secus autem per proximum tabellarium eodem exemplo epistolam mittes, ut eum spe tui aduentus producere, ac lætare possimus donèc, Hilaribus exeuntibus, quæ instant, & nuptijs dicta sunt, Cineralia veniant. Quo tempore inter nos per litteras de re ista colloquemur, & id consilij capiemus, quod hominis statui maximè, ac rationibus tuis conducere iudicabimus



iudicabimus. Quamquam illud modis omnibus providendum esse pu-  
ro, ut ne committas eum, spe omni procreationis desperata, uxorem du-  
cere: Qui cum sexagenarius sit, nuptias libitina potius pronuba, quam  
Iunone conficeret. Atqui vercor ne ita Pertunda hominem, habeat ut  
Nethalamo tædisque iugalibus.

Invida mors rapiat

Ne mutetque thorum feretri vice.

Exequialis honor.

Tu nosti muliercularū ingentia, nosti salaces mores, nosti illecebras. Quæ  
si adolescentibus, ipse cum sint præcipue iuvenes, in bona etate, ac vale-  
tudine sanguinem, succum, ac medullas ipsas exhauriunt, quid seni-  
bus eiusmodi faciant hirudines: iste Venerea, tua sit, mi VBER-  
TE, cogitatio. Verissimum quidem illud Theophili Comici dictum est.

Non quadrat iuuenis seni fœmina.

Præterquam quod hoc ego certissime scio, tenuioris fortunæ patres nul-  
li facilius, libentiusue indotatas filias obrudere, quam sponsis hisce  
Depontanis, à quibus aut isti in partem hereditatis vocentur, aut bo-  
norum usus fructus legetur filiabus suis, usque dum alteri viro nu-  
bant: hoc est, usque dum sibi dotem iure iniuriaue illinc abarserint.  
Quod si fieret in rebus BARTHOLAMÆI nostri, nulli aequè de-  
trimento esset, ac tibi, fratribusq; tuis. Sed hæc alias & coram fortas-  
se commodius. Tu interim fac valeas, & IULIUM MAY-  
NUM, pictorem sua virtute nobilissimum, a me etiam atque etiam  
saluere iube. Ticino Regio.

HIERONYMVS BOSSIUS

ROBERTO TITIO

Artis Oratoriæ INTERPRETI,

S. P. D. Epiſt. 43. Bononiam.

Doctissimas tuas ad Georgicæ Virgilij Prælectiones IIII, doctis-  
sime TITI, hodie accepimus: hodie legimus; nec carptim  
aut persunctoriè sed auidè quidem, ac diligenter. Non nihil enim

me



me solio inuenerunt ab occupationibus meis ociosorem. Quamquam ego, cum tua aliquid scriptionis perfertur, vel si amplius sim occupatus, ad eas animum, & oculos adicio statim percurrendas. Porro autem tanta me sapere, ac sepius in tuis lectuandis voluptas cepit, ut, quemadmodum gustus emptorem vocat; ita me solum ROBERTI nomen adscriptum singulari quodam illicio lectorem ad omnia inuiter. Quod quidem si qua mente, quoue consilio in praesentia dicatur, intelligis; uti profecto intelligis, tu crebro in posterum eiuscemodi munerum genere ornabis simul, & oblectabis. Vale.

HIERONYMVS BOSSIVS  
IVLIO NEGRONIO

Oratori, & Theologo è societate IESV,

S. P. D.

Epist. 42. Genuam;

**L**Egimus, & perlegimus, NIGRONI doctissime, orationes tuas maxima certe cum animi voluptate, sed longè tamen maiore cum fructu & animi, & ingenij. Nulla enim ferè periodus, ac ne quidem clausula in illis est, quæ legentibus verborum delectu linguam non expoliat, & acuat: pectus verò sententiarum gravitate non ornet, & instituat. Itaque poteram legenti mihi verè de tuis scriptis accinere, quod tu olim ex Petronio Arbitro transtulisti ad eloquentiæ, & philosophiæ commendationem:

His animum luccinge bonis, sic flumine largo

Plenus Pierio diffundes pectore verba.

Quod si de numero, & artificio, cum virunque planè oratorium sit, aliquid hoc loco dicendum est: illud asseuerare non dubitabo, quod aures mirificè altero demulceas, ac delectes: quodque altero, in quamlibet partem velis, affectus moneas etiam atque etiam vehementer. Nec valde cerè, dum in illis essem totus peruoluendis, MAFFÆVM, PERPINIANVM, & BENCIVM, tria splendidissima societatis



*cietas vestra lumina desiderabam. Atque adeo, si tua me patitur modestia vera dicere, ut olim oratorum, qui causas in foro dicebant, princeps habebatur Cicero: sic eorum, qui in Christianis versantur Academijs, tu mihi Tullius alter videris. Quippe unus precipue, mi NEGRONI, prater ceteros Genuenses, facis ut Cassiodorus, cum dixit: mittere & Liguria Tullios suos, diuinavit. Volumen enim orationum tuarum est eiusmodi, ut istud*

*... secula posterique possint*

*Arpinis quoque comparare chartis*

*Hoc ipsum certo scio Ticinenses mei omnes, qui tua desiderant, mecum affirmarent, si Piccaleus exemplaria orationum tuarum ad Socios nostros transmitteret. Qui cum a quopiam de illis quaeruntur, NEGRONI orationes se quidem excusas vidisse fatemur, sed illas negant isthinc accepisse: nec sua magis, quam typographi istius negligentia. Nunc autem ab ipso Piccaleo nullum hi petunt volumen tuum, quod nescio quid subaudiuerint de libro tertium recudendo, a te facta non earum solum orationum, quae typis excusae leguntur, noua distributione; sed ceterarum etiam, quas habes manu scriptas elegantissime, nobili admodum additione. Quae res cum Bibliopolas primum, deinde harum etiam rerum studiosos spe cum locupletioris, tum emendationis impressionis ad emendum lentulos reddat, auctor tibi libenter essem, ut id publicae causa utilitatis aliquantulo citius, quam tibi faciendum persuasisti maturare velis. Quamquam, NEGRONIS nihil est cur diutius moreris, cum omne, quod a te perficitur, nullam habere possit acerbiter. Vale Ticino Regio.*

HIERONYMVS BOSSIVS  
AVGVSTINO GVASCO.

V. A. Philologo, & Academico AFFIDATO,

S. P. D. Epist. 44. Ticinum.

Præses Apollo carminum fluentium

*olim fortasse, mi GVASCE optime, suauissime, dignatus est*  
inter



SELECTARVM EPIST. CENTVRIA. 49

..... inter amabiles

Vatum ponere me choros;

nunc verò non minus, quàm profanum vulgus arceat

..... umbrosis Heliconis oris.

In quo tamen non cum culpo, aut incuso, sed me ipse accuso, qui ad alia sic studia meum studium contulerim, ut Musarum delicias, & oblectationes omnes susque deque habere viderer omnino. Nec mehercule gratis, aut sine fundo: quandoquidem, ut cum Eupolide dicam,

Si quis nostratium,

Agrediatur poësin desipere iudicatur,

Itaque cum præter propter carmina possim scribere, siquid scribo tamen, alia tibi quercus est excutienda, ut habeas epigrammata quæ de cõmuni amico confici volebas, nec ipse tua, ac mea et causa, nolebã. Et quidem me etiam atque etiam piget, ac tædet, quòd nunc, potissimum te rogante, nequeam versus conscribere

..... Musarum, & Apollinis expers.

Frangere fores, inquit? pœnas iudicij me tuo.

Vale Mediolano. Raptim ex ipso Senatus Grammatophilacio:  
XIV. Kalendas Octobris.

HIERONYMVS BOSSIVS  
SCIPIONI BARGALIO

V.C. Equiti, & PHILOLOGO,

S. P. D.

Epist. 45. Senas.

At mihi PETRUCCIUS Theologus, & Orator Dominicanus, cui litteras per proximum tabellariũ dedisti elegantissimè scriptas, officiosè adèd, & amanter salutem dixit, ut omnem facile agretudinem, qua tuarum me affecerat diuturna nimis expectatio, sedare,

G



# 11 HIERONYMI BOSSII TICINENSIS

Sedare, si minus leuare potuerit; Sed hoc iamē meī saluandi genus,  
 Ut familiare tibi faceres nullo modo vellem, qui in tuis epistolis,  
 Ut manum agnoscere, ita animum tuum exosculari solitus sum. Quod  
 si Verbula tua omnibus, ut inquit Lucretius,

... incutiunt blandum per pectora amorem;  
 in me certē littere tue, mihi crede, tantum amoris illius, quo te comple-  
 ctor, aestum commouent, ut totus absorbar. In ipso tamen aestu dego in-  
 stat Salamandra cum voluptate: Et ut ait ille Academicus, vror  
 sic vri. Itaque, mi Bargali, quid sis impoterum facturus, si sapi-  
 quantum profecto sapias, iam intellexisti. Scribes tu quidem non ad  
 alios de me, sed ad me potius de alijs; nec aliena, sed tua manu. Inte-  
 rim Vale bene, ut Valeam. Ticino Regio.

## HIERONYMVS BOSSIVS M. ANTONIO BONCIARIO

V. C. & politiorum litterarum DOCTORI,

S. P. D. Epist. 46. Perusiam Augustā.

Non ignoro quod CL SACCVS, ac alij quā plurimi de Elrina  
 iue intelligentes aestimatores, de eo, quod litteras nonnumquam  
 malis Italicas, quā latinas dare ad te scripserint. Eare cūm epi-  
 stolam ad me vernaculis Perusinarum verbis confectam miseris, ni-  
 hil tecum expostulabo, ne id futurum videar mihi persuadere, ut  
 plus ego impetrem, qui homo sum in Repub. litteraria postremi ordi-  
 nis, quā illi, qui fasces tenent, & secures, consequi potuerint. Illud  
 tamen si minus apud te, tecum certē dolebo, quod omnem sic immor-  
 talitatis spem infringas, ac praecidas mihi, qui nomini meo in tuis li-  
 bris vitam pollicebar sempiternam. Quanquam si tibi aliquando in  
 animum induxeris, ut quae Hetrusca lingua elucubrasti, in vulgum  
 velis emittere, in hoc ipso, quod nunc dolendum, puto singulare tuum  
 agnoscerem beneficium. Nam cūm latinē loquentium epistolarum,  
 quas



quas ad sexcentos misisti, volumina edideris bene magna, hoc ego cū paucis, & ijs fortasse, qui à te amantur, ornanturq; plus ceteris, commune haberem, ut legerem in tuis litteris, & latinis quas olim accepi, & lialicis, quas modò non vulgares dedisti, cum non vulgari testificatione amoris erga me tui. Sed hæc hæctenus de ratione scribendi. Nunc ad id venio, quòd meum librum ad te scribis tandem aliquando peruenisse. Ex eo, mi BONCLAR! suauissime, fac quæ eas obsecro, num sit ex itinere defatigatus, qui vix ipso anno tantillum terrarum spatium emensus fuerit. Non enim in ijs regionibus Perusia est, ubi Antipodes aduersis vestigijs stant contra nostra vestigia. Atqui litteras tuas Alexio, qui Goæ apud Indos degebat, serius redditas fuisse non existimo. Sed omnem, quàm ex eius tarditate traxi, molestem tu facile dilues, si per litteras significaueris, quid de eo tibi videatur. Antequam scribas tamen adnota, quæ minus latine, minusq; decorè, nec suū loco dicta fuisse putaueris. Ità enim, quòd ad Voconium inquit Plinius, magis credam cætera tibi placere, si quædam displicuisse cognouero. Vale Mediolano scriptum, & statim post tuas acceptas.

HIERONYMVS BOSSIVS  
LVDOVICO MADIO

Regio Mediolani SENATORI,

S. P. D. Epist. 47. Mediolanum.

Nihil dubium est, quin in populi, & ciuium is peccet commoda, qui vos Ampliss. Patres, Rempublicam, ut Varro inquit, aurigantes, rebus animum à Curia cura vel tantillum auocantibus interpellat. Ego quidem hanc vnam ob causam dubius animi per multos dies fui, an litterulis te meis appellarem, cum eis ad te librum daturus. Sed tandem prudentiam illam tuam, qua fori iadium, atq; ipsius Curia senium temperare solitus es, mente nonnihil reputans,

G 2 spem



52 HIERONYMI BOSSII TICINENSIS

*Spem mihi feci futurum, ut hæc tibi siue libri, siue litterarum missio nec omnino iniucunda, & aliquantum fortasse accidat opportuna. Etenim in eorum te numero censeo, qui sint cum Scipione Africano numquam minus ociosi, quam cum ociosi. Si modò igitur nostra sunt digna, quæ à te oculis aliquando usurpentur; habebis, quod horis legas successivis; in quo ipsa erit opportunitas; habebis etiam, quod Vir Lati-clavius de Lati-clavi dignitate regustes perlegendo: in quo iucunditas. Hæc autem ut diuturna tibi sit, ad ætatem Nestoris te volo perennare. Ita optimus ille, & maximus*

----- *Votum secundet, qui potest, nostrum Deus.*

*Tu verò me fac quæso adscribas in tuis: hoc quidem ut calidissime cupiam, mea facis erga te observantia. Ticino Regio.*

HIERONYMVS BOSSIVS  
SCIPIONI BVRGHESIO.

Sanctæ Romanæ Ecclesiæ CARDINALI,

S. P. D. Epist. 48. Romam.

**N**Ouas iterum gratias, Cardinalis Ampliss agere tibi debet, qui benignè ad cō, & honorificè ad nos rescribis: qui prolixè nunc etiam ornas beneficio. Etenim dum admittis officium meum, quod pro actione gratiarum sum exequutus, te tua auctoritate ad mea commoda paratissimum offers simul, ac polliceris. Cui autem quæso te? nihil tale petenti, nihil merenti. Sed hæc Haroum cui similitum natura est, hoc ingenium, ut quos semel in fidem ipsi receperint suam, eosdem velint iueri, & ornare constantissimè. Quæ mobrem ego, qui nihil tibi pro tanta humanitate redhostire possum, me totum in ære tuo esse libens merito dicam: ex corde, & animo gaudeo. Atqui ego cum Aristotele sentio, & illud censeo verissimum, quod qui beneficium inuenit, compedes inuenit. Cum præferim

non



non opis nostræ sit, ut Menandrica gratiarum actio, à nobis agatur, quæ ipsa est gratiæ remuneratio. Id quod tu fortasse hostimenti loco reputabis, cum apud Principes *U. U.* is omnino, ut ait Seneca, magnam debiti partem exoluit, qui lubens se debere proficitur.

HIERONYMVS BOSSIVS

LÆLIO BISCIOLÆ.

Philologo, & Theologo è Societate IESV,

S. P. D.

Epist. 49. Nouum Comum.

**Q**uod Plautinus ille Pyrgopolynices suam ipsius formam admirans, quàm pars est gloriosius exclamat:

Nimia est miseria *PVLCHRVM* esse hominem nimis; id ego à te arbitror, mutata vocula, de tua eruditione posse verissime dici;

Nimia est miseria *DOCTVM* esse hominem nimis.

Nec quidem Plautina aliqua Philocomasium, sed Philologi omnes, & Philomusi homines, cum de re aliqua litteraria dubitatio est, te doctissimum Virum adeò frequenter consulunt,

Vt tuo non liceat dare operam negotio.

Cum igitur meum in hoc genere exemplum non sit tuis occupationibus intercedere, de re sententiam tuam exquirere non verebor, quæ mihi res de Sponsalibus, & Nuptijs opus conscribenti, negotium facit, quàm maximum. Porro Festus lib. de Verborum significatione ait: Facem in nuptijs in honorem *CERERIS* præferbant, aquaque spargebatur noua nupta; siue



siue ut casta, puraue ad virum veniret; siue ut ignem, atque  
aquam cum viro communicaret. Ego autem ab Agricolis inuo-  
cari soliam cum BACCHO CEREREM sapissimè legi, quod  
horum fructus, ut cum Varrone dicam, sint maximè necessa-  
rij ad victum: ab his enim CIBVS, & POTIO venit è fun-  
do. Nonnumquam etiam scriptum inueni, quod eidem CERERI  
cum TELLVRE, veluti operum consortibus, preces ab antiquis  
conciperentur, ut Vellent, quod inquit Sulmonensis poeta,

Fructibus immensis auidos satiare colonos.

Quid autem iuris, quid numinis in Nuptias Ceres haberet, mihi pro-  
fecto non liquet. Id odorans licet, quasi Venaticus Dolpèm, per  
non ita pauca Antiquitatis cubilia sim persecutus. Quamquam hoc  
ipsum in explicatum relinquere omnino erubescere, cum vel leuissima,  
& nouissima quæque ad sponsalia, & Nuptias pertinentia, sim in  
opere complexus meo. Etenim, ut verbis utar M. Tullij, ridiculum  
est, quod est dubium id relinquere incertum: quod nemini  
dubium esse potest, iudicare. Nec verò imitari Lucretianum vo-  
lo Commentariographum, qui totus in eo est, ut ex iamina gemina in  
Cererem faciat; cur autem mammosa eadem Ceres vocetur, ne-  
gry quidem dicit. Duplicem itaque nodum tibi Reipub. literaria  
nouo Alexandro dissoluendum pono: Quare scilicet in nuptijs fax  
in honorem Cereris præferatur, & ab inanì philosophia poeta ipsa  
met Ceres mammosa nominetur. Illud autem tibi omnino persuade-  
bis, me longè veriora existimaturum, quæ tu de hisce questionibus re-  
scripseris, quàm quæ Delphicus proferi Apollo. Vale. Ticino Regio.

HIERONYMVS BOSSIVS

PAPYRIO CATTANEO

Regio Mediolani SENATORI,

S. P. D.

Epist. 50. Mediolanum.

M Unus ad te mitto, ac præmitto potius, maxsecuturus, ut me tibi  
sistam, ac tu dicissim de me ipso dicas: hic meus est. Hoc au-

1077



SELECTARVM EPIST. CENTVRIA. 41

tem quam validè, quàm calidè cupiam, indices tu quidem habes iam  
dudum litteras, nostrate lingua loquentes, testem verò pro sexcentis  
vnum, pro millibus, SFORTIAM ALEMANTUM tuum. Opti-  
me enim optimus iste virorum nouit, quantum amem te, ac admirer  
quia inter I. C. sis litteratissimus: quantum simul obseruem, ac ve-  
nerer, quia Senator sis inter litteratos amplissimus, inter virosq; hu-  
manissimus. Quàmòbrem nisi me faller, ut ceriè non faller, spes illa  
quam mihi à tua ipsius benignitate non indubitata facio tu munus  
hoc meum pamsis manibus accipies, me verò etiam recipies in tuis.  
Vale. Ticino Regio.

HIERONYMVS BOSSIVS  
HIERONYMO XAVERIO  
Sanctæ Romanæ Ecclesiæ CARDINALI,  
S. P. D. Epist. 51. Madritum.

VEnturus in Hispanias ALONSVS CYSNERIVS meus  
voluit à me tibi, Cardinalis Amplissime, commendari. Nec  
iste quidem me habuit ad sua vota difficilem, qui non ignoro, quæ tua  
in primis sit facilitas, benignitasque. CYSNERII autem inge-  
nium, ac probitas, quæ hominem facile tibi ostendent tua esse dignissi-  
mum clientela, omninò faciunt, ut parcius tecum agam ad commen-  
dationem. Hoc tantùm igitur liberè profitear, quòd quacunque in re  
isti præsto fueris auctoritate tua, me arctius tibi, quàm mancipio,  
& nexu, quàm ære, & libra, sis deuincturus: modò tamen plus,  
quàm debeam, debere tibi, & obligari possim. Caterùm quid illud  
sit, ad quod tuo cupiat in Aula Regia patrociniò vi, nihil adscribo. Id  
malo enim ex ipso plenius, quàm ex me, litteris que meis, intelligas.  
Vale. Ticino Regio.

HIE



HIERONYMVS BOSSIUS  
 LVDOVICO SEPTALIO.

V. C. Archiatro, ac PHILOLOGO,

S. P. D. Epist. 52. Mediolanum.

**V**erus sum: nec id, quod re ipsa est, negare volo: Plautinos sales amari semper, ex quo

----- Pieriæ tenero sub pectore curæ

Discendique vires, & amor,

esse mihi cæpit adolescenti. Nec verò umquam in me Plauti libido ista deferbuit; cum ipsa potius ætate quotidie magis crevit. Itaque in uno præcipue Plauto perlegendo meæ sunt omnes deliciae. Quæ profectò mihi nunc accidunt eo iucundiores, quòd occasione afferant te literis compellendi. Non usque adeò enim Quinquatribus Mineruæ sunt ipsius Plauti actores interdicti, ut non aliquando philosophentur. Euclyonis certè in Aulularia hæc sunt verba senis:

Non temerè est quod coruos cantat mihi nunc ab  
 leua manu,

Simul radobat pedibus terram, & voce crocibat sua,  
 Continuò meum cor cæpit astem facere ludicram,

Atque in pectus emicare,

Quæ verba D. Lambinus meo iudicio veriùs interpretatur, cor trepidare, quòd cor saliat ob metum; quàm A. Turnebus exponat cor geltire, quod fit ob lætitiàm. Quamquam & hoc Lambinus alibi ingenio. è dixisset, cum tam ob lætitiàm, & spem, quàm ob timorem, & desperationem cor palpitare animaduertatur. Verum ego in neutrius explicatione acquiesco, & Physicam huiusce effecti causam indagare cupio. Quod cum à me ipso non audeam iuxta, ac nequam facere, te eximium nostro sæculo indagatorem, ac venatorem natura mihi in subsidium, ac potius in præsidium aduoco. A qui du-  
 ctu



tu, & auspicio tuo, ad id agredior explicandum. Cor igitur exi-  
 stimo palpitare, siue ut Lambinus ait trepidare, siue ut Turne-  
 bus gestire: siue denique ut Plautinus ipse Euclio, artem ludicram  
 facere motus cuiusdam causa per animi Pathemata concitati. Ete-  
 nim vnus de cæteris animantibus homo metu, ac speræ futura mo-  
 uetur: atq; ut Peripateticorum Princeps statuit, in ipso corde fons est,  
 ac principium mouendi. Nemini autem dubium est, quin animi af-  
 fectus per quarundam partium corporis affectiones, quasi per indices,  
 manifestentur. Ego quidem D. E. R. I. C. Sed hæc tamen, cum à  
 Philosophis petita videantur, atque ipse in Philologorum castris tan-  
 tùm verser, ac meream, nec rata, nec firma esse volo, si minùs te assera-  
 torem habuero huius sententiæ meæ. Vale Æsculapi ætatis nostræ  
 Ticino Regio.

HIERONYMVS BOSSIVS

LVDOVICO ACERBO.

Regio Mediolani SENATORI,

S. P. D.

Epist. 53. Mediolanum.

Observantiam erga te meam singularem, quam declarare nullo  
 modo possum, significare quidem abhinc annos quàm plurimos.  
 Et in dies magis, ac magis cupio. Sed nullam Ostenda mihi oppor-  
 tunitatem, qua id commodè facerem, ante hunc diem ostendit. Quæ  
 tamen cum nunc temporis ab ipso mihi Thæbo, & Musis oblata sit,  
 hanc ipse ut libens amplector, ita avidissimè arripio. Scripsi igitur  
 de Latroclauo opusculum, & quæ fuerit Romani Senatus Maiestas,  
 ac dignitas in isto explicauit: cum Romano SENATVM etiam  
 contuli MEDIOLANENSEM, vtraque illi certè si quid ego in-  
 dico, supparem. Te verò cum cæteris Patribus in Amplissimo isto or-  
 dine Conscriptis nominavi & honoris ergò, & obseruantia Itaque om-  
 nino inconsultè, & imprudenter factum arbitrari si quod publicè in-  
 publi.

H



publicum emisso libro, omnes iam norunt, id ego paterer, ut unus ipse ignorares, qui omnium primus, aut quidem certe cum primis istud ipsum scire debueras. Nunc profecto, Senator Amplissime, opusculum ad te do Latitauimus, ut aequè perpetuum, ac sincerum habeas eius monumentum voluntatis, quā de fero tibi ex bono, & interiore animo studiosissimam tui. Vale. Ticino Regio.

HIERONYMVS BOSSIVS  
FEDERICO BORROMÆO.

Mediolanensium Archiep. & S.R.E. CARDINALI,

S. P. D. Epist. 54. Aronam.

N<sup>U</sup>lla fortasse in homines frequentius peccant, quàm in muneribus deferendis. Cuius erroris causam hanc esse puto, quòd ferè remò, ut nunc t. merè, & inconsulte viuitur,

Re. Idem personæ scit conuenientia cuique;

Quis enim vel tantillum consideratus litterato viro Martis frameam, aut contra militi, & bellatori Lyræ daret Apollinis? Ego quidem licet in omni re alia parum iudicio valeam, in hoc tamen genere, præfiscari dixerim, & antea valde semper, & nunc quàm maximè, illud studeo, ut ne munus afferam alicui, sine delectu; ut ne inquam mihi ipsi eam gratiam, quam donando quero, imprudens extinguam, aut quidem certè debilitem. Ex quo factum, Cardinalis amplissime, ut qui nihil habeo te dignum Principe litteratissimo, non ego ad te audeam de meo quicquam transmittere. Cum igitur IULIUS CÆSAR MADIUS, V. in iure, ac legibus haud parum versatus, ac tu, maximi nominis magnus cultor, opusculum de Sacris Ordinibus, doctum sanè, & eruditum, ediderit ad te dono mittendum putavi, ut te alienis munerer, qui meis non possum. Qua in sententia illud me singulariter, nec mediocriter confirmauit, quòd is quatio quoque versu ad suas assertiones confirmandas auctoritatem suscipiat.

CL.



CL. I. C. Marij Antonini tui. In cuius ego laudes non ibo, cum nec sit hic locus, nec tu ignores, quàm praeclarè prudentia sua, & multarum rerum scientia Vicariam tibi operam naui in Archiepiscopij administratione. Quia, verò, ut ad rem redeam, istud ipsum, quo te muneror, de re sacra est, non te rogabo Virum è Sacro Purpuratorum ordine cum paucis eximium, ut librum vel excipias libenter, vel diligenter legas. Cum præcipuè ea tua sit humanitas, nihil ut respuat, quod ab animo tibi dedito, proficiat: ea doctrina, ut ad nullam rem aliam, quàm ad legendum, tua spontè feraris ardentius. Vale Princeps amplissime, vale litterarum, & litteratorum in Italia Mæcenaz. Hæc scripsi in Musæo ad S. Caroli imaginem, quæ inter cæteras indigetum, ac VV. illustrium tabulas, sic à me posita est, ut totus iste locus illustrari non nisi ab Vno Carolo videatur. Ticino,

HIERONYMVS BOSSIVS  
ALEXANDRO GRASSO.

Regio Ordinariorum Redituum QVÆSTORI,

S. P. D. Epist. 55. Mediolanum.

Vix credas, optime, ac præstantissime GRASSE, quàm agrè tulerit BARTHOLOMÆVS PISONVS, Atrææ, ac Themidis delictum, quod prius de tuo discessu, quàm de aduentu ad hanc Urbem nostram, monitus fuerit. Mirificè enim te ille discupiebat adire, te salutare. Apud quem in foro commodum eram, cum amplissimui Senator LETZALDVVS ex suburbana villula in Urbem redijt. Cui quidem de rheda desilienti opera dedita, ac studio adfui, ut quanta cum humanitate, ac quanto eundem etiam visendi cum desiderio, ad prætorium Veneras significarem. Itaque salutationem tuam illam, ut cum Iureconsultis loquar, fiduciariam, quam apud me quodam modo deposueras, homini Bona fide reddidi.

H 2 AC



ac officiosissime. Quam profecto salutationem, ut hilari, ac perius  
cunda fronte excepit, ita in hisce litteris à me tibi redditam cupit suo  
nomine cum usura, & anatocismo. Quo in genere noli operam  
meam vel tantillum desiderari, Eaque re diligentiae laudem non  
elegancia scriptionis, sed ipsa officij celeritate secutus omnino sum.  
Etenim statim post salutatum ipsum Senatorem hac ad te currenti  
calamo exaravi. Tu vale, & vive maxima illi Laticlavie digni-  
tati, quam tibi deferendam ut auguror, ita doneo. Ticino.

---

HIERONYMVS BOSSIVS  
HIERONYMO PRÆTO.

Bononiensi Poetæ, & IURISCONSULTO,

S. P. D.

Epist. 56. Romam.

**N**on sum nescius officiorum, quæ tu, præstantissime PRÆTE,  
istic Romæ executus es. De omnibus namque erudiuit me ad  
unguem per litteras GASPAR SALVIANVS meus; Qui  
quidem non ea magis scripsit, quæ fecisti, quam te ipsum studio om-  
ni, & auctoritate pressantem descripsit. Itaque si antea plurimum  
non te dilexisssem virtute tua, addo etiam amicitia MASSINII  
mei hoc unum me facile impelleret, ut te cum paucis medullitis ama-  
rem. Tantas certe gratias me tibi debere profiteor, ut planè ingratis  
omnibus vivere mihi viderer, si minus eas voluntate, & animo  
haberem, quas referre nullo modo possum; agere autem vix possum.  
Tu fac valeas. Rapiam Ticino Regio.

---

HIERONYMVS BOSSIVS  
TRVSSO TRVSSIO.

Regio Mediolani SENATORI,

S. P. D.

Epist. 57. Mediolani.

**N**on me fugit, Senator Amplissime, quam ingenio, & libe-  
rali otio intervalla negotiorum dispungas Historias scilicet  
legis,



# SELECTARVM EPIST. CENTVRIA

61

legis, nec scripta negligis Philosophica, ac Philologa in primis lectio-  
ne delectaris. Ex his autem non minus, quam ex iuris, & legum stu-  
dio Prudentiam illam Senatoriam, qua egregie adeo ab omni son-  
tum vi, ac dolo,

----- tabulas peccare vetantes,  
Quas bis quinque viri sanxerunt,  
tueri ipsi, ac fartas testas reddere solitum est. Quoniam Vero Quo-  
ritum Virtus, duce præcipue gloria annorum matre, omnium gen-  
tium famam, ac facta superavit, hoc uno te tua oia arbitror oble-  
tare, &

Ignora æternæ ne sint tibi tempora Romæ.  
Quod cum verissimum mihi persuadeam, nihil certe opportunius à  
me tibi in signum observantia erga te meæ deferri potest, quam hoc  
ipsum, quod cum hisce coniunctum litteris accipies, de Lactantio  
opusculum meum. In quo lectitando non solum quæ, & quanta suc-  
cini Romani Senatus decora, & ornamenta recognoscas, de ijs optimè  
historiarum lectione edoctus, sed quam ad unguem etiam vos am-  
plissimi Mediolani Senatores, ubi imaginem referatis, facillime  
agnoscas. Interim vale.

HIERONYMVS BOSSIVS

OCTAVIANO PICENARDO.

I. C. Equiti, Comiti, & Primario ANTECESSORI,

S. P. D. Epist. 58. Ticini.

Graviter quidem, sed animo rament amico V. amicissimus, CO-  
SMVS ZERBIVS, percussit me, verius dicam ipse mihi  
ad hominis verba sumur percussit, & frontem ferit. Etenim signifi-  
cavit te nullas adhuc de Lactantio observationes meas accepisse Quid  
hoc est? illas cerè ad te ego misi abhinc mensem, sed mastigia, & vi-  
deo, non reddidit, cui dedi. Ne huius igitur culpa in me, mea nulla  
culpa



culpa transferatur, amissis ijs prioribus, exemplum ad te alterum mis-  
 so cum hac coniunctum epistola. Quam quidem non veritus sum tu-  
 muluarijs verbis exarare, ut in ipso Styli contemptu, meam facile  
 agnoscas contra istum trifurem, ut cum Plauto dicam, verberabi-  
 lissimum indignationem. Qui quidem, cum meas litteras passus sit  
 perire, dignus est, ut in penam siue culpe, siue negligentia, litteram  
 vnam ex se longam faciat. Tu interim fac valeas, & me in  
 primis redames ex corde amantem, ac eternum, & perpetuo amatu-  
 rum. Rapiam ex edibus.

HIERONYMVS BOSSIVS  
**FABRITIO LANDRIANO.**

Ticinensium EPISCOPO,

S. P. D. Epist. 59. Romam.

**E**iuscemodi quidem est, vir Amplissime **FABRICI LAN-**  
**DRIANE**, Episcopi Ticinensis Sacerdotium, ut cum ip-  
 sis facile possit Archiepiscopis conferri. Etenim siue Pallij vsu, &  
 dignitas, siue merum, ac mistum in suos imperium, attendamus, par  
 ornamentum, nec dissimilem, ut legum vox est, in is d. Etionem, esse  
 opinor videmus. Quod si Episcopos isti ad sua iura non nunquam  
 capessenda cogere suo iure possunt; nostra quoque Urbis Pontifici  
 tanta est Diocesis ampliudo, ut in Conciliorum consessibus eam ha-  
 beat. Sacrorum Praesulum coronam, qua potius quidem re ipsa Ar-  
 chiepiscopus esse, quam huius tantum speciem occupare, videatur.  
 Quamobrem Cives mei Ticinenses toto isto inter-pontificij, tem-  
 pore sunt Deum venerati, ut huius Ecclesiae administrationem vel-  
 let demandari non nisi sapientissimo, & optimo Viro, qui nullius cu-  
 iusquam censuræ obnoxius, famam simul, & conscientiam sua sponte  
 vereretur; quique, abstinendo vitijs, ut Insulatum Principem de-  
 cet, ad virtutem, hoc est ad proprium hominis bonum, exemplis  
 alios



SELECTARVM EPIST. CENTVRIA. 63

alios inuitaret, & verbis adhortaretur: ac imperio etiam, ipse ab omni culpa vacuus, sine reprehensione coerceret. Id autem sui ex animi sententia sibi datum intellexerunt, cum te nostræ Urbis Episcopum renuntiatum fuisse, ad nos Roma nuncius allatus est. Ea enim te omnia ex amissis optime facturum, nemo est ad vnum, qui sibi ipse non polliceatur. Præsertim cum animo, & cogitatione hoc reputet, quod Maximo Pontificum, PAVLOV, ac Illustrissimo in primis Cardinali BVRGHESIO, multis antea, magnisq; in rebus, te sic probaueris, ut ab ijs tantæ viri integritatis, prudentiæ, ac doctrinæ, fueris iudicatus, qui Episcopi, sanè grauem in hac Ciuitate, personam sustinere posses. Atqui, ut ait Cassiodorus, non est maius meritum, quàm gratiam inuenisse regnantium. Nam quibus fas est, de cunctis optimos quærere, videntur semper meritos elegisse. Itaq; audiuero tibi delati Episcopatus, Cives omnes, quotquot Felicitè cupiunt Reipublicæ Ticinensi, summis lætitijs incesse. Sed tunc præcipuè adclamauerunt illud ipsum,   
populus quod clamat Osyri

Inuento,   
cum te audiuero constantis aetatis esse hominem, ut ad multos annis sis, CVM DEO BENEVOLENTE, perennaturus. Ut autem suas lætitijs, suaque gaudia in hoc, quod Plautus inquit, sine radio cumulata declarent, iam Flammæ cogitant Auspicales, & Arcus in Triumphi modum adornatos, meditantur. Ego tamen, Amplissime LANDRIANE, moræ omnis impatiens, dum ea nomine ciuium munus parantur, singulariter istam per litteras tibi tuam gratulor dignitatem. Qua profectò, Sancum fidium testor, & priuatim lætatur sum, quia Antistites tui similes, qui pauci admodum sunt, cum paucis obseruo: & publicè etiam gestij, quia communibus patriæ bonis iuxta perfruor, ac priuè meis. Vtraque certè causa. Deum O. M. obsecro verbis Plinij, ut omnia, quæ facis, queque facies, prosperè cedant tibi, reipub. nobis: vel si breuiùs sit optandum, ut vai tibi: in quo respub & nos sumus. Vale, V. A.   
& sic Beniuolentiæ Tux Genio me fove, Clientem tuum religionis



ligionis causa Fiduciarium, ut lubens merito ipse tibi me ipsum,  
ac mea omnia aeternum Dico, Aeternum Voueo. Ticino Regio, Pri-  
die Idus Iunias.

HIERONYMVS BOSSIVS

HIERON. PARAVICINO.

Regio Mediolani SENATORI,

S. P. D. Epist. 60. Mediolanum.

**V**Tu in primis, Senator amplissime, intelligas, quam feliciter  
omnia CORNAZZANO cefferint, hanc ad te mitto Pa-  
negyricum. Etenim suas de iure, ac legibus Quaestiones, quas Ex-  
cellensissimo Senatui deditavit, in alteram partem dicentibus pro-  
pugnans, cum maximo omnium plausu, & admiratione ipso triduo pu-  
blice dissoluit. Eaque re fuit omnino dignus, quem nostrae Acade-  
miae Antecessores nullo facto, de more, priuatum periculo de eius  
doctrina, & eruditione, iuris consultum renunciant. Et quoniam  
tunc temporis comitiorum Aula patuit promiscue omnibus, ad eam  
actionem ordines fieri omnes concurrerunt nostrae Ciuitatis. Nec ve-  
ro in tanta frequentia defuerunt, qui homini Epinicion canerent.  
Vt ne tamen eiusmodi celebritas esset tantum temporaria; qua mul-  
ti plaudentes adclamarunt per Symbola, ego vni collegi, ac in vnum  
etiam, ut vides, libellum coegi ad perpetuitatem. Vale. Senator am-  
plissime, nostri saeculi delictum. Ticino Regio.

HIERONYMVS BOSSIVS

POMPEIO CORNAZZANO.

Parmensium EPISCOPO,

S. P. D. Epist. 61. Mediolanum.

**N**atura ipsa comparatum scio, amplissime Parmensium Pontifex,  
ut quos amemus, eorumdem quoque laudes & audiamus, &  
lega-



SELECTARVM EPIST. CENTVRIA. 69

degamus cum voluptate? Quamobrem libellum istum, qui totus est de summa spei optimo ingenio, ac iudicio adolescere IO. ANGELO tuo, eo fidentiùs ad te mitto, quo certior sum de beneuolentia, qua fratris filium medullitùs complecteris. Nec ipsum verò argumentum non mihi persuasit, ut præsens præsenti tibi opusculum ego redderem potius, quàm per nuncios perferendum curarem. Tantum cerè disuaserunt, quæ me meam præter opinionem oppressere, multa, ac magnæ occupationes. Itaque nunc ad te hæc litteras do meæ mentis interpres, & meæ etiam præsentiæ quasi vicarias: id quod sanè facio ut minime voluntarius, ita maxime iunctus. Etenim sperabam & meum studium in fratris filium, & erga te ipsum obseruantiam, me copiosius solo ad spectu declaraturum, quàm ut sexcentis litteris bene longis significare possim. Tu fac valeas atque ad eos honores diue, qui tuis meritis debentur, qui à metibi optantur, propediem deferendi. Ticino Regio.

HIERONYMVS BOSSIUS  
NICOLAO LEYZALDO.

Regio Mediolani SENATORI,

S. P. D. Epist. 53. Mediolanum.

Scandebat roseo medij fastigia cœli.

Luna Virgo, totis vbi somnus interior alis

Defluit in terras, mediumq; amplectitur orbem,

cum in Ardizoniana delitescerem officina ad typos cum manu scribi pro recensendos. Parum cerè abfuit, quin omnino desperarem me tibi posse absolutum opus in præscriptum diem curare. Quamobrem Edictorum, Rescriptorumq; exempla nihil exornata stylo, sed adhuc potius, ut vides, typographico humefacta atramento, ad te, Senator amplissime, nunc mitto. Porro autem fuit ita faciendum, ne Petiem sequentes ipsa vsus priuaremur opportunitate. Quod si sp-



66 HIERONYMI BOSSII TICINENSIS

*ium ad expoliendum fuisset, ea profecto Sotiorum pumice monda-  
ri, ut maxime voluissem, ita curassem diligentissime. Tu cura ut  
valeas, & me, ut cepisti amare perge. Quod ut facias, rogo te & per  
Musas ANTONII tui mei, et per genium ac salutem LAVREN-  
TII pariter tui. Ticino Regio.*

HIERONYMVS BOSSIVS  
DIDACO MILLIANO.

I. C., & Seguntino Primario ANTECESSORI,

S. P. D. Epist. 64. Ticini.

**V**eniant ad te, quae promisi, Schediasmata mea: Et tantum cer-  
te decernit, quia promisi. Aique refugiebat animus, ac re-  
bat ista mittere: adeo ingenium suspicis, & iudicium veretur tuum.  
Etenim ego optime noui, quod tam acriter, scienterque ab Eloquen-  
tia de Mansuetioribus Musis, quam à turis prudentia de Seue-  
rioribus studiis & censeas, & pronunties. Non poterunt autem meae  
scriptiones, DIDACE praestantissime, non poterunt tantam ferre  
censuram. Sed una tamen ratione tu facile potes efficere, ut non me  
peniteat pollicitationis, nec missionis meae, si quae Amici sunt; ami-  
ci legeris. Vale. LUDOVICUM VISMARIUM Iure con-  
sulum doctrina eximium eximie salutatum cupio. Ex adibus.

HIERONYMVS BOSSIVS  
ALEXANDRO LODOVISIO,

Archiepiscopo Bononiensi, & S. R. E. CARDINALI,

S. P. D. Epist. 65. Mediolanum.

**N**ihil unquam IO. ANGELO CORNAZZANO meo ac-  
cidit iniucundius, quam quod, Cardinalis Amplissime, pro-  
ximis



Amis superioribus diebus Ticino absueris: nec mihi diciſſim quicquam ingratus, quàm quòd ego non eſſe iſtic nunc poſſem Mediolani. Etenim ille, qui iriduo de legibus publicè diſputauit, & iuris etiam coſultus fuit renūtiatus, tuo in primis ad ſpectu plurimùm ſuas illas actiones honeſtari diſcupiebat, ac ſimul, tua fieri humanitate, ſperabat. Ipſe autem quotidie magis, ac magis cupio togata ſalim opera, quando nulla alia re poſſum, me tibi gratum de eo officio præſtare, quo paucis ab hinc menſibus per litteras mea cauſa apud Præſidem SQVARCIAFICVM perfunctus es. Quoniam tamen utrique noſtrum id quod maximè in votis erat, auerſa Rhamnusia ereptum fuit; ille ſuarum Quæſtionum exempla tibi dedit, & ego nunc Panegyrim ad eundem mitto, ut noſmet ipſos quoquo modo licet conſolemur, ſi libes volens oblata acceperis, in abſentia tua. Quæ quidem dix credas quantum non me ſolùm, ſed vniuerſam Ticinenſium etiã ciuitatem officiat. Ita Velis Italici belli lano per te clauſo, & pace feliciter conſtituta, prius, quàm ad tuos Bononienses reuertari, meorum ciuium vultus, & pectora minimùm ſemel exhilarare conſpectu tuo. Interim det tibi Deus quæ vis, quæq; mereris. Ticino Regio.

HIERONYMVS BOSSIVS  
IO. BAPTISTÆ TROTTO.  
Regio Mediolani SENATORI,  
S. P. D. Epist. 66. Mediolanum.

NOuit profeſſo Perſica, quantiſ laboribus, ſudoribusque, obſervationes hæſce meas Nouas antiquas ad Umbilicum perduxerim. Sed me tamen ſatis amplum feciſſe arbitror operæ prætium, quòd occasionem afferant tui li teris compellandi, ac mei etiam, qualiſcumque ſim, tibi eidem indicandi. Porro cùm de Patrum Cōloquantur inſigni, vnu præcipuè tuo iure iſtarum exemplum expoſcere



*scere videbaris, qui singulare ipsius Ordinis decus es, & ornamentum amplissimi. Hinc igitur ego, qui ad te dudum scripturio, argumentum epistolae sumpsi contexenda: Verius dicam exaranda. Quae quidem libens merito & opusculum donatum, & me ipsum tibi, sapientiss. Senator, dicatum venio. Tu fac valeas.*

HIERONYMVS BOSSIVS

CAROLO MADRVTIO.

Tridentinorum Episcopo, &amp; S. R. E. CARDINALI,

S. P. D. Epist. 67. Tridentum.

**N**on me fugit, Cardinalis Amplissime, quae tuorum sit meritorum cum magnitudo, tum multitudo. Non enim solum inter praecipuos huius seculi Heroas adscriberis, quae CARDINALIS; sed quae etiam e genere natus es MADRVTIANA, itaque in tuas laudes non ita facile quisquam iret pro dignitate. Ego profecto vel earum minimam partem me dicendo complecti posse non sperarem, si mihi, ut ille ait.

----- cunctos Helicon indulgeat amnes,

Et superet Pymphaea sitim.

Porro autem pauculos versus, quos eximij oratoris, & Theologi, CLEMENTIS VALENTII operi tibi dicato praefixos videbis, non magis à me scriptos existimabis, ut te, Cardinalis Amplissime, laudarem, quam ut me tibi indicarem, cultorem MADRVTIANI nominis studiosissimum, Vale. Ticino Regio.

HIERONYMVS BOSSIVS

IO. BAPT. VICECOMITI.

Regio Mediolani SENATORI,

S. P. D. Epist. 68. Mediolanum.

**V**nus tu mihi, Senator Ampliss. fuisti auctor consilij, quo cōmetas simul, ac commonitus, ad opusculum de Latoclauro conscribendis  
animum



animum ipse appulerim meum. Ea quæ Calpar primiciarum editionis tibi ipsi omnino debebatur. Cum eas præsertim, dum hac Ticino pertransires in Laumelinum agrum proficiscens, ad te ego datum promiserim. Sed tanta me vis morbi cepit, ut memoriam pene rerum omnium extinxerit: & consequenter libelli istius mittendi attulerit obliuionem. Atqui per ipsos quattuor menses viuo videntique mihi funus ducebatur, & ad instar Pliniani Messallæ eram factus mei nominis Amnimonis. Nunc igitur, salute nonnihil respiciete me, fidem meam libero, & promissionis memor, quod tibi recepi, tandem persoluo. Tu verò fac quæso & me absoluas tarditatis, & hoc ut verbo sacrificorum utar, inferium vinum qualecumque sit, libens accipias in signum obseruantia erga te mea. Vale Ticino Regio.

HIERONYMVS BOSSIVS  
PRINCIVALLI MONTIO.

Regio. Ord. Reddit. QVÆSTORI,

S. P. D. Epist. 69. Mediolanum.

NVllus aq̃ uel n̄ s̄ iure consultus renunciatur, ut optimè nosti, sine publica, sed tamen temporaria, alicuius oratoris laudatione. Eternam alicuius poetarum Panegyrim, quæ typis committatur, per pauciores merentur, aut non ita quidē certè multi consequuntur. Bonum factū igitur, quod non nullo abhinc mēse CÆSAR & M. ANTONIVS tui, Suada, Musarum, & A Brææ corculi, quia meruerint, fuerint consecuti: & quia consecuti fuerint meruisse ab omnibus fuerint etiam iudicati. Id quod repetere Bona Fide nos quidem possumus in eiusdem adolescentis, nostræ Urbis patritij commendationem, qui suarū de iure, ac legibus quaestionem ad te non ita pridem exemplum pertulit. Quod cum non ingratum tibi accidisse intellexerim, nec vicissim in iucundam fore tibi arbitror missionem Panegyrici, quem eidem à multis per Symbola dictum, atque à me uno editum, nunc ad te mitto. Vale. Ticino Regio.

HIE.



HIERONYMVS BOSSIVS  
**IVLIO ARESIO.**

Regio à Secretis Consiliario, & Senatus PRÆSIDI,

S. P. D. Epist. 70. Mediolanum.

**F**rensisbus quotidie magis occupationibus obruor potius, quàm pre-  
 mor. Nec his quidem festorum dierum vacationibus mihi licet  
 tantisper vacare, & respuem. Itaque de eo, quòd me isthuc vocas  
 Mediolanum, in tuis adibus verè præsidarijs hospitem futurum, ut  
 accipere gratias facile possum, ita nullo modo possum condicere. Vbi  
 primum tamen dabitur aliquid otij, isthuc transcurram: ad te aduo-  
 labo. Etenim nihil mihi longius est, quàm ut tuo ipsius perfuar con-  
 spectu. Quo quidem quia iam dudum careo, vitam planè, ut græci  
 dicunt, Autoton dego. Augetur autem meum isthuc præficiendi de-  
 siderium altero desiderio, quoniam quantum cupio, BARTHO-  
 LOMÆ filij optimè parizantis Musas, ac eius delicias ingenij re-  
 gustare. Quas quidem me scio regustaturum cum admiratione. In-  
 terim verò maximus iste Heros GOMEZ SVAREZ FRIGVE-  
 RA, Dux Ferie, suam tibi cum gratijs volentibus gratiam  
 conferuet: tu mihi tuam. Ticino Regio.

HIERONYMVS BOSSIVS  
**A LOYSIO MELTIO.**

Regio Mediolani SENATORI,

S. P. D. Epist. 71. Mediolanum.

**T**anilatitium hoc est, Senator Amplissime, ut qui in suprema  
 aliene Præture tempestate apud nos Ticinenses Censorio mune-  
 re funguntur, ijdem mox prætores ipsis noui anni calendis declaren-  
 tur.



SELECTARVM EPIST. CENTVRIA: 71

tur. Ea re non possum tibi gratulari, quòd huc propediem Censor de-  
 turus sis quin illud alterum magis, ac magis later, te duos venientes  
 annos esse moderaturum civitatem hanc nostram prudentia tua. Iam  
 que mihi videor videre, ut ciues mei, te Praetore, biennium agant  
 beatissimum: ac ea in primis felicitate perfruantur, quam in sua  
 Repub. summus ille philosophorum miserè nimis desideravit. Nec  
 verò quisquam hæc à me dicta putabit amoris potius præiudicio quo-  
 dam, quàm mentis iudicio; cum nemo ad unum nesciat hominem  
 esse te is moribus, ea vitæ integritate, eaq; animi prædium modera-  
 tione, ut non urbem modo unam, sed regna ipsa exemplo æque, atque  
 imperio posses in officio continere. Quamquam ea sunt Ticinensium  
 ingenia ut (præfiscini hoc dixero de popularibus meis) exemplo ma-  
 gis indigeant, & moveantur, quàm hoc alio posteriore. Neque tam-  
 tum profecto suum verentur prætorem quòd ius habeat, si quid in le-  
 ges, & plebiscita commiserint, in se animaduertiendi, quantum eun-  
 dem, si fuerit ipse vir edecumata probitatis, hoc est tui similis, de-  
 nerantur. Cum igitur hi mecum omnes præsumpto gaudio, te censo-  
 re designato, gaudeant, illud te summis precibus rogatum velim,  
 ut, maturato quantum maximè potes aduentu tuo, hanc nobis liti-  
 tiam solidam, ac quodam modo præsentem facias. Vale, Ticino Re-  
 gio 6. Kal. Decembreis.

HIERONYMVS BOSSIVS  
 GASPERI SALVIANO

V. A. Academico HUMORISTÆ,

S. P. D.

Epist. 72. Roman.

Tandem post bimestre intervallum unas à te litteras accepi.  
 Benefactum, quod cum auctario. Fastidia scilicet tam diu-  
 turni silentij deuorabo, dum vorabo lectione librum, quem misisti  
 cum epistola, clarissimi viri LEANDRI tui. De cuius poemata-  
 346



ius hebruscelingua scriptis, quid ego sentiam, quid conseam, nihil in  
 praesentia dico, abunde satis, & latine, hoc est sine furo, & fallacijs,  
 more maiorum scripturus cum ea perlegero. Non enim antea solet  
 pronuciari, quam optime de causa cognitum sit. Nunc autem, Verè  
 dicam mihi maxime occupato non libet, ac potius summa religio, est,  
 tanti viri monumenta, non vacuo animo peruolutare. Vbi tamen pri-  
 mum aliquid otij nactus fuero, ad id me conferam conficiendum, quod  
 tu me rogas, & ego ingenij precipue causa validissime cupio. Atroxq;  
 litteras ad hominem dabo, non minus ingenium eius, & doctrinam lau-  
 dantes, quam meam erga eundem proficentes beneuolentiam. Sed de  
 re mea scriptoria, quid istic agitur? quid speratur? ad Cardinales,  
 ad Episcopum scripsi, ad te etiam exempla omnium litterarum misi,  
 neque illum, aut ab illis, aut à te ipso adhuc mihi offertur responsum.  
 Quid hoc est? Habeo certè non pauca, quae in hunc sensum essent di-  
 cenda si non meam scriptionem, ut praelia solet, non dirimeret. Tu  
 igitur fac valeas, Ticino Regio.

HIERONYMVS BOSSIUS  
 MATTHÆO CAYRASCO

MALDONATO, Regio Mediolani SENATORI,

S. P. D. Epist. 73. Cremonam.

**P**urimum sanè Prætorium munus, quo apud Cremonenses perfun-  
 geris, Senatoria honestatur dignitate. Hæc autem contrà nec  
 paucis, nec paruis occupationum, & curarum, ut Plautus diceret,  
 siue plaustris, siue thesauris ab ipsa oneratur Prætura. Itaque  
 meæ de Senatorum Laetolano observationes, quarum exempla ad  
 ceteros collegas tuos dedi, tibi etiam, amplissime MALDONA-  
 TE, dono debentur, cum sis Senator, & eidem subtimidè mittun-  
 tur, cum Prætor in ista Ciuitate

tot sustineas, & tanta negotia solus.

à quibus



à quibus mehercule sine publico nō modo auocari haud potes. Quamquam non ea est mearum obseruationum moles, ut in harum l. Etione sint ipsi dies insumendi. Atqui libro complectuntur, ut de re tanta, breuissimo: & eo quique longè breuiori occupatis futuro, quod in decem, & nouem Syntagma a, quorum non nulla vix vnam paginam complent, tributus sit. Poteris tu quidem per intervalla horis tantum subsecuis librum meum percuriendum sumere; & modò deponere quasi finientem, modò quasi iterum incipientem resumere. Caterum faxit Deus, ut te virum Bono Republica natum ad multos annos velut perennare. Ticino Regio Idibus Iulij.

HIERONYMVS BOSSIVS

IO. BAPTISTÆ RESTÆ.

V. A. Prolite, &amp; Academico AFFIDATO,

S. T. D. Epist. 73. In eius Nouillianæ.

Cum duo ipsi menses abierint, ex quo in Nouillianum tuum, de hilaribus Hilaria celebrares, ab oculis ciuium concessisti; possent ego quidem cum Horatio dicere:

Ruris amatorem RESTAM saluere iubemus

Vrbis amatores, hac in re scilicet vna

Multum dissimiles, ad cætera penè gemelli.

Atqui vereor, ne tantam ex isto rure tuo percipias voluptatem, ut non vrbis solum, sed BOSSII etiam tui, obliuione capiaris. Cuius mihi suspicionis causam non mediocrem affert istud diuturnum silentium tuum. Antea enim vix biduo desiderari patiaris, quin litteras ad nos mitteres benè longas, & lumen nubilitas non minus ingenij, & iudicij, quàm amoris, & beneuolentiæ. Itaque si me diligis, atque adeò, mi RESTA, quia me cum paucis amas, redeundo, efficies, ut eam potius in alia omnia, quàm ut id credam, quod adhuc, leniter tamen, suspicatus sum. Veni, inquit? perplacet te ita dicere, sed ego tamen cum Plautina Gymnasio tibi occino.

— spissum istud amanti est verbum, veniam, nisi venias.  
Vale Ticino Regio. XVI. Kalendas Septembreis.

K

HIE.



HIERONYMVS BOSSIVS  
ALOYSIO CAGNOLIO.

V. A. è Societate IESV,

S. P. D. Epist. 74. In Braydense collegiū.

**M** Alè narro, Cagnoli optime: noua mihi exorta sunt malorum Illiades. Quae me quidem omninò auocant à Musis, & ad maximum vocant mœrorem: adderem etiam, nisi aliquantum philosophari cum Seneca meo didicissem, ad lachrymas. Ne te tamen meum paucis amantem quarelis enecem meīs, abstinēbo tantas arumnas enarrare. Quas ne significatione quidem indicassem, si aliter potuissem apud te meam tarditatem in eo praestando excusare, ad quod ego fidem obligauī. Dum huius igitur liberanda otium mihi detur, in isto fac quaeso acquiescas, quòd de elogio promisso, quasi pecuniae debitionem constituam, meum nomen in tuis expensis tabulis iacere bona fide, optimoque iure profitear. Vale. Raptim ex aedibus.

HIERONYMVS BOSSIVS  
GASPERI SCIOPPIO.

V. C. Philologo, & Regio CONSILIARIO,

S. P. D. Epist. 75. Mantuan.

**G** Ermano tibi, CL. SCIOPPI, virum moribus, & eruditione sane elegantem, GEORGIVM VVALTHER satis ipse patriae charitas posset commendare: est enim Germanus. Sed nolui tamen hominem isthuc sine meis litteris venire; volui inquam ut qui eruditionis, & antiquitatis causa cognoscenda per Italiam peregrinatur, meo se tibi beneficio sisteret, in quo uno doctrina omnis, & antiquitas,



quitas. Præterquam quod discipiebam me ipsum apud te purgare, quod superioribus diebus cum hic esses Ticini, te non adiuverim: te non salutauerim. Prius enim de tuo reddito Mediolanum, quàm de aduentu ad hanc nostram Urbem ex DS. V. AQUILINO COPPINIO intellexi. Porro autem, qui te hic non potui cum MARINONO meo inuifere, & meum omne obsequium offerre, isthuc certè aduolasse cum CAMPEGIO si minus fontico morbo factus essem planè Clinicus. Quo meo in infortunio, hæc una me res consolatur, quod humanissimus, idemque optimus VALTHER in ipso amicitie tecum conciliandæ vestibulo, quanti ego te faciam, sit facile narraturus. Ex quo tu, nisi fallor, perspicies, quàm mihi iucundum accidisset præsentia tua vel ad horæ semissem potuisse frui. Vale seculi nostri Varro, ac Musarum decus, & præsidium singulare. Ticino Regio.

HIERONYMVS BOSSIVS

VALERIO CONFALLONERIO,

Regio Mediolani SENATORI,

S. P. D. Epist. 76. Mediolanum.

PRO virium mearum facultate, CONFALLONERI Amplissime, Regis beneficentiam sequor: quam imitari non possum. Is porò, qui te Senatorem creauit Latum Clauum dedii: ego autem, qui istam tibi dignitatem gratulor, ac benè, & feliciter euenire cupio, de Lato Clauo libellum mitto. Itaque non à Bossio minùs, quàm ab ipso Rege, fortiter dicam, munus habes Laticlavianum. Nec verò quicquam oportunius ad te posse mitti, aut quidem certè me posse mittere arbitratu sum. Quòd tamen hilari fronte accepisse te significabis, cum in tuam me fidem admittes, atq; accipies in clientelam. Pro cuius rei argumento, ac indicio auidissimè opperiar, ut tuis orner, ac honestè mandatis Vale V. A. maximo Senatui recens additum decus. Ticino.

K 2 HIE.



HIERONYMVS BOSSIVS  
IO. ANGELO CORNAZZANO,

L. C. è Ticinensi Collegio, & Ducheſſæ PRIORI,

S. P. D. Epist. 77. Romam.

**S**alutis augurium, quòd mihi in ipsius anni Vestibulo nuntias,  
Sic prorsum Sedens Capiò, ut longè tibi felicius euenire cupiam.  
Tua quidem causa nò minùs Perenne Auspicari mihi Videor, quàm  
qui Amnem, Aut Aquam, Quæ Ex Sacro Oritur, Auspicatò  
Transit. Literas autem, quas mihi ad Senatorem LEI ZAL-  
TVM dediſti, Bona fide reddidi. Ac istam in primis operam ti-  
bi industriè adco nauauì, ut planè literas homini exhibuerim, ex tuo  
ipsius præscripto, Venerabundus, & cum summa reſtificatione obser-  
uantie erga illum tue. Cuius tibi diligentie argumento eſſe facile po-  
teſt, Senatoris reſponſum, quod hiſce adiunctum ad te perferetur, Ete-  
nim præterquam quod humanitatis luminibus litum eſt, hoc ipſo die eſt  
etiã ſcriptum, quo tuas accepimus. Vale, & me ut facis, amare  
perge. Ticino Regio III. Non. Ianuarias.

HIERONYMVS BOSSIVS  
IO. FRANC. LANDRIANO,

Mediolani Senatui à SECRETIS,

S. P. D. Epist. 78. Mediolanum.

**F**actus sum tandem aliquando voti compos, LANDRIANE  
præſantiſſ. Ipſa enim abierunt ſæcula, ex quo me tibi indicare,

ac



ac meam vicissim erga te voluntatem declarare discipio: Nunc autem cum Astræa propitia oblata nobis occasio est, qua facile possum præteritarum temporum desideria crebris siue scripturionibus, siue allocutionibus compensare. Porro hæc Sparta mihi non ita pridem suscepta, qua Ticinensium quaestionum summas ad Sanctissimum Mediolani Senatum habeo transmittere, & nunc ansam præbet meum erga te studium, quod utinam amæbæum sit, declarandi, & olim etiam dabit sepius salutandi tui. Cum igitur Inarcus O. T. heic in ergastulis Atreus, ab amplissimo Ordine Laticlauii rescriptum tua ipsius manu signatum impetrarit; Statum causæ non per alium quempiam ex VI Viris collegis tuis, quàm per te, volui Patribus Conscriptis reddi. Itaq; unâ eademq; opera ad te mitto primitias & forensis meæ Themidis, & obseruantia erga te meæ. Hæc scripsi in Leyzaldie Musæ Cimiliarco. Ticino Regio XVI. Kalendas Decembreis: Vale vir humanitate, & prudentia eximie, ac præstantissime. Vale inquam, & me ama.

HIERONYMVS BOSSIVS

ANTONIO SERBELLONO.

V. A. &amp; COMITI,

S. P. D. Epist. 79. Mediolanum.

Valerij nostri oratio, quæ in funere habita fuit Præstantissimi Comitis IO. PETRI, fratris tui, sub prælo est typographico, ut excudatur: veriùs dicam, inibi est, ut excusa in manus hominũ esse incipiat. Quia verò tanti viri casus me affecit ut singulariter, ita vehementer



menter, nolui omnino scriptionem hominis in vulgus emitti, quin illi meum quoque de tuo fratre elogium adiungeretur, cum ad meam erga Serbellonum genus obseruantiam declarandam, tum ad eius Herois facta atque famam cum laude, & bonis recordationibus prosequendam. Elogij autem ad te exemplum antea, quam Valerij oratio tibi reddatur, mitendum esse ideo putavi, ut facilius mei carminis lectionem ipse sustineas. Id quod certe ad Oenopolarum facio imitationem, qui prius ab emptoribus diluta vina degustari volunt, quam remeta, ac vina mera, ne horum sapore captis nequeant villa istis postea obtrudere. Atqui tanta est VALERII suauitas in dicendo, ut & sui omen facile cognominis impleat, & spem mihi auferat penitus futurum, ut perfecta eius oratione, duritiem, & inficitias meorum carminum quisquam velit deuorare. Quamquam Vir amplissime, ANTONI SERBELLONE, eam esse tuam erga me voluntatem sepe, ac sepius multis in rebus perspexi, nihil ut à me proficiscatur, quin eo tibi saltem nomine probetur, quod meum sit. Vale Ticino.

HIERONYMVS BOSSIVS  
PAVLO BELLONIO.

Regio Mediolani SENATORI,

S. P. D. Epist 80. Mediolanum.

OMnibus profecto letitijs incesse, cum A V. IULIUM ARESIUM meum ex Quaestorum Praefide Senatus Principem renūciatum intellexi. Sed quo tamen tempore Senatorem te, praestantiss. BELLONI, ex Antecessore factum cognoui, gaudio planè exiliui. Atque adeo letitiae quodam morbo (non erubescam dicere ad meam erga te voluntatem declarandam) exiui pæne de potestate. Cui quidem cum alio fontico morbo, quo pæne

Victima nil miserantis Orci.

sum



sum factus, aduersa occurrit Higeia. Musò dictum, qui nullam omnino Higeiam agnosco; Supremus ille, siue rerum omnium moderator, siue modimperator mihi in tanta animi iucunditate, ut verbis utar Hispanorū egregiè adeò patronis fauentiū meū, haquerido Dios aguar el contentamiento: Ex quo fit, ut togata opera te deducere cum ceteris deductoribus, trabeatis illis quidem, & annullo aureo insignitis, ego unus non queam. Officiorum quidem, salutationumque intermissio, quæ à me cliente tibi antea præstabantur, nunc debentur, facile inditio esse potest, quod langueram, quod iaceam. Hoc autem ego, ne secum quicquam de me suspiceris, per meas tibi litteras significandum putavi, tu verò si me in præsentia tantum amas, quantum olim profectò amasti, non meam solum accipies excusationem, sed ipsam quoque excusationis causam dolebis, aduersam valetudinem meam. Quamquam si te tuam mihi gratiam conseruare intellexero, vel in maxima morbi vi, tua gratia fretum, me salute ipsa saniozem arbitror. Vale ex adibus.

HIERONIMVS BOSSIUS  
BARTHOLOMÆO PISONO;

I. C. apud Ticinenses Criminum IUDICI,

S. P. D. Epist. 67. Ticinum:

Difficilem, adeò, & ut verbis comici utar, incommodisticam viam, habui, ut non quidem cum Sole, sed vix cum prima face Mediolanum peruenirem. Sed cum tamen discendi, prius de tuis mandatis, quàm de me ipso, deq; cibo capiendo licet adhuc ieiunus cogitavi. Atqui statim ad elegantissimum Virum, POMPEIVM fratrem tuum, me contuli: quæ mihi credideras narraui: de Senatoris LEYZALDI aduentu hominem monui. Iamque illud quoque recensēbam, quod post me eras nuncium cum nonnullis scriptis missurus, cum ecce tibi, omni citius expectatione mea, IO. BAPTISTA



*STA* aduenit ea perferens cum literis tuis. Quibus visis ad præstantissimum Virum *L. aduolauit*, a quo id cerò mihi significatum fuit, quòd crastino die, *vi* omnino esse tibi in optatis cognosci, de Fratris causa Senatus habendus sit. Quidquid autem de ea pronunciatum fuerit, à me per alteram epistolam tibi ad vnguem perscribetur. Interim vale, & me, *ut* facis, amare perge. *PETRO FRANCISCO* tuo Phœbi delicio, Musas benè volentes, & propitias cupio. Hierum vale. Mediolano.

HIERONYMVS BOSSIVS  
IOANNI CAVALCHINIO.

*L. C.* Ticinensium apud Mediol. Gubernat. ORATORI,  
S. P. D. Epist. 82. Mediolanum.

**E**X eo cerò, *CAVALCHINI* præstantissime, quod iugi litterarum missione tantopere urgeas, *ut* Mediolanum proficiscar, Angularem tuam erga me humanitatem agnosco. Nec verò me isthuc tanto studio inuitares, nisi iura religiose, ac sanctissime coleres nostræ amicitia, quæ ab ætate ipsa prætextata initium traxit, ad supremam vitæ tempestatem duratura. Quo in genere non me unquam à cepariarum superari, qui omnibus tamen ceteris in rebus tibi vni concedo libentissime. Verum nihil, *ut* ad id redeam unde diuertimus, me scito de profectioe ista Mediolanensi adhuc cogitare, ne dum deliberare possem, cum nihil vicissim de re (tu quam dicam optime nosti) aut secundum expectationem meam, aut in alteram partem, statutum fuerit. Vnus scilicet ex huius Prouinciæ administratoribus, qui in nescio quo rusculo suosive casu siue dedita opera, delitesci, n causa est, quam obrem commia non habeatur. Sed ea tamen in valde longum tempus productum iri non arbitror. De quibus vix certi quicquam statuetur, cum te statim per litteras monebo, quid ego facturum sim Tu interim vale, & salue ab Antecessore Primario, *BELLONIO* tuo. Ticino Regio, HIE.



HIERONYMVS BOSSIVS

PETRO FRAN.<sup>CO</sup> CORIO

Regio Mediolani Senatori.

S. P. D. Epist. 83. Mediolanum

**F**elix sit, faustum sit, U. Ampliff. PETRE FRANCISCE  
CORIE: tandem aliquando multis, ac magnis meritis tuis Rha-  
musa cessit, perpetua alienæ laudis aduersaria. Quæ quidem non se-  
mel, aut iterum, sed sæpe, ac sæpius, dum Senatoriæ Nomenclaturæ  
ad Regem in Hispanias tuo in eis adscripto nomine transmitterentur,  
in spe, ac votis hominum illusu, istam tibi latitauit dignitatem au-  
gurantium Nunc verò eadem ut dicta succumbit, ita herbam in dū-  
ta porrigit Vincenti. Virtuti tuæ.

Quemadmodum itaq; .... altus olympi

Vertex, qui spatio ventos, hiemesq; reliquit,

Celsior exurgit pluuijs, auditq; ruentes

Sub pedibus nimbos, & cæca tonitrua calcat,

nunc tu potes tunica iure tuo exornatus plus quàm palmata triumphā-  
re. Quamobrem tibi vniuersa siue Ciuitas, siue prouincia Medi la-  
nensis tanquam Senatori, Optimo iure, & tanquam Victori to Tri-  
umphe, adclamat. Ego tamen singularis tuorum collegarum L E L-  
ZALDI, & BELLONI testificatione commonitus, quorum  
virumq; te iuris præsidio, ac legum tutela de Cælo delapsus prædi-  
care non semel audiui, de publica via deflecto, Atqui non Senatoriam  
tibi dignitatem gratulor, sed te potiùs & dignitatis, ac Reipublicæ.

Necerit, puto, qui meum hoc consilium non probet, cùm viri, & que  
Bono tu natus omninò videare. Cura ut valeas, ac me tuorum clien-  
tum Albone dedignare: id quod mēte animi veriùs, quàm ioga creta,  
Candidatus peto. Iterumque vale. Ticino Regio.

L

HIE-



HIRONYMVS BOSSIVS

## AVRELIO BVSSOLO

Philosopho, & Regio ac Ordinario Medicæ Praxis  
INTERPRETI.

S. P. D. Epist. 83. Ticinum.

**F**lgmentum Græci poetæ fuit, quod Phæbii Platonem, & Æscu-  
lapium genuerit, ut ille corporibus, hic animis moderetur. Mera  
hæc autem veritas est, quod siue aliqua morbi ut corpus, siue affectio-  
ne aliqua animus oblanguerit, tu mihi, quasi Plato Æsculapius quidā,  
utrumque mirifice in pristinam salutem, & hilaritatem restitueris.  
Etenim tanta mecum semper in allocutionibus usus es humanitate,  
ac Arte Sophorum, ut mentis omnem facillimè dolorem, mœroremq;  
fueris consolatus: tanto verò studio ad curationem incubuisti, utam de-  
mihi idem potueris semel atque iterum

ratione medendi

Porrigere, &amp; fatis amplificare moras.

Itaque sibi plurimum debeo tui Amico, quod amoris vicissitudine re-  
pendo: nec parum tui Medico, quod non regero, id perpetuò debiturus  
me tamen honorem, qui medicis habendus est, offerente; sed te illum  
ut ipse dicit Philij ac Phæbi causa recusante. Quibus ego te nomini-  
bus, & amo libens, & meritiò veneror, atque in primis, ut omnia fau-  
sta, & honorificentissima quæque accidant, exopto. Itaque vix cre-  
das, præstantissime BVSSOLE, quam sit gavisus opere, cum te  
in florentissima ista Ticinensi Academia ex ordinario Theoricæ Mo-  
dicæ doctore ordinarius Practicæ Interpretem fuisse renuntiarum in-  
tellexi. Sed illud non vulgariter meam auxilii lætitiā, quod D. S. V.  
IO. BAPTISTÆ SYLVATICI, Archisynedri cum in Italia,  
tum in Gallia, & Germania operibus. Clarissimi sis factus in isto

manere



munere collega Quod tibi dum gratulor, hoc mente, & animo conspre-  
 hensum habeo, quod, cum pro labore honoris tui honorem alterum ha-  
 bere merueris, honorifice admodum de illo priore sapientissimus Me-  
 diolani SENATVS se sensisse honoris secundi accessione declarauit.  
 Magnum sane de te, ac ita virtute iudicium, cuius causae amplissi-  
 mo huic ordini plurimum debes. Etenim honor, & ut Cassiodorus ait,  
 dignitas, dum ad incognitum venit, donum est, cum ad ex-  
 pectatum, compensatio meritorum, quorum alter debitor iu-  
 dicij, alter obnoxius est fauori. Nec vereor, quin aliquando etiā  
 longē plura ipsi SENATV debitas, cum pro tuorum meritorū magnitudo  
 diu nouis te honoram, atq; etiā praeiorum augmentis exornabis. Tu  
 certe diligenti, & industria, ac ipsis praecipue philiatris probata opera  
 tua efficias, ut re bene ac feliciter gesta alia tibi maximo isto mu-  
 nere longē maior Artis Medicae tradenda provincia deferatur. Interim  
 Vale Hae in Museo nostro exarant ad Agalma sedens Ioan. Petri  
 Imberti Medicorū in sui temporis facile Principis.

HIERONIMVS BOSSIVS

FERDINANDO QVINTANA

D V E G N A S

Regio Mediolani Senatori.

SPD. Epist 85.

Mediolanum.

**T**antum equidem Reipublica interest, ut ad eius administratio-  
 nem viri promoueantur, qui & abundant, & plurimum sapiant,  
 ut nihil magis utile, nihil aequè sit necessarium. Hoc autem quisquē  
 verum esse, uti verissimum est, persuasum habet, non potuit non ma-  
 nus sustollere, cum te Senatorem designatum audiret, qui ut Comi,  
 & Pluci, ita diuinijs flores Bona mentis, & ingenij. Ego quidem  
 Vialibus feci ut te sospitem ex Hispanijs in Italiam deducerent.  
 Quod cum re ipsa effectum tuum declarauit aduēus, omnino dum hac

L 2 Ticino



*Ticino pertransires proximis superioribus diebus, ad te ire, & honoris, & gratulationis causa discupiebam. Sed, quando per tuum mihi repentinum discesum id coram exequi non licuit, nunc saltem per litteras etiam tuum cum salute aduentum, & speratum ab ista dignitate commodum aequè tibi, ac Reipublicæ gratulor. Vale Ticino Regio. Hæc scripsi in Prætorij ædibus ampliss. Leyzaldi collega tui, & patroni etiam mei.*

HIERONYMVS BOSSIVS  
HENRICO ARSAGO

Electorum Iudicum Mediol. Coll. IVRISCONSVL.

S. P. D. Epist. 86. Medietanum.

**E**T gaudeo, & tibi etiam, atque etiam gratulor, V. præstantissime me HENRICE ARSAGE, quod vi audio,

Expers curarum, atque animum virtute quiesca  
Compositus, semperque tuus,

in tua te oblectes bibliotheca: cuius ransa à libris elegantiæ, & suauitas est, ut in istam Musæ frequentius ad te, quam olim ad Herodotum, nunc putem diuertere. Nec, quia tamen omnino quiesce priuer, ut cum poeta loquar, tunicata, minus hæc vera est gratulatio. Et enim ingenium meum in hoc vno, si nulla alia in re, cum Plinij natura consentit, quod non ego, ut multi, inuideo alijs bonum, quod ipse careo; sed contra sensum quendam, voluptatemque percipio, si ea, quæ mihi denegantur, amicis video superesse. Atqui versari, heu me miserum? quotidie cogor in puluere hoc forensi, ubi ne voxula quidem exauditur, quæ amœnitatem sapiat. M. an superioris Musæ De cælo inquam delapsus, & peius quàm in insulas Cycladas deportatus mihi videor, ex quo fui, & igne Poetico, & aqua Aganipedum interdictus: tu autem, si quis alius, optimè nosti quorum culpa. Quid igitur rogas? Obstreperunt auribus meis pro Tulij, &

Flaccii



Flaccis Legulei quidam, & rabulae: moratores quidam vulpiones,  
lucripetae, crumenimulgi. Quorū certē lingua grauius mihi olet, quā  
Augiæ stabula fatere dicantur. Ferendi profectō essent, si rus verum,  
& lapides tantum loquerentur, ut ille Catullianus. Etenim Arabi-  
cum unguentum est, præ horum luto, & sordibus annalium carta  
Volusianorum. Sed vereor, ne, si ulterius hoc argumento progre-  
diar, stomachum tibi faciam legenti. Quamquam, si vera dicenda  
sunt, hæc ideo ad te scripsi virum mei amantissimum, ut mea causa  
in eo magis, ac magis aduigiles, quod mihi te tuo in Ticinensi discessu  
ceraturum condixisti. Quod si iterum tuo beneficio illud mihi da-  
bitur otium, quod olim fuit, cum

liber animos, & sui iuris, mihi

Semper vacabat studia recolenti mea,  
plus ego tibi debebo, quā ipsis parentibus, quibus quidem, secundum  
Deum, ipsam vitam debeo. Vale. Ticino Regio.

## HIERONYMVS BOSSIVS PRINCIVALLI MONTIO

Regio Mediolani, SENATOR,

S. P. D. Epist. 87. Mediolanum.

Presumptum cerie gaudium vel tunc ego gauisus sum, ampliss.  
Monti, quasi Senator fuisse creatur, cum inter Regios Quæsto-  
res annis proximis superioribus adscriptus fuisti. Etenim summus ille  
Regum Philippus, qui te laticlavia ornatum voluit dignitate, aliterius  
Philippi Regis & filius, & heres est, qui HIERONYMVM patrem  
tuum in amplissimum istum ordinem cooprauit. Tu verò in parentis  
hereditatem, non quā solum usus, & fructus, aut mancipium, &  
nexus prædiorum habetur, sed quā etiam nominis fama, integritas,  
doctrina, prudentia, & cetera id genus virtutes censentur, te tuo iure  
sempridem immisisti. Uique nemo non poterat non tibi Senatoris  
filio,



filio, Senatoriam ab eo Rege dignitatem polliceri, qui ut  
regit patris virtutibus orbem;

ita quoque in deferendis honoribus non nisi hominibus sine ulla exceptio-  
ne laudandis, paternum sequitur exemplum. Cum alij igitur omnes,  
quod ad ornatiſſimum in Republica Mediolanensi dignitatis gradum  
promotus fueris, tibi gratulantur, unus ego ab eiusmodi officio di-  
ſcedo gratulationis, ſequor tamen conſecturas meas, & præſumpta  
perfruor lætitia, dum aliud quiddam maius, quàm; quod nunc es con-  
ſecutus, tibi delatum iri auguror, polliceorquæ. Interim vale, & vive  
ad multos annos, ſuperſtes illi gloriæ, quæ c. AESAR, & M. ANTO-  
NIVS te patre digniſſimi filij, Iuriſconſultorum eloquentiſſimi, &  
eloquentium iuris peritiſſimi cū paucis præſtabunt, ac orebunt: unus  
ſcilicet cū Romæ purpura ornabitur, alter cum Laſo Claſſo Medio-  
lani. Iterum vale, & vive, ac me, ut facis, fouere perge.

HIERONYMVS BOSSIVS

## BASSIANO CATENAGO

Theologo, ac Reg. Lateranenſi CANONICO

S. P. D. Epist. 88. Genuam.

**E**A planè ad nos literis, nuntijsque de te perferuntur, quæ certis  
ac clariſ, & proſperis e cœlo datis ſignis, augurati ſumus  
in tuo diſceſſu. Tantam ſcilicet in concionibus te tibi audientiam face-  
re audimus, ut apud alios, qui iſthic Genuæ in Verbi Dei ſeſe exercent  
prædicatione, mira ſit infrequentia. Hoc ego quidem quam, qui ma-  
ximè, lætor, ac gaudeo. Quamquam illud me magis mouet, quod in  
ſummo Templo maximè iſtius Reipublicæ DVX tuorum aliquando  
ornet, ac illuſtre auditorum coronam. Nimirum unus intelligit, quan-  
ti referat, ut ſuo ipſius exemplo ad eum audiendum excitet, qui iſtos  
poſſit, & dictione, & vitæ in primis integritate non tantum in reli-  
gionis ſtudio continere, ad eoſdem etiam ad cœleſtium rerum contem-  
plationem inflammare. Atqui nemo non videt, non fatetur te illius

Herois



SELECTARVM EPIST. CENTVRIA 81

*Herois munus perbelle sustinere, qui, ut dicitur à Prudentio elogium  
occinitur, doctor est Populorum,*

— & ore potens coruos mutare columbis.

*Ea re nec mihi nouum, nec miram est, quod ad te unum cum Duce  
ipso S. P. Q. Genuensis concurrat, & confluat, de quo quidem tibi  
gratulor vehementer, quia te non minus in eo agnoscere salutem Ani-  
morum, quam fructum te scio amare eloquentiae tuae Vale. Pænè  
praeterieram, quod tibi futurum arbitror iucundissimum: ALOYSIVS  
TROTIVS adolescens ingenio supra humanum praedito in Bray-  
densi Collegio nudius tertius eleganti sanè, & accurata Oratione illud  
suasit, fortasseq; etiam persuasit, quod aestiua tempora sint, quàm  
hyberna Musarum studijs aptiora: ex illa autem actione eos plausus  
tulit, qui te quidem si adfuisses immensum quantum oblectassent, ut  
homo es amplissimi Senatoris IO BAPTISTAE TROTTI, eius  
patris studiosissimus, cupidissimusque. Interim vale, & me ut fa-  
cis ama. Mediolano postridie Idus Iulias.*

HIERONYMVS BOSSIVS

ALOYSIO MELTIO

Regio Mediolano SENATORI, & COMITI.

S. P. D. Epist. 89. Mediolanum.

*P*raclarum sanè argumentum est tuorum meritorum, amplissime  
Vir ALOYSI MELTI, quod maximus regum Philippus non  
eo contentus, quod te Senatorem creauit, COMITEM etiam ornare  
voluerit. Ego quidem, cum tibi MAZENTAE municipium manci-  
pio, & nexu, ut ita dicam Regia liberalitate additum intellexi, ipse  
non dubia sperare cœpi, ut, qui prioribus posteriora beneficia adiunxit,  
beneficia ista velit tertio suae liberalitatis munere cumulare. Hoc  
autem ut Bonus euentus curet, ac perficiat, iugibus precibus rogo.  
Tu interim cura ac valeas eximium curiae lumen, & me ama cu-  
pidissimum tui.

HIERO-



HIERONYMVS BOSSIVS

BARTHOLOMÆO ZVCCHIO

C. V. &amp; Præstantissimo PHILOLOGO,

S. P. D. Epist.

90. Modoetiam.

**I**Ncredibilem sanè, CL. V. Bartholomæe Zucchi, de tua humanitate Io. Baptista Solarius apud me excitatæ expectationem. Sed eam tamen, quanta quanta esset, longè officijs tuis superasti. Etenim non eo contentus, quod me tuis verbis communis hic amicus salutaris, litteras ad me etiam dare voluisti, in quibus prolixam voluntatem tuam non minus perspicerem, quàm ingenium suspicerem tuum. Atque non aliunde omnino benè conscribendarum epistolarum ratio, & **I D E A** petenda est, quam à tuis ipsius litteris elegantissimis, ingeniosissimis. Id quod profectò verissimum esse confirmant omnes, qui tua scripta perlegunt, quis autem non perlegit? sed unus in primis Valerianus Castillionius vir eruditione præstans, iudicio acutus, & censura verus, qui tuam ad me datam epistolam semel, iterum, ac teriò sibi voluit recitari, in se nostri seculi Italico tullio genium ipsum epistolarem agnoscebat simul, & admiratur. Cuius rei argumentum non vulgare habes, quod unius tui salutandi causa Modoetiam is cogitarit, atque etiam venerit. Hominem autem ut humaniter vel excipias, vel complectaris, nec te rogo, nec moneo. Eum enim esse te non ignoro natura virum, qui omnibus tua sponte sis facilis, & benignus ac vicissim non me fugit tot ac tanta esse in Valeriano meo virtutis merita, ut vel unico congressu omnium sibi facillè conciliet amicitiam. Vale Mediolano pridie Nonas Maias.

HIERO.



HIRONYMVS BOSSIVS  
TRVSSO TRVSSIO

Regio Mediolani SENATORI

S. P. D. Epist. 91. Mediolanum.

**Q**ui hanc tibi meam, Senator Amplissime, epistolam reddet, natione Belga est, professione pictor: etate quidem, ut vides, adolescens; arte vero, & ingenio senex. Is Mediolanum venit, ut Urbis istius opes, & opera videat simul, & admiretur. Quae sane ut cum Lipsio dicam, Admiranda sunt, & cum Romanis illis facile conferenda. Sed nec homini fuit ista omnino una perfectionis causa. Etenim signa etiam Bassanica, & Luuinica; Campina, & Titianea; addo etiam Figiniana, Cerranica, & Procaccinia, quibus Urbs ista vniuersa exornatur, mirè cupit videre videre autem? parum dixi de adolescentis cupiditate non amanda minus, quam predicanda. Cupit namque pro virili sua nobilium pictorum tabulas quodam modo transferre in tabulas suas. Quare cum apud Flauium Belcredium nostra vicinia delicias me saepe audierit celebrantem pictorum Cimeliarchium tuum, voluit omnino sic per meas litteras indicari tibi, ac simul commendari, ut ad istud admittatur inspiciendum. Hoc autem si homo à tua humanitate, ut spero, impetrauerit, & mihi erit pergratum, qui Ermanni Yterri causa (sic est nomen adolescenti) omnia cupio, & volo; nec tibi fortasse, amplissime SENATOR inuicundum erit, qui pictorum delectari siue consuetudini, siue disputatione. Interim vale, & vive. Ticino Regio.

M

HIE



HIERONYMVS BOSSIVS

## IO. BAPTISTÆ PROVERÆ

Bellingerio, Senatui Mediolanensi A. SECRETIS,

S. P. D.

Epist. 92. Mediolanum.

**R**egiam strenam, qua te auctum littera nunciarunt isthinc ad  
amicos scripta, quancunque maxima potest, & animi, &  
amoris tibi gratulor abundantia. Atqui peropportune accidisse puto,  
ut munus istud Regium, quod ab hinc non paucos menses sperabatur,  
nunc tantum temporis delatum sit, qui festos hosce dies transigeres læ-  
tius, hilarius. Omnibus itaque lætius videre te mihi incedentem  
videor, quia C. V. Sacco socero tuo, quem antea cognominem habuisti,  
nouo isto munere nunc etiam factus sis collega. Vale. Ticino Regio  
postridie Seruatoris natalem diem.

HIERONYMVS BOSSIVS

## NICOLAO LEYZALDO.

Regio Mediolani SENATORI,

S. P. D.

Epist. 93. Mediolanum.

**M**onita per antecessoris L. V. litteras die Veneris proximo de stu-  
diorum instauratione Senatum habendum esse intellexi. Ego au-  
tem perdifficile, ac verius dicam impossibile futurum arbitror ut Typo-  
graphus ad tam breue tempus decreta omnia, & rescripta Principis, &  
Senatus excludat. Quod ad te quidem Senator Amplissime significan-  
dum putavi, ut de eis deliberes siue manuscripta mittenda sint; siue,  
quoad opus absoluitur, expectandum. De qua tamen deliberatione

sua



*qua velim à te ipso certior fieri per epistolam. Interea ego autem ur-  
gebo Ardiæzoni operas, ut quam fieri possis ardentissime ad impres-  
sionem incumbant. Tu fac valeas. Ticino. ex Prætorij adibus tuis.*

HIERONYMVS BOSSIVS

FEDERICO BORROMÆO.

Archiepiscopo Mediolani, & S. R. E. CARDINALI,

S. P. D. Epist. 94. Mediolanum.

**N**ulla fortasse in re homines frequentius peccant, quàm in mun-  
eribus deferendis. Cuius erroris causam hanc esse puto, quòd fe-  
re nemo, ut nunc temerè, & inconsultè viuatur,

Reddere personæ sit convenientia cuique.

Quis enim vel tantillum consideratus litterato viro Martis frameam,  
aut contrà in lili, & bellatori Lyram daret Apollinis? Ego quidem li-  
cet in omni re alia parum iudicio valeam, in hoc tamen genere, præ-  
fiscini dixerim, & antea valde semper, & nunc quàm maximè, illud  
studeo, ut ne munus offeram alicui sine delectu: ut ne inquam mi-  
hi ipsi eam gratiam, quam donando quero, imprudens extinguam,  
aut quidem ceriè debilem. Ex quo factum, Cardinalis amplissi-  
me, ut, qui nihil habeo te dignum Principe litteratissimo, non ego ad  
te audeam de meo quicquam transmittere. Cùm igitur Iulius Cæ-  
sar Madius V. in iure, ac legibus haud parum versatus, ac tui ma-  
ximi nominis magnus cultor opusculum de sacris Ordinibus dectum  
sanctum, & erudinum ediderit, ad te dono mittendum putavi, ut te alie-  
nis munerer, qui meis non possum. Qua in sententia illud me singula-  
riter, nec mediocriter confirmavit, quòd is quarto quoque versu ad suas  
assertiones confirmandas auctoritatem suscipiat C. L. I. E. Marij An-  
tonini tui. In cuius ego laudes non ibo, cùm nec sit hic locus, nec tu igno-  
res, quàm præclarè prudentia sua, & multarum rerum scientia Vi-  
cariam tibi operam naues in Archiepiscopij administratione. Quia

M 2. verò



Verò, ut ad id deam, istud ipsum, quo te muneror, de re sacrâ est, non te rogâ. Virum è Sacro Purpuratorum Ordine cum paucis eximium, ut librum vel extipias libenter, vel diligenter legas. Cum præcipue ea tua sit humanitas, nihil ut respuas, quod ab animo tibi dedito, proficiscatur: ea doctrina, ut ad nullam rem aliam, quàm ad legendum, tua sponse feraris ardentius. Vale Princeps amplissime: vale litterarum, & litteratorum in Italia Mæcenus. Hæc scripsi in Musæo ad S. Caroli imaginem, quæ inter ceteras indigentium, ac VV. illustrium tabulas, sic à me posita est, ut totus hic locus illustrari non nisi ab uno Carolo videatur. Ticino.

HIERONYMVS BOSSIVS  
IVLIO CAESARI REGIO

Todeschinio A. V. & IVRIS CONSVLTO

S. P. D.

Epist. 95. Mediolanum.

Nosrum planè omnium, qui tenui in re politionum studia complectimur litterarum, aqua ratio est, atque amatorum, qui, licet sit domi curta suppellex, muliebri allekti, ac potius decepti forma, uxores ducunt indotatas. Virique enim iucundas noctes habemus, nec iniucundè isti cum Venere, nos cum Musis vigilamus. Virique etiam suauiter esurimus, atque sapiissimè ut ille ait comædia palliase. Roscius, Aphisca celebramus. Nec verò sumus in hoc dissimiles: quod ydem, si fuerit ad conceptus sterilis coniux, ut suas sibi res habeat per diffareationem iubere, atque alias sibi nuptias parare possunt: nosque ratione pari, si nullam habeat Musa compendi fecunditatem

iure



iure illi nostro edicimus.

..... vt res suas procuret, ædibus facessat,

atque mox etiam in ea arte, quæ sua vbertate veracior esse videatur nostram ponimus industriam. Cum labores igitur literarij nobis frangi potius, quàm commodosint, hoc præcipue tempore, quo Viri isti, heu quid proloquar? ad alia nos traducere animum cogitamus. Ad quæ tamen vellem proxeneta honorarij operam mihi naues. Eaque re cogitata mea omnia in tuum sinum liberè effundam. Cuperem igitur in S. Vel M. C. L. ÆQ. munus sortiri. At istud fortasse inquires, non ita, est vt arbitramur, expeditum. V. Procuracionem, Cerealem Æ. non recusaremus: minus dicam R. S. M. & A. aut etiam S. A. C. Q. aut Custos essem non inuitus. Quamobrem gratissimum mihi fieris, si vbi primum Aresius Præses in sermonibus meo uicem nomine usurpauerit, ex illis bellè tu captaueris occasionem exprimendi formam quandam, & imaginem rerum mearum. Quæ adeo quidem cadunt infeliciter, vt nulla ex talorum iactu in meo ludo Venus appareat. Hoc autem cum Præses intellexerit, non vereor, vt tamquam Hercules Alexicacus malum omne, quod mihi ab euentu non bono excitatur, sua, & auctoritate, & benignitate sedet, ac depellat. Ex quo etiam, mi Regi, fiet, vt idem ipse, cuius ego ingenium, quale sit optime noui, virumque nostrum multò quam antè ardentius amet: te, quia indicio fueris, vt apud clientem, quod semper fecit libentissimè, beneficium poneret: me, quia quantum quantus ero, esse omnino a se ipso cognosceret. Atque erga suum beneficium sic afficietur, vt artifices erga opus, Poetæ erga versus, & pictores erga tabulas suas. Vale.

H. E.



HIERONYMVS BOSSIVS

MATTHÆO VALERIO.

Carthusiæ Ticin. apud Mediol. PROCVRATORI,

S. P. D.

Epist. 96. Mediolanum.

**Q**uam vellem VALERIO optime, ut te mihi prius, quam me tibi Soffagus indicasset. Non tu certe adeo humana, et prompta amoris erga me tui professione hoc officium significandi meam erga te voluntatem prauertisses. Etenim iste noster interpretis amicitia inter nos concilianda, dum me tibi officiosè quidem, ac peramanter salutauit, eum esse te in litteris ostendit, quem omnino dignum iudicaui, ut ab omnibus, sed ab ijs præcipue, qui bonas litteras colunt, amaris potius, quam redamaris. Itaque pro virili mea illud conabor efficere, ut quantum præoccupata salutatione vinctus, quantumque meritis ac doctrina victus sum, tantum par tibi sim amoris abundantia. Quam te officijs meis, non enim dicam beneficijs, aliquando perspectam, & cognitam habeas, me quam potero diligentissime curaturum polliceor. Interim Vale. Ticino Regio.

HIERONYMVS BOSSIVS

CAROLO ANTONIO BELCREDIO

I. C. Acad. Affidato, &amp; Reipub. Ticinens. AGENTI

S. P. D.

Epist. 97. Romam.

**L**itteras tu quidem, BELCREDIO optime, non Romanenses solum, quia Roma missa, sed planè Romanas, quia candidè scriptas, ad me per florem illum Charitum Nicolaum Ritum dedisti. In quibus plusne tuam erga me beneuolentiam fuerim complexus, an ingenium, & ingenium suspexerim, omnino nescio. Quamquam illud certi scio, magnam te mihi curam, & animi sollicitudinem inieciisse,

cum



cum ista in Vrbe, in qua vel pueri ipsi, ut ait Poeta.

..... nasum Rhinocerotis habent.

nugas quisquiliisq; meas tantopere tua praedicatione desiderari significasti. Tantum abest, ut ad clarissimos istos viros tu mihi meos numeros siue Tuscos, siue Latinos mittendos esse persuadeas: qui alia tamen omnia persuadere facile posses. Non enim me adeo fugit ratio, non sic desipio, ut ignorem, quam ego anser Amuson sim inter olores; Itaq; nisi olim magis, quam antea ad versum pangendos Musas habueram propitias, tibi ipsi, qui pro me spondidisti, praesto noxa oriri: atque adeo ut nexum fugias, omnino aliquid de tuo supponendum erit pro meo. Vale.

HIERONYMVS BOSSIVS

IO. BAPTISTAE BIGONIO

In S. Inuentij Canonico, & Ticin. Semin. RECTORI

S. P. D.

Epist. 98. Ticini.

**N**on Vereor quin, quo tempore fueris ab nouo Episcopo in Seminarium reuocatus ad iuuentutem erudiendam, cum Tyndaro Plautino dixeris:

Ex auspicaui ex vinculis, nunc intelligo

Redauspicandum esse in catenas denuo.

etenim munus est erumnis plenissimum, quae non minus animu, quam ipsu corpus afficiunt. Quia tamen eiusmodi facto declaratur, quam per iniuriam fueris ab hinc tres menses exauthoratus spartam istam litterariam, quantumuis laboriosam, puto gratam tibi, & iucundam accidisse. Etenim longe maius tibi eidem est ornamentum allatura, quam fraudem ij olim fecerint Interpontifices temporarij, qui successorem dederunt nihil tale merenti. Quamobrem ego, qui te semper ornatisimum volui, prouinciam istam tanta cum tua dignitate iterum de lasa gratulari omnino debeo. Quae utinam meo voto atque  
etiam



96 HIERONYMI BOSSII TICINENSIS  
etiam ex tuo merito prosperè eueniat succedat, feliciter. Vale  
meum mel. Raptim ex adibus.

HIERONYMVS BOSSIVS  
VINCENTIO GALLO

V.R. in Arcimboldjo Gymnasio Eloquentiæ Primario  
INTERPRETI.

S. P. D. Epist. 99. Mediolanum.

**N**on potui non ollæ osculum dare tabellario, qui tuam hodie  
VINCENTI GALLE, ad me pertulit epistolam. Etenim  
quod in eo tu Vir Reipub. litterariæ Consularis mecum sentire scribas,  
in quo censor iste vitio creatus dissentit, omniū omnino letitijs in-  
cedo. Præterquam, quod ea tuarum est litterarum suauitas, ij lepores,  
ut in eis perlegendis non summa iucunditate perfundi, hominis esset  
prorsus discedentis ab omni, & morum, & ingenij humanitate. Por-  
rò autem de tua ego epistola sic existimaui, ut non in maximis gene-  
ralium tuæ Societatis Comitiorum occupationibus, sed per summum  
potius otium in ipso mundi umbilico Parnasso, dictantibus  
Musis, eam à te scriptam fuisse dixerim. Aque equidem, ut  
intelligas, quantum ea me delectauerit, ac me herclè etiam  
iauerit, Bona Fide hoc vnum affirmo tibi, quod ab illa  
egomet fuerim ab omni stomacho, & indignatione ad magnam  
animi traductus tranquillitatem. Eaque re non paucos nunc ipsum  
iambos, quibus me rabies pænè Archiolochia armare cæperat, obli-  
uioni, ac Vulcani potius violentiæ trado. Quos profectò si vel tan-  
tùm M.S.S. in hominum manus ire fuisset passus, Burdo iste Sca-  
rabæis impurius nusquam esse posset, quin prætereunti puellus quisque  
quadrimus.

digitum porigere medium.

Tu vale



Tu vale, & me ama. Religiosissimo viro Bartholom. Jauanto, & elegantissimo Valentino nostro S. adscribo P. Hæc exaravi in Aresiano meo ad sanctissimi tuæ Societatis Indigetis, Alexandri Saulij imaginem. Ticino Regio.

HIERONYMVS BOSSIVS

ALOYSIO BOLOGNINO.

V. R. e Societate I E S V,

S. P. D.

Epist. 100. Ticini.

**N**Æ diuinasti futurum, BOLOGNINE optime, elegantissime, ut aliquis Pseudo Aristarchus qui solam agnosceret Panegyrim, CENSORIA NOTA MOVEKE Panegyricum vellet ex nostri libri inscriptione. Ecce tibi, ut sciolus quidam hoc mihi faciundum persuaderet, exemplum perbellè apposuit nouitij Panegyraſtis, qui, prisco ritu per ceram, ac verius per suæ scriptionis cartam inducto calamo, Panegyricum oblitterauit. Sed non homo ego sum desultorie adeo sententiæ, ut ad cuiuslibet arbitrium aut factum, aut dictum commuem incum. Cum præsertim authores habeam, quos sequar, classici eos, probatissimos, ac tanta dignationis, ut ipsos Panegyricos ex litteratorum Orchestra, non ex cuneis. & dicant, & audiant. Porro etiam te possem ego testem citare, quod non imprudens, sed sciens volens, & de industria, usus fuerim hoc verbo; nec tamen ignorauerim, al e u n illud à quàm plurimis usurpari. Recordaberis cerie, quod in tui. hortis, dum sub iopiaro spacia simul faceremus, eorum stultam in dicendo religonem de-

N

riderem



viderem, quæ peius, quàm canem, & anguem, Panegyricum  
 vitandum putat. Ab isto igitur Censore vitio creato, qui solam  
 Panegyrim dici sine reprehensione contendit, ad te mi BOLO-  
 GNINE, prouoco. Atqui omnis argumenti vis, quo nostram  
 conuellere opinionem iste Sesqui Plinius conatur, in eo maxi-  
 me nititur, quòd πανηγυρικός ἀπὸ τῆς πανηγυρίας deriuetur, non rem sed  
 ipsius rei adiunctum, hoc est non laudationem, sed laudatiuum  
 quiddam significet. In quo quidem tantum meo iudicio fallitur,  
 ut omnino deducendus sit ad eorum institutiones, qui docent,  
 quid eclipsis, & quid enallage sit partium orationis. Quasi ve-  
 rò Panegyraſtes Nouocomensis, qui Traiano Augusto laudatio-  
 nem dixit, ex diametro non huic opponatur. Adde, quòd Quin-  
 tilianus Institutionum Oratoriarum lib. II. cap. X. in hunc modum  
 loqui non dubitauerit: in ijs actionibus, quæ in aliqua sine  
 dubio veritate versantur, sed sunt ad popularem aptatæ  
 delectationem, quales legimus Panegyricos. Earundem etiam  
 Institutionum lib. III. cap. X. in Panegyricis, inquit, petatur  
 audientium fauor. Sed quisquam fortasse negauerit, ut idem  
 ait cap. IIII. Panegyricos enallagmaticos esse. Neget potius vocem esse  
 latinam, & græcam affirmet. Hoc ego quidem feram non inuitur.  
 Quamquam illud mox adscribam, fuisse donatam latinitate à su-  
 premo illo Romane eloquentiæ Consule Fulio. Etenim his verbis  
 M. Brutum alloquitur in Oratore: sunt orationum genera, ea-  
 que diuersa, neque in vnā formam cadunt, omnia lauda-  
 tionum, scriptorum, & historiarum, & talium suasionum,  
 qualem Iſocrates Panegyricum fecit. Itaque abundè satis, ut  
 arbitror, non illud solum probaui, quòd Panegyricus dici pro Pa-  
 negyri posset, sed hoc etiam ostendi, quòd dictio sit Ciceroniana.  
 Id quod profectò contra eorum omnium opinionem me fecisse exi-  
 ſtimo, qui Ciceronem ipsum non sibi familiarem habent, nisi in  
 epistolis familiaribus. Tu modò vide quo iure, & quantorum  
 hominum exemplo Panegyricum inscripserim libellum meum.

Palmarium



# SELECTARVM EPIST. CENT

99

*Palmarium cerè factum putabo, si tu, præsi. ne BOLO-  
GNINE, sententiam meam comprobaueris. Dignus autem cælum  
mihi videbor attingere, si doctissimus PRÆFECTVS,  
MALAVOLTA, ALEMANNIVS, ET CA-  
GNOLIVS, qui tecum in Societate Iesû viuunt ad religionis  
& bonarum artium decus, & ornamentum, suffragio suo volue-  
rint nobis subscribere. Tu interim fac, valeas. Ex adibus*

## FINIS.











HE

005644715



